

Jon

ndê nawaê nayham

Yom whê nawaê nayham dindec sa-nga

Jon in Yisu ndê ngacsêngomi 12 si dan, nan kêsêlêñ whiñ Yisu ma mbo whiñ in tòm in ndé béc mbo nom-nga hoñ, ma bocdinañ dec ngô yom hoñ nan in kêdôhôn ma gêlic gwelen nan in kôm. Yêc 13:24, 19:26, 20:2 ma 21:7, Jon to yom pi ngacsêngom dan, nan Yisu atac whiñ ñandô. Lau daêsam sênyalê bu yom dau hêganôn Jon dau, magoc in tec bu têt dau tiawê.

Lau ñatô sêsam Jon ndê bapia bu 'Buku Gêñ Dalô-nga,' bu in to yom pi gêñ dalô atu-tu nan Yisu kôm. In to yom pi gêñ dalô hoñ nan Yisu kôm, nan dom. In to yom pi gêñ nan bu whê Yisu sa bu Mesaya nan Anötö gic bata bu êñkin têt in ndê lau Israel-nga. Jon dau whê ndê bapia ñahu sa bocdec bu:

Yom pi gêñ dalô dindec, nan yêc tu bu mac asam ma akêñ whiñ bu Yisu in Mesaya, Anötö ndê Atu. Ma tu mac akêñ whiñ in ndê ñaê-nga, dec mac oc atap señ ambo tamli-nga sa. (20:31)

Jon sam Yisu bu Anötö ndê Yom Dau nan mbo titêm-titêm, nan meñ ti ñamalac. In mbo whiñ Damba Anötö têt ñamata-nga, ma in Anötö dau (1:1). Bocdinañ lau nan sênyalê Yisu tidôn, nan gitôm sênyalê ti sêlic in Damba dau whiñ (1:18;

8:19; 14:7). Jon tac whiṅ bu lau naṅ sêsam iṅ ndê bapia sêtap seṅ dandöc taṅli-ṅga sa. Ma seṅ dau datap sa yêc Yisu tawasê, tôm yom naṅ Yisu sôm pi dau, ma Jon to yêc (14:6) bocdec bu:

Aö taṅwasêṅ gati seṅ bu ṅamalac sêtêṅ Damaṅ sêndi, ma seṅ daṅ yêc dom.

Yisu Kilisi Nahu

¹ Têṅ têm ṅamata-ṅga nom sambuc dindec mbasi, naṅ Yisu naṅ dasam bu Yom Dau, iṅ mbo. Iṅ mbo whiṅ Anötö, ma iṅ Anötö dau. ² Iṅ mbo whiṅ Anötö têt têm ṅamata-ṅga. ³ Gêṅ hoṅ naṅ yêc, naṅ iṅ dau kêṅ, ma gêṅ daṅ hóc asê ṅa lêt daṅ dom. ⁴ Yac neṅ dambo taṅli ṅahu iṅ dau, ma iṅ dau ti ṅamalac nom-ṅga si ṅawê. ⁵ ṅawê dau pô gameṅ ṅasec, ma ṅasec gitôm dom bu kôm ṅawê dau ahuc.

⁶ Anötö kêkiṅ ṅgac aheṅ-ṅga daṅ meṅ, naṅ ndê ṅaê Jon. ⁷ Iṅ meṅ bu hoc yom ṅandô asê pi ṅawê dau, tu bu lau hoṅ naṅ sêṅgô iṅ ndê yom, naṅ sêkêṅ whiṅ ṅawê dau. ⁸⁻⁹ Jon iṅ ṅawê dau dom, tigeṅ iṅ meṅ bu hoc yom asê pi ṅawê ṅandô dau, naṅ oc meṅ êṅkuc iṅ bu pô ṅamalac hoṅ.

¹⁰ Nom sambuc dindec Anötö kêṅ ṅa iṅ, tigeṅ têt ndoc iṅ hóc asê, naṅ lau nom-ṅga sêṅyalê iṅ dom. ¹¹ Iṅ ti nom sambuc dindec ṅadau, magoc têt ndoc iṅ meṅ, naṅ iṅ ndê lau Israel-ṅga sêkôc iṅ sa dom. ¹² Magoc lau hoṅ naṅ sêkôc iṅ sa, ma sêkêṅ whiṅ iṅ, naṅ Anötö gêlic ṅayham ma kôc ṅac sa sêti iṅ ndê balêkoc. ¹³ Sêti iṅ ndê balêkoc ṅa lêt tôm lau nom-ṅga si lêt sêkwê balêkoc

asê-nga dom, me tu ñamalac dau si gauc gêm me atac whiñ-nga dom. Mba! Anötö dau kôm ñac sêtiwakuc dec sêti in ndê balêkoc.

¹⁴ In ñañ dasam bu Yom Dau sip nom meñ ti ñamalac, ma mbo whiñ yac. In meñ akêñ Damba Anötö, ma Damba ndê mwasiñ ti yom ñandô gêm in ahuc. In Anötö ndê Atu tigen, dec wêkaiñ ñaclai ti ñawasi atu, ma yac alic in ndê ñaclai ti ñawasi dau, ñañ su. ¹⁵ Jon hoc yom asê pi in gwanañ su bocdec bu, “Ñgac dañ oc êñkuc aö, ñañ hóc gêlêc aö su, ñahu bu in mbo wandêc su mbo.” Ma têtñ ndoc in hóc asê, ñañ Jon sôm bu, “In ñgac dau dinañ dec gahoc yom asê pi in gwanañ su.”

¹⁶⁻¹⁷ Muñ-nga Anötö kêmwasiñ lau Israel-nga ña yomsu ñañ in kêtñ têtñ Moses. Magoc kwahic dec Yisu Kilisi meñ, ma Anötö ndê mwasiñ gêm in ahuc sambuc, dec yac hon datap mwasiñ ti yom ñandô sa hóc gêlêc su, yêc Yisu. ¹⁸ Ñamalac dañ gêlic Anötö su dom. Magoc in ndê Atu tigen Yisu †Kilisi, ñañ mbo kêpiñ Anötö dau, in dau in Anötö, ñañ sip nom meñ ti ñamalac, ma whê Damba Anötö sa têtñ yac, dec tanyalê in.

Lau sêndac bata Jon, Ñgac Kêku Lau-nga

¹⁹⁻²⁰ Têtñ ndoc Jon kêku lau mbo, ñañ lau bata Israel-nga sênkiñ †dabuñsiga ñatô ti lau †Liwai ñatô akêñ Jerusalem sêtên in si, ma sêndac in bu, “Am asa?” Jon sêc yom dañ ahuc dom, in sôm yom yêc awê bu, “Aö †Mesaya dom.” ²¹ Dec ñac sêndac in, “Bocdinañ dec am asa? Am Elaija, a?” Ma in sôm, “Mba!” Goc sêndac, “Am propet gitôm Moses ñañ Anötö gic bata bu êñkiñ meñ,

a?” Ma in sôm, “Mba!” ²² Bocdinañ sêsôm têt in, “Dec sôm daôm asê têt yac bu am asa. Yac bu akêtñ ñawaê têt lau nañ sêtñkiñ yac amenñ nañ.” ²³ Jon ô ñac si gëndac ña propet Aisaya ndê yom dañ, ma sôm, “*Ñamalac nañ ta yom yêc gameñ sawa bu, ‘Amasañ Pômdau ndê señ tisolop,’* nañ aö daun dec.”

²⁴ Lau Palêsai ñatô sêmbo sêwhiñ lau nañ lau bata sêtñkiñ sêtêtñ Jon si. ²⁵ Sêtñgô Jon ndê yom dau, dec sêndac in bocdec bu, “Am daôm sôm bu am Mesaya dom, ma bu am Elaija dom, ma propet atu dau dom. Ma bocke dec am kêku lau mbo?” ²⁶⁻²⁷ Ma Jon sôm, “Aö dec kaku lau ña bu, magoc ñgac dañ oc êñkuc aö, nañ hóc gêlêc aö su. Aö dec ñgac ñambwa, gitôm dom bu wati in ndê ñgac akind bu wañgapwêc in ndê atapa ñawalô. Ñgac dau kwahic dec mbo mac ñalhu, magoc mac añyalê in dom.”

²⁸ Jon kêku lau mbo malac dañ ñaê Betani, nañ yêc Bu Jordan ñadañga mbu têt ac pi-ñga. Ma gêtñ hoñ dinañ hóc asê yêc gameñ dinañ.

Yisu in Anötö ndê Domba

²⁹ Bêc dañ tiyham ma Jon gêlic Yisu kêsêlên têt in meñ, ma sôm, “Alic ñgac dê! In †Anötö ndê Domba, nañ Anötö kêtñ bu kôc ñamalac si sac su. ³⁰ In ñgac dau nañ aö gasôm yom pi in muñ su, bu ñgac dañ oc êñkuc aö meñ, nañ hóc gêlêc aö su, bu in mbo wandêc su mbo. ³¹ Muñ-ñga aö daun neñ gauc sa pi in dom, tigenñ kwahic dec aö gameñ kaku lau ña bu, tu bu watôc in asê têt lau Israel-ñga.” ³²⁻³³ Jon sôm yom dinañ su, goc gic têtñ yom ma whê yom sa bocdec bu, “Yomandô.

Muñ-nga aö dauñ neñ gauc sa pi inñ dom, tigen Anötö nañ kêkiñ aö bu wañku lau ña bu, nañ sôm têtñ aö bu, ‘Am oc lic Ñalau Dabuñ sip têtñ ñgac dañ meñ. Ma ñgac dau dinañ oc êñku lau ña Ñalau Dabuñ.’ Tiñambu aö galic Ñalau Dabuñ gêm balusi añgô ma sip akêtñ undambê têtñ ñgac dindec meñ ma mbo whiñ inñ. ³⁴ Aö tanônñ galic gêtñ dinañ hóc asê ñgac dau su, ma tu dinañ-nga kwahic dec gahoc yom asê pi inñ, ma gasôm asê têtñ mac bu inñ Anötö ndê Atu.”

Yisu ndê ñgacsêñomi ñamata-nga

³⁵ Ñagalañsê Jon mbo bu dau ñadali ma inñ ndê ñgacsêñom lu sêmbo sêwhiñ inñ. ³⁶ Yisu kêsêlêñ meñ, ma Jon tahê inñ ma sôm, “Kec, Anötö ndê Domba dê.” ³⁷ Têtñ ndoc ñgacsêñom lu sêñgô Jon ndê yom dinañ, nañ sêhu inñ siñ ma sêñkuc Yisu. ³⁸ Yisu kac dau kwi ma gêlic bu inñlu sêñkuc inñ, dec ndac, “Bocke dec amlu añkuc aö?” Goc inñlu sêsôm, “Rabai, am yêc nde?” (Ñaê †Rabai danem kwi bu ‘Kêdôhôn-waga.’) ³⁹ Ma inñ sôm, “Ameñ ma alic.” Goc inñlu sêñsêlêñ sêwhiñ inñ si, ma sêlic gameñ nañ inñ yêc. Sêhóc asê têtñ telha, acgatu gitôm 4 kilok, ma bocdinañ dec sêmbo sêwhiñ inñ.

⁴⁰ Ñgac lu nañ sêñgô Jon ndê yom ma sêñkuc Yisu, nañ si dañ inñ Andru, Saimon Pita ndê asi. ⁴¹ Ñagahô inñ gi tap dôwa Saimon sa, ma sôm têtñ inñ, “Yac atap †Mesaya sa su.” (Yom Mesaya dau danem kwi bu Kilisi.) ⁴² Goc inñ wê Saimon s a têtñ Yisu gi. Yisu tahê inñ ma sôm, “Am Saimon, Jon

ndê atu. Kwahic dec aö wasam am bu Kepas.”
(Një dau* sem kwi sip Yom Grik bu Pita.)

Yisu kêgalêm Pilip lu Natanael sa

⁴³⁻⁴⁴ Têñ ñagalañsê Yisu tisa ma gi tap ñgac dañ ñaê Pilip sa. Pilip in ñgac akêñ malac Betsaida yêc gameñ Galili-ña. Malac dau Pita lu Andru si malachu whin. Yisu gauc gêm bu têtñ Galili ndi, dec sôm têtñ Pilip, “Mweñ êmkuc aö.” ⁴⁵ Goc Pilip gi tap ñgac dañ ñaê Natanael sa, ma sôm têtñ in bu, “Mesaya nañ Moses ti lau propet sêto yom pi in muñ su, nañ yac atap in sa su. In Josep ndê atu Yisu akêñ malac Nasaret.” ⁴⁶ Natanael ñgô su goc ndac, “Nasaret? Gêñ ñayham bocke oc meñ akêñ malac ñambwa dinañ?” Dec Pilip sôm, “Mweñ ma lic.”

⁴⁷ Yisu gêlic Natanael têtñ in meñ, ma sôm yom pi in bocdec bu, “Yomandô! In ñgac Israel-ña nañ yom tasan dañ yêc in ndê ñalôm dom.”

⁴⁸ Dec Natanael ndac in, “Am kêyalê aö ñalêñ bocke?” Ma Yisu sôm têtñ in, “Pilip mbwêc am dom eñ, ma aö galic am ndöc a atu dañ ñahu.”

⁴⁹ Natanael ô yom ma sôm, “Kêdôhônwaga, am Anötö ndê Atu. Am yac lau Israel-ña mba Kin.”

⁵⁰ Ma Yisu ô yom ma sôm têtñ in, “Aö gasôm bu galic am yêc a dañ ñahu ma tu dinañ-ña dec am kêtñ whin. Am oc lic gêñ atu-tu hóc gêlêc in dinañ su.” ⁵¹ Ma in gic têtñ yom ma sôm, “Yom ñandô aö wasôm têtñ mac. Tinambu mac oc alic

* **1:42** Një ‘Kepas’ nañ Yisu kêtñ têtñ Pita, in Yom †Hibru dañ, nañ danem kwi bu ‘hoc.’ Alic Yisu ndê yom yêc Mat 16:18.

undambê kac sa, ma †Ŋamalac ndê Atu oc ti senj bu Anötö ndê anjela sêsip sêpi-ŋga.”

2

Yisu gêm bu kwi ti wain

¹ Bêc lu gi su ma lau yêc malac Kana nanj yêc gamenj Galili-ŋga sêndê mwasinj tu ŋgac danj bu nem awhê-ŋga. Yisu dinda mbo whinj ŋac, ma ² sêkênj ahenj Yisu ti ndê ŋgacsênjomi bu sênenj mwasinj dau sêwhinj. ³ Ma lau senj ti sênom gênj sêmbo e wain pacndê. Dec Yisu dinda sôm tênj inj bu, “Ŋac si wain pacndê su.” ⁴ Goc Yisu sôm tênj inj, “O awhê! Tu sake-ŋga am sôm tênj aö? Aneŋ ndoc meŋ sa su dom.” ⁵ Tigenj Yisu dinda sôm tênj lau akinj bu, “Gênj bocke nanj inj bu sôm tênj mac, nanj akôm.”

⁶ Yêc mwasinj dau ŋamala, lônj bu-ŋga 6 sêlhac. Lônj dinanj atu andô, tigenj-tigenj gitôm 100 lita, ma sic waê lau Israel-ŋga si mêtê sêngwasinj dau ŋawasi sa yêc Anötö anjô-ŋga. ⁷ Ma Yisu sôm tênj lau akinj, “Akênj bu sip lônj honj dinanj e meŋhu.” ⁸ Sêtac bu sip e meŋhu su, goc inj sôm tênj ŋac, “Anjati sa ma akênj tênj mwasinj ŋadau êŋsahê.” Ma sêkôm gitôm inj sôm. ⁹ Mwasinj ŋadau kêsahê bu nanj Yisu gêm kwi ti wain, ma kêyalê dom bu meŋ akênj nde. Tigenj lau akinj nanj sêtac bu sip lônj, nanj dec sênyalê. Mwasinj ŋadau kêsahê su, goc mbwêc ŋgac gêm awhê-ŋga meŋ, ma sôm tênj inj, ¹⁰ “Lau honj sêkênj wain ŋayham tênj lau sênom muŋ e tac ŋayham sa, goc sêkênj wain ŋambwa kêkuc.

Tu sake-nga am kêgaminj wain ngayham kalhac e tinjambu?”

¹¹ Yisu kôm gêj dalô ñamata-nga dinañ yêc malac Kana, nañ yêc gameñ Galili-nga. Gêj dau tôc inj ndê ñawasi ti ñaclai asê, ma inj ndê ñgacsêñomi sêkêñ whinj inj. ¹² Ma tinjambu Yisu lu dinda ma asii ti ñgacsêñomi sêsip malac Kapenaom si, ma sêmbo bêc ñatô.

*Yisu soc lau su yêc lôm dabuj
(Mak 11:15-17; Luk 19:45-46)*

¹³ Têj têm dinañ lau Israel-nga si om atu †Mwasinj Pasowa-nga meñ kêpinj. Tu dinañ-nga Yisu pi Jerusalem gi. ¹⁴ Inj hôc asê su, ma yêc lôm dabuj ñabatêmndö, inj gêlic lau sêhoñ makao ti domba ma balusi bu lau sênemlhi, ma lau ñatô sêndöc tebo bu sêô lau apa si mone ña lau Israel-nga si mone. ¹⁵ Dec inj gêm bocbinj wac ti po ma kêbulu ñac sêsa awê si, ma kêbulu makao ti domba sêwhinj. Ma inj tac lau sêô mone-nga si tebo sa, ma kêbalip ñac si mone babalip. ¹⁶ Goc inj hec yom lau balusi-nga ma sôm têtj ñac, “Akôc nem balusi dinañ asa awê andi! Damanj ndê andu yêc bu lau sênemlhi gêtj sêmbo-nga dom. Mac akôm sac sambuc!” ¹⁷ Têj dinañ inj ndê ñgacsêñomi gauc gêm Anötö ndê yom danj nañ sêto yêc bocdec bu:

Aö neñ atac whinj tu am nem andu-nga, mbô aö neñ ñalôm sa ñapanj. *[BW 69:9]*

¹⁸ Ma lau bata Israel-nga sêndac Yisu ma sêsôm, “Asa kêj ñaclai têtj am bu kôm gêtj dinañ? Kôm gêtj dalô danj bu tôc am nem ñaclai ñahu asê têtj yac.” ¹⁹ Yisu ô ñac si awaha ma sôm,

“Aseñ lôm dabuñ dindéc su, ma aö oc wakwê sa tiyham nditôm bêc tö.” ²⁰ Goc sêsôm, “Muñ-nga lau sêkôm gwelen sêkwê lôm dabuñ dindéc-nga gitôm yala 46. Ma bocke dec am gauc gêm bu am gitôm bu kwê sa tôm bêc tö?” ²¹ Sêsôm yom dinañ bu ñac sênyalê dom bu lôm dabuñ nañ in sôm yom pi, nañ in dau. ²² T inambu, têt ndoc Yisu tisa akêt lau batê-nga, nañ in ndê sênyomi gauc gêm in ndê yom dinañ. Ma têt dinañ sêkêt whiñ yom nañ in sôm, ma sêkêt whiñ Anötö ndê yom nañ sêto yêc muñ su, pi in ndê mbac ndu ma tisa-nga.

²³ Yisu mbo Jerusalem têt Om Pasowa-nga, ma lau daêsam sêlic gêt dalô hoñ nañ in kôm, dec sêkêt whiñ in. ²⁴⁻²⁵ Tigen Yisu kêyalê ñamalac si gauc ti yom hoñ nañ yêc ñac si ñalôm. In pônâ ñamalac si yom pi dau dom. Ma tu dinañ-nga in whê dau sa sambuc têt ñamalac dañ dom.

3

Yisu lu Nikodemas

¹ Lau Israel si ñac bata dañ mbo Jerusalem, nañ ndê ñaê Nikodemas. In mbo lau †Palêsai si toñ, ma in lau bata †Sanedrin-nga si dañ whiñ.

² Têt ôbwêc dañ, Nikodemas têt Yisu gi, ma sôm têt in, “O Kêdôhônwaga. Yac alic gêt dalô hoñ nañ am kôm, dec añyalê bu am kêdôhônwaga dañ nañ Anötö kêkiñ meñ. Nahu bu Anötö bu mbo whiñ ñamalac dañ dom, dec oc tôm dom bu ñamalac dau kôm gêt dalô gitôm nañ am kôm.”

³ Ma Yisu ô in ndê yom ma sôm, “Yom ñandô aö wasôm têt am. Ñamalac dañ bu tiwakuc

tiyham dom, dec oc tòm dom bu in mbo †Anötö ndê gôlinj n̄apu.” ⁴ Goc Nikodemas sôm t̄ej in, “N̄amalac andô danj oc tiwakuc n̄al̄ej bocke? Oc tòm bu sip dinda atac n̄alôm ma dinda kôc in tiyham, me?” ⁵ Ma Yisu sôm, “Aö wasôm yom n̄andô t̄ej am. N̄amalac danj bu tiwakuc n̄a bu ma n̄a N̄alau Dabunj dom, dec oc nditôm dom bu mbo Anötö ndê gôlinj n̄apu. ⁶ N̄amalac sêkwê n̄amalac asê, magoc N̄alau tigenj g itôm bu kôm n̄amalac danj tiwakuc ma k̄ej n̄alôm wakuc t̄ej in. ⁷ Aö gasôm t̄ej am bu mac atiwakuc tiyham n̄a n̄aclai undambê-n̄ga manj. Am sö tu yom dinan̄-n̄ga dom. ⁸ Mbu kêsêl̄ej k̄ekuc Anötö ndê atac whinj. Am gitôm bu ngô n̄akêcsia, tigenj am k̄eyalê mbu n̄ahu me mbu n̄apwê dom. Ma N̄alau Dabunj ndê gwelenj kôm lau s̄etiwakuc-n̄ga, nanj kainj tigenj.”

⁹ Nikodemas ngô yom dinan̄, dec ndac Yisu, “Aluê! Yom dinan̄ oc n̄andô sa n̄al̄ej bocke?” ¹⁰ Ma Yisu sôm, “Am lau Israel si k̄êdôhôn̄-waga mêtê-n̄ga danj, ma bocke dec am k̄eyalê yom dindec n̄ahu dom? ¹¹ Aö wasôm yom n̄andô t̄ej am. Ḡej nanj aö ti lau nanj s̄ejkuc aö nanj an̄yalê, dec yac asôm asê. Ma yac ahoc yom n̄andô asê pi ḡej nanj yac alic su. Magoc mac akôc yac mba yom sa dom. ¹² Aö gasôm yom t̄ej mac pi ḡej nom-n̄ga, magoc mac ak̄ej whinj dom. Ma aö bu wasôm yom t̄ej mac pi ḡej undambê-n̄ga, dec oc ak̄ej whinj n̄al̄ej bocke? ¹³ N̄amalac danj pi undambê gi bu ên̄yalê ḡej undambê-n̄ga dom, tigenj N̄amalac ndê Atu, nanj sip ak̄ej undambê menj, nanj k̄eyalê. ¹⁴ Munj-n̄ga,

têñ ndoc lau Israel-nga sêmbô gamen sawa, nan Moses gic mboc ñagatu* pi a, ma hôc sa pi lôlôc gi. Ma ñalêñ tigen, lau oc sêndic Ñamalac ndê Atu pi a, ma sêhôt in sa pi lôlôc ndi. Lêñ dinan gic in ñawaê, ¹⁵ tu bu lau hoñ nan sêkêñ whin in, nan oc sêtap señ sêndôc tali ñapan-nga sa.

¹⁶ “Bu Anötô atac whin lau nom-nga ndu andô, dec kêñ ndê Atu tigen mbac ndu tu ñac-nga, bu lau hoñ nan sêkêñ whin in, nan oc sêninga dom, magoc sêtap señ sêndôc tali-nga sa. ¹⁷ Anötô kêñ ndê Atu sip nom meñ bu êmatôc lau dom, magoc kêñ in meñ bu ti lêñ nem lau si-nga. ¹⁸ Lau nan sêkêñ whin in, nan oc sêtap Anötô ndê matôc sa dom. Magoc lau nan sêkêñ whin dom, nan gitôm sêmatin dau si yom tidôn su bu oc sêtap Anötô ndê matôc sa, ñahu bu ñac sêkêñ whin Anötô ndê Atu tigen dom. ¹⁹ Ma ñac si matôc dau ñahu bocdec bu. Ñawê ñandô sip nom meñ, tigen sêtec ñawê dau ma atac whin lêñ ñasec-nga, ma sêsap mêtê sac dôñ ñapan. ²⁰ Lau hoñ nan sêkôm mêtê sac, nan sêtec bu ñawê dau pô ñac si mêtê sac e yêc awê, ma tu dinan-nga sêtigasuc ñawê dau dom. ²¹ Magoc lau nan sêñkuc yom ñandô, nan sêtên ñawê sêmeñ ma gacgeñ sêmbô dinan. Ma tu dinan-nga lau hoñ sêlic yêc awê bu ñac sêkôm mêtê ñayham tôm Anötô kêñ ñac lai têt ñac.”

Jon sôm yom pi Yisu

²² Dinan su, goc Yisu ti in ndê ñgacsêñomi sêhu Jerusalem sin, ma sêsa si sêmbô gamen

* **3:14** Yom pi mboc ñagatu nan Moses kêñ pi a dan, nan asam yêc Nam 21:4-9.

ḡamakê-ḡga yêc gamenḡ Judia-ḡga. Ma yêc dindê inḡ mbo whinḡ ḡac ma sêḡku lau. ²³ Têḡ ndoc dinaḡ Jon mbo malac Aenon, naḡ yêc suḡ sa têḡ Salim. Bu ḡagaponḡ ḡayham poc gamenḡ dinaḡ, ma tu dinaḡ-ḡga Jon mbo dinaḡ, ma kêku lau naḡ sêtêḡ inḡ si. ²⁴ Têḡ ndoc dinaḡ Jon mbo awê, sêkêḡ inḡ ndöc gapocwalô su dom.

²⁵ Ma Jon ndê sêḡomi ḡatô ma ḡgac bata Israel-ḡga daḡ sêsenḡ dau pi lêḡ lau sêḡgwasinḡ dau ḡawasi sa yêc Anötö aḡḡô-ḡga. ²⁶ Dec sêtêḡ Jon si, ma sêsôm, “Kêdôhônḡwaga, muḡ-ḡga am hoc yom asê pi Yisu, têḡ ndoc inḡ hóc asê am yêc Bu Jordan ḡadaḡga. Kwahic dec yac aḡḡô bu lau hoḡ sêtêḡ inḡ si, bu inḡ êḡku ḡac.” ²⁷ Jon ô ḡac si yom ma sôm, “Ahêḡo daôm dom! Alu Yisu lu-lu akôm mba gwelenḡ ḡitôm Anötö dau kêḡ sip alu amanḡ. ²⁸ Mac aḡyalê yom hoḡ naḡ aö ḡasôm têḡ mac su. Aö ḡasôm bu aö daḡ Mesaya dom, magoc Anötö kêkinḡ aö gamuḡ inḡ gamenḡ. ²⁹ Lau hoḡ bu sêtêḡ Yisu sêndi, dec oc solop. Bu ḡac ḡitôm awhê naḡ sêmatinḡ inḡ ndê yom bu nem ḡgac, ma Yisu inḡ ḡitôm ḡgac nem awhê-ḡga dau. Aö ḡitôm ḡgac dau ndê silip, naḡ atac ḡayham kêlêc têḡ ndoc ḡgac nem awhê-ḡga hóc asê bu nem ndê awhê sa. Ma bocdinaḡ kwahic dec aö neḡ atac ḡayham tu Yisu-ḡga ḡêm aö ahuc sambuc. ³⁰ Ma inḡ solop bu kwahic dec Yisu ndê waê tiatu, ma aneḡ waêḡ tisaḡ. ³¹ Inḡ sip akêḡ undambê meḡ, dec hóc ḡêlêc lau hoḡ su. Aö dec, aö ḡamalac nom-ḡga ma aö neḡ ḡahu yêc nom, ma bocdinaḡ ḡasôm yom tôm ḡamalac nom-ḡga. Magoc inḡ sip akêḡ undambê meḡ, ³² ma sôm yom

ɲandô pi gêɲ naɲ iɲ gêlic ti ɲgô su yêc undambê. Magoc lau daêsam sêkôc iɲ ndê yom sa dom. ³³ ɲamalac bocke naɲ kôc iɲ ndê yom sa, naɲ tôc asê bu iɲ gêlic Anötö ndê yom bu yom ɲandô eɲ. ³⁴ ɲahu bu iɲ naɲ Anötö kêkiɲ sip nom meɲ, naɲ sôm Anötö dau ndê yom asê. Ma Anötö kêgamiɲ iɲ ndê ɲalau têtɲ iɲ dom. ³⁵ Damba tac whiɲ iɲ ndê Atu kêlêc, dec kêɲ gêɲ hoɲ sip iɲ amba. ³⁶ Ma asa naɲ kêɲ whiɲ Atu, naɲ Anötö gic bata su, bu iɲ oc mbo tali ɲapaɲ. Tigeɲ asa naɲ kôc iɲ sa dom, naɲ Anötö ndê atac ɲandê yêc iɲ dôn yêc, dec iɲ oc lic undambê dom.”

4

Yisu lu awê Samaria-ɲga daɲ

¹⁻² Têtɲ ndoc dinaɲ Yisu mbo whiɲ iɲ ndê ɲgacsêɲomi, ma ɲac sêɲku lau. Iɲ dau kêku lau daɲ dom. Magoc lau Palêsai sêɲgô ɲawaê bu Yisu kêku lau daêsam, ma bu lau daêsam naɲ êlêmê sêɲkuc iɲ, naɲ sêhôt gêlêc Jon ndê sêɲomi su. Yisu kêyalê bu lau Palêsai sêɲgô ɲawaê dinaɲ, ma bu sêkêɲ kisa iɲ, ³ ma bocdinaɲ dec iɲ hu gameɲ Judia-ɲga siɲ, bu mbu têtɲ Galili ndi. ⁴ Yisu gauc gêm tidôn bu ho seɲ naɲ gic lau †Samaria-ɲga si gameɲ kôc, dec iɲ ti ndê ɲgac-sêɲomi sêɲsêlêɲ sêmbo seɲ dinaɲ. ⁵ ɲac sêɲsêlêɲ e sêsuɲ sa lau Samaria si malac atu daɲ ɲaê Sika. Malac dau yêc kêpiɲ nom ɲasawa daɲ naɲ muɲ-ɲga andô, Jakob kêɲ têtɲ iɲ ndê atu Josep. ⁶ Ma sê naɲ Jakob kwê tu sêtap bu sa-ɲga, naɲ yêc malac dau ɲamakê. Yisu ti ndê ɲgacsêɲomi sêhôt asê sê bu-ɲga dau têtɲ ac

kac lhu, ma sêṅsêlêṅ seṅ baliṅ su e Yisu kwapac sa, dec iṅ ndöc sic ndöc dinaṅ. ⁷⁻⁸ Ma iṅ ndê ṅgacsêṅomi sêhu iṅ siṅ ma sêsôc malac dau si, bu sêṅsalê gêṅ sêneṅ-ṅga.

Malô goc awhê Samaria-ṅga daṅ sa meṅ bu tê bu. Ma Yisu sôm têt iṅ, “Gitôm bu am kêṅ bu têt aö wanôm?” ⁹ Goc awhê dau ô yom bocdec bu, “Bocke dec am ṅgac Israel-ṅga ndac aö awhê Samaria-ṅga bu wakêṅ bu têt am nôm?” (Iṅ sôm yom dinaṅ, ṅahu bu lau Israel m a lau Samaria-ṅga sêtec dandi ma sêmbo ahê dau.) ¹⁰ Ma Yisu sôm, “Kwahic dec aö gandac bu têt am. Am bu êmyalê aö neṅ ṅahu, ma mwasinṅ naṅ Anötö kêṅ ṅambwa, dec am oc ndac bu têt aö, ma aö wakêṅ bu naṅ oc kêṅ ṅamalac sêndöc tali, naṅ têt am.” ¹¹ Awhê dau ṅgô yom dinaṅ, goc sôm, “O ṅadau. Bu tali-ṅga naṅ am sôm yom pi, naṅ am oc kôc yêc nde? Bu am nem laclhu êmgati bu sa-ṅga mba, ma sê bu-ṅga dindec baliṅ andô. ¹² Abaṅ Jakob ti ndê atui, ma iṅ ndê makao ti domba hoṅ sênôm bu yêc dec. Ma bocke? Am nem bu bocke yêc, naṅ hóc gêlêc iṅ dindec naṅ Jakob kêṅ têt yac, naṅ su?”

¹³ Dec Yisu sôm têt iṅ, “Lau hoṅ naṅ sênôm bu nom-ṅga, naṅ bu oc yô ṅac tiyham. ¹⁴ Magoc lau naṅ sênôm bu naṅ aö wakêṅ têt ṅac, naṅ bu oc yô ṅac tiyham dom. Mba. Bu naṅ aö wakêṅ têt ṅac, naṅ oc ti bubata naṅ êmbulup pi ṅac si ṅalôm, ma ṅac oc sêndöc tali ṅapaṅ.” ¹⁵ Têt dinaṅ awhê dau sôm, “O ṅadau, kêṅ bu dinaṅ têt aö. Ma bocdinaṅ dec bu oc yô aö tiyham dom, ma wasa wameṅ tôm bêc hoṅ bu watê bu

yêc sê bu-nga dindêc tiyham dom.”

¹⁶ Goc Yisu sôm têtj inj, “Am mbu ndi ma ta nem akweŋ, ma amlu ambu amêŋ.” ¹⁷ Ma awêhê dau sôm, “Aneŋ akweŋ mba.” Goc Yisu ô yom ma sôm, “Am sôm solop bu am nem akweŋ mba. ¹⁸ Bu am gêm ngac amanđan su, magoc sêhu am siŋ. Ma ngac nan kwahic dec am mbo whiŋ inj, nan ti am nem akweŋ dom. Am sôm yom ñandô.” ¹⁹ Têtj dinaŋ awêhê dau sôm, “Ñadau, aô g alic bu am propet dan. ²⁰ Muŋ-nga yac lau Samaria-nga mba abanji sem akiŋ Anötö yêc lôc dindêc. Tigenj mac lau Israel-nga asôm bu gameŋ tigenj yêc tu lau sênem akiŋ Anötö-nga, nan yêc Jerusalem.” ²¹ Goc Yisu sôm, “O awêhê! Aô wasôm yom ñandô têtj am. Ndoc oc meŋ sa, nan lau nan sem akiŋ Anötö oc sêhêgo dau dom bu sênem akiŋ inj sêmbo lôc dindêc, me bu sêmbo Jerusalem. ²² Mac lau Samaria-nga am akiŋ Anötö, magoc mac anyalê inj dom. A nötö gic bata bu Mesaya oc sa yêc yac lau Israel-nga, ma tu dinaŋ-nga yac anyalê inj nan yac am akiŋ. ²³ Yomandô! Ndoc nan bu meŋ sa, nan kwahic dec meŋ su, dec lau nan sem akiŋ Anötö ñalêŋ solop, nan oc sênem akiŋ inj ti Ñalau Dabuŋ ndê ñaclai, ma ti lêtj yom ñandô-nga. Damanj Anötö dau kêsâlê lau nan sem akiŋ inj ñalêŋ bocdinaŋ. ²⁴ Inj dau inj ñalau, dec ñalêŋ tigenj yêc bu lau sênem akiŋ inj, nan sênem akiŋ inj ti Ñalau Dabuŋ ndê ñaclai, ma ti lêtj yom ñandô-nga.”

²⁵ Goc awêhê dau sôm, “Aô kayalê bu Mesaya nan sêsam bu Kilisi oc meŋ. Ma têtj ndoc inj meŋ,

nañ in oc whê gêñ hoñ sa têtñ yac.” ²⁶ Ma Yisu sôm, “Aö Mesaya dauñ gasôm yom têtñ am.”

²⁷ Têtñ dinañ Yisu ndê ñgac-sêñomi sêmbu sêmenñ, ma sêlic bu in sôm yom whinñ awhê danñ, dec sêhê gauc ñambwa. Magoc ñac si danñ sôm yom dom. Sêndac in bu bocke ma in sôm yom têtñ awhê dau lec dom. Ma sêndac awhê dau bu in tac whinñ gêñ sake lec dom. ²⁸ Awhê dau hu in ndê lôñ bu-ñga sinñ kalhac, ma mbu sôc malac gi. Ma in sôm têtñ in ndê lau, ²⁹ “Amenñ ma alic ñgac danñ! In kêtalê gêñ hoñ nañ aö gakôm, ma sôm asê têtñ aö. Oc mboe in Mesaya dau?” ³⁰ Goc ñac sêhu malac dau sinñ ma sêsa si bu sêlic Yisu.

³¹ Têtñ ndoc awhê dau mbu sôc malac gi, nañ ñgacsêñomi sêsôm têtñ Yisu, “Kêdôhônwaga, yac akôc gêñ tu am neñ-ñga.” ³² Magoc in sôm têtñ ñac, “Aö neñ gêñ danenñ-ñga yêc, nañ mac anñyalê dom.” ³³ Goc sêndac dandi bu, “Mboe lau danñ sêkênñ gêñ danenñ-ñga têtñ in su, me?” ³⁴ Ma Yisu sôm têtñ ñac, “Aö danañ wambu in nañ kêkinñ aö gameñ, ma wandic dabinñ in ndê gwelenñ. Aneñ gêñ danenñ-ñga dau dinañ. ³⁵ Anğô su nañ. Têtñ ndoc mac asô gêñ ñawhê sip ôm, nañ mac asôm bu, ‘Ayô hale su goc yac oc dandic gêñ ñandô sa.’ Tigenñ aö wasôm têtñ mac, bu ahôc nem tanôm sa, ma alic bu gêñ ñandô ôm-ñga mbêc su. ³⁶ Ma kwahic dec ñgac gic gêñ ñandô sa-ñga kôm in ndê gwelenñ mbo. Ma gêñ ñandô nañ in gic sa, nañ lau nañ sêkênñ whinñ ma sêtap señ sêmbo tali-ñga sa. Tu dinañ-ñga in nañ sô gêñ ñawhê, lu in nañ gic ñandô sa, nañ lu-lu atac ñayham sa sêwhinñ dau. ³⁷ Yom gôlinñ

danj yêc bocdec, ‘Ŋamalac danj sô gêŋ ŋawhê, ma danj tiyham gic gêŋ ŋandô sa.’ Yom dau inj yom ŋandô, ma hêganônŋ gwelenj ŋawaê ŋayham-ŋga whinj. ³⁸ Bu aô kakinj mac bu andic gêŋ ŋandô sa yêc ôm nanj mac asô dom. Lau ŋatô sêkôm gwelenj atu tu sêsô gêŋ-ŋga, dec mac atap ŋac si gwelenj ŋa-ŋandô sa.”

Lau Samaria-ŋga daêsam sêkêŋ whinj Yisu

³⁹ Têŋ ndoc awhê Samaria-ŋga dinanj sôm yom asê pi Yisu têŋ lau malac-ŋga bu, “Inj sôm gêŋ honj nanj aô gakôm su, nanj asê têŋ aô,” nanj lau Samaria-ŋga daêsam sêkêŋ whinj Yisu. ⁴⁰ Ma têŋ ndoc sêsa sêtêŋ inj si, nanj sêtenj inj ŋapanj bu mbo whinj ŋac. Dec inj mbo whinj ŋac gitôm bêc lu. ⁴¹ Inj sôm yom whinj lau malac-ŋga ma lau daêsam tiyham sêkêŋ whinj inj. ⁴² Ma sêsôm têŋ awhê dinanj, “Têŋ ŋamata-ŋga yac aŋgô yom nanj am sôm pi inj, dec akêŋ whinj inj. Magoc kwahic dec yac aŋgô inj dau ndê yom, ma yac aŋyalê pi ŋandô, bu inj ŋgac nanj Anötö kêkinj bu nem lau nom-ŋga si.”

Yisu hôc asê gameŋ Galili-ŋga

⁴³ Bêc lu dinanj pacndê su, goc Yisu tisa ma kêsêlêŋ gi e hôc asê gameŋ Galili-ŋga. ⁴⁴ Muŋ-ŋga inj sôm asê bu yêc propet danj ndê gameŋ, inj ndê lau oc sêtoc inj sa dom. ⁴⁵ Magoc têŋ ndoc inj hôc asê Galili, nanj lau dinanj sêkôc inj sa ti atac ŋayham. Ŋahu bu ŋac sêmbo Jerusalem têŋ ndoc Pasowa-ŋga, ma sêlic gêŋ honj nanj inj kôm yêc dindê.

*Yisu kôm balê daŋ ŋayham sa
(Mat 8:5-13; Luk 7:1-10)*

⁴⁶ Têŋ tēm Yisu mbo gameŋ Galili-ŋga, naŋ iŋ sôc malac Kana gi tiyham, malac naŋ muŋ-ŋga iŋ gêm bu kwi ti wain. Têŋ ndoc dinaŋ ŋgac bata Rom-ŋga daŋ mbo malac Kapenaom, ma iŋ ndê atuŋgac gêmbac yêc. ⁴⁷ Balê dau gêmbac atu e kêpiŋ bu mbac ndu. Ma ŋgac bata dau ŋgô ŋawaê bu Yisu meŋ akêŋ gameŋ Judia-ŋga ma hôc asê Galili. Tu dinaŋ-ŋga dec iŋ têt iŋ gi, ma ndac iŋ bu têt malac Kapenaom ndi, ma kôm balê dau ŋayham sa. ⁴⁸ Dec Yisu sôm, “O mac lau! Mac bu alic gêt dalô atu-tu dom, dec oc akêŋ whiŋ dom.” ⁴⁹ Magoc ŋgac bata dau teŋ iŋ tiyham ma sôm, “O ŋadau, mweŋ ŋagahô! Bu mba, aneŋ balê oc mbac ndu.” ⁵⁰ Goc Yisu sôm têt iŋ, “Am ndi, am atôm oc mbo tali.” Ma ŋgac dau kêŋ whiŋ Yisu ndê yom, ma kölhö gi.

⁵¹ Têŋ tēm iŋ kêsêlêŋ mbo seŋ, naŋ iŋ ndê lau akiŋ ŋatô sêsa akêŋ Kapenaom sêmeŋ ma sêtap iŋ sa. Ma sêsôm têt iŋ bu, “Am nem balê ŋayham sa su.” ⁵² Dec iŋ ndac ŋac bu, “Acgatu ŋasawa bocke ma balê dau ŋayham sa?” Ma ŋac sêsôm têt iŋ, “Alhabêc, têt ac ho dau, naŋ gêmbac hu iŋ siŋ ma iŋ ŋamlic ŋalhuc sa.” ⁵³ Têt dinaŋ damba ndê gauc sa bu acgatu ŋasawa dinaŋ eŋ, dec Yisu sôm têt iŋ bu, “Am atôm oc mbo tali.” Ma iŋ ti iŋ ndê lau hoŋ naŋ sêndöc sêwhiŋ iŋ, naŋ sêkêŋ whiŋ bu Yisu iŋ Mesaya dau.

⁵⁴ Gêt dalô tilu-ŋga naŋ Yisu kôm yêc malac Kana, naŋ ŋamiŋ dau dinaŋ. Yisu kôm gêt dau

têḡ tēm iḡ hu gameḡ Judia-ḡga siḡ, ma mbu tēḡ gameḡ Galili-ḡga gi.

5

Yisu gêm ḡgac bôliḡ daḡ sa

¹ Tiḡambu lau Israel-ḡga si mwasinḡ atu daḡ ḡbêc hóc asê, ma Yisu mbu pi Jerusalem gi. ² Yêc Jerusalem, bu ḡatonḡ atêc daḡ, naḡ sêwhê ḡa hoc ahuc, naḡ poc kêpiḡ malac dau ḡgagam naḡ sêsam bu Gatam Domba-ḡga. Sêsam bu ḡatonḡ dau ḡaê yêc Yom †Hibru bu Betesda, ma andu selep amanḡdaḡ sêlhac ḡamakê. ³ Ma yêc dinaḡ lau gêm bac daêsam sêyêc, lau tapec, lau bôliḡ ma lau ḡasac ḡatô. [⁴ Tôm tēm ḡatô Pômdau ndê aḡela daḡ oc sip meḡ ma kôm bu dau li sa. Lau gêm bac sêhônḡ tēm dinaḡ, ma asa naḡ sip bu dau tiḡamata, naḡ oc ḡayham sa.] ⁵ ḡac si daḡ iḡ ḡgac bôliḡ naḡ gêm bac gitôm yala 38.

⁶ Têḡ ndoc Yisu kêsêlêḡ mbo gameḡ dinaḡ, iḡ gêlic ḡgac bôliḡ dau, ma kêyalê bu iḡ gêm bac yêc ḡasawa hic baliḡ su, goc ndac iḡ, “Am tac whiḡ bu am ḡayham sa, me?” ⁷ Ma ḡgac bôliḡ dau sôm, “O ḡadau! Aô gahônḡ tēm naḡ bu dindêc ḡali sa, magoc ḡamalac daḡ mba bu nem aô sa. Ma aô bu wasip bu wandi, tigeḡ ḡamalac daḡ êlêmê hóc gêlêc aô su.” ⁸ Goc Yisu sôm tēḡ iḡ, “Tisa! Ma hóc nem mbô sa, ma êmsêlêḡ.” ⁹ Ma ḡgahô ḡgac dau ḡayham sa, goc hóc ndê mbô sa ma kêsêlêḡ gi.

Yisu kôm gēḡ dinaḡ tēḡ bêc †Sabat-ḡga daḡ. ¹⁰ Ma tu dinaḡ-ḡga lau bata Israel-ḡga sêsôm tēḡ

ngac naŋ Yisu kôm ŋayham sa bu, “Acsalô lec iŋ bêc Sabat-ŋga. Yac neŋ yomsu gic yao yac bu dakôm gwelenj têtj bêc Sabat-ŋga dom, ma bocke dec am kôc nem mbô ma kêsêlêŋ.” ¹¹ Magoc iŋ sôm, “Ngac naŋ kôm aô ŋayham sa, naŋ sôm têtj aô bu, ‘Hôc nem mbô sa, ma êmsêlêŋ.’” ¹² Ma sêndac iŋ, “Ngac naŋ sôm têtj am bu am hôc nem mbô sa ma êmsêlêŋ, naŋ asa?” ¹³ Tigenj ŋgac dau kêyalê dom. Nahu bu têtj ndoc Yisu kôm iŋ ŋayham sa, naŋ lau daêsam sêmbo, ma Yisu kêdahij dau su sip ŋac ŋalôm ma kôlhô gi.

¹⁴ T iŋambu Yisu tap iŋ sa tiyham mbo lôm dabuŋ, ma sôm têtj iŋ, “Am ŋgô su naŋ! Am ŋayham sa su. Dec yob daôm bu kôm sac tiyham dom, mboe ŋawapac atu daŋ naŋ hôc gêlêc iŋ dinaŋ su, naŋ tap am sa tiŋambu.” ¹⁵ Ma têtj dinaŋ ŋgac dau sa gi ma kêŋ ŋawaê têtj lau bata Israel-ŋga, bu ŋgac naŋ kôm iŋ ŋayham sa, naŋ Yisu.

Lau bata Israel-ŋga sêkêŋ kisa Yisu

¹⁶ Lau bata Israel-ŋga sêlic bu Yisu kôm gêtj kainj dinaŋ têtj bêc Sabat-ŋga ŋatô, ma tu dinaŋ-ŋga sic hu sêkêŋ kisa iŋ. ¹⁷ Dec iŋ sôm têtj ŋac, “Damaŋ kôm iŋ ndê gwelenj ŋapaŋ, têtj têtj ŋamata-ŋga e meŋ têtj kwahic dec. Bocdinaŋ aô oc wanem gwelenj.” ¹⁸ Têtj ŋamata-ŋga lau bata Israel-ŋga sêkêŋ kisa Yisu bu iŋ sôc yomsu Sabat-ŋga ŋapu dom. Ma têtj ndoc sêŋgô iŋ ndê yom dinaŋ, naŋ sêkôm ŋaŋga bu sêndic iŋ ndu. Sêsôm, “Iŋ sam Anötô bu iŋ Damba ma bocdinaŋ iŋ bu po dau ndê waê sa nditôm Anötô dau.”

Anötô kêŋ ŋaclai têtj iŋ ndê Atu

19 Goc Yisu sôm têtj ɲac, “Aö wasôm yom ɲandô têtj mac. Oc tòm dom bu Anötö ndê Atu kôm gêtj daɲ êɲkuc dau ndê atac whiɲ. Mba! Gêtj bocke naɲ Atu gêlic Damba kôm, naɲ dec iɲ kôm. Bu Atu kôm gêtj hoɲ gitôm Damba kôm. 20 Damba atac whiɲ Atu kêlêc, ma têtj gêtj hoɲ naɲ iɲ dau kôm, naɲ asê têtj iɲ. Ma aö wasôm têtj mac bu Damba oc hoc gêtj atu-tu asê têtj Atu bu kôm, naɲ hóc gêlêc gêtj naɲ iɲ kôm, naɲ su. Ma têtj têtj mac alic gêtj dau, naɲ mac oc asö. 21 Tòm Damba uɲ lau batê sa ma kêtj ɲac sêmbo tali, naɲ iɲ ndê Atu dec kêtj lau naɲ iɲ atac whiɲ ɲac, naɲ sêmbo tali boc-dinaɲ. 22 Ma gêtj daɲ tiyham. Damba oc êɲsahê lau daɲ dom. Iɲ kêtj ɲaclai têtj iɲ ndê Atu bu êɲsahê lau pi ɲac si mêtê. 23 Ma tu dinaɲ-ɲga lau hoɲ naɲ sêtoc Atu ndê waê sa, naɲ sêtoc Damba ndê waê sa bocdinaɲ. Magoc asa naɲ toc Atu sa dom, naɲ toc Damba naɲ kêtj iɲ meɲ, naɲ sa dom.

24 “Aö wasôm yom ɲandô têtj mac, bu asa naɲ kôt aneɲ yom sa, ma kêtj whiɲ iɲ naɲ kêtj aö gameɲ, naɲ oc tap matôt sa dom. Iɲ hu seɲ mbac ndu-ɲga siɲ su, ma tap seɲ mbo tali ɲapaɲ-ɲga sa. 25 Yomandô dec wasôm têtj mac. Têtj naɲ Anötö gic bata, naɲ kwahic dec meɲ su, dec lau naɲ sêmbo seɲ sêmbac ndu-ɲga, naɲ oc sêɲgô Anötö ndê Atu awha. Ma ɲac naɲ sêɲgô ma daɲga wambu, naɲ oc sêmbo tali. 26 Tali ɲahu yêc Damba dau, ma iɲ kêtj tali ɲahu têtj iɲ ndê Atu whiɲ. 27 Ma iɲ kêtj ɲaclai têtj iɲ bu êɲsahê ɲamalac, bu iɲ ɲamalac ndê Atu. 28 Asö tu yom dindec-ɲga dom. Ndoc oc meɲ, naɲ lau

hoŋ naŋ sêmbac ndu su, naŋ oc sêŋgô Atu ndê awha, ²⁹ ma sêtisa akêŋ lau batê-ŋga. Lau naŋ sêkôm ŋayham, naŋ oc sêtisa ma sêtap Anötö ndê gameŋ sêndöc tali ŋapaŋ-ŋga sa. Magoc lau naŋ sêkôm sac, naŋ oc sêtisa ma sêtap matôc sa.

³⁰ “Oc tôm dom bu aö wakôm gêŋ daŋ taŋwasêŋ. Ma aö oc waŋsahê ma wamatôc lau waŋkuc aö daŋ neŋ gauc dom. Mba! Aö wamatôc lau waŋkuc yom naŋ Damaŋ, naŋ kêkiŋ aö gameŋ, naŋ sôm têŋ aö. Ma aö oc wakôm gêŋ dau waŋkuc lêŋ gitêŋ, ŋahu bu aö gakôm gêŋ daŋ tu aneŋ atac whiŋ-ŋga dom, aö gakôm gêŋ hoŋ kakuc Damaŋ ndê atac whiŋ.”

Gêŋ naŋ whê Yisu ndê ŋahu sa

³¹ “Aö bu wahoc yom asê pi daŋ, dec mac oc asôm bu aneŋ yom ŋandô mba, ma akêŋ whiŋ dom. ³² Magoc Damaŋ hoc yom asê bu whê aneŋ ŋahu sa, ma aö kayalê bu iŋ ndê yom iŋ yom ŋandô.

³³ “Jon, Ngac Kêku Lau-ŋga sôm yom ŋandô asê pi aö whiŋ, têŋ têm mac aŋkiŋ lau sêtêŋ iŋ si. ³⁴ Aö gapônda yom naŋ ŋamalac sêhoc asê pi aö, naŋ dom. Tigeŋ kwahic dec aö gasôm yom pi Jon, bu mboe mac akêŋ whiŋ yom naŋ iŋ sôm pi aö, dec atap Anötö ndê mwasiŋ nem mac si-ŋga sa. ³⁵ Jon mbo gitôm ya ŋawê naŋ pô gameŋ, ma gitôm ŋasawa apê mac atisambuc iŋ ndê ŋawê.

³⁶ “Magoc gêŋ ŋatô sêpuŋ yom ŋandô pi aö dôŋ, naŋ hóc gêlêc Jon ndê yom pi aö. Alic gwelen naŋ aö gakôm gambo. Damaŋ dau kêŋ gwelen dinaŋ sip aö amaŋ tu bu wandic dabiŋ, ma gwelen dau tôc asê bu iŋ kêkiŋ aö gameŋ.

³⁷ Ma Damañ dau, nañ kêkinj aö gameñ, nañ hoc yom asê pi aö. Magoc mac lau daôm anjô inj ndê awha dom, ma mac alic inj anjô su dom. ³⁸ Ma inj ndê yom yêc mac nem ñalôm dom, ñahu bu inj kêkinj aö gameñ, magoc mac akêñ whinj aö dom. ³⁹ Mac asam Anötö ndê yom nañ sêto yêc, nañ ñapañ, tu bu akip yom honj ñahu sa. Ñahu bu mac gauc gêm bu mac oc atap señ andöc tamli-nga sa yêc yom dau ñalôm. Yom dau dinañ hêganônj aö, ma whê aneñ ñahu sa, ⁴⁰ tigeñ mac atec bu atêñ aö ameneñ, ma atap señ andöc tamli-nga dau sa.

⁴¹ “Aö gameñ bu ñamalac sêpo aö neñ waêñ sa dom. ⁴² Magoc aö kayalê mac su, dec galic bu Anötö ndê atac whinj yêc mac nem ñalôm dom. ⁴³ Aö gameñ gam Damañ anjô, tigeñ mac akôc aö sa dom. Magoc ñamalac ðañ nañ meñ tu dau-nga, nañ mac akôc inj sa ñagahô eñ. ⁴⁴ Mac atac whinj bu atap waêm sa yêc mac daôm nem lau, magoc akôm bu atap waêm sa yêc Anötö tigeñ ndê dom. Ma bocdinañ, mac oc akêñ whinj aö ñalêñ bocke? ⁴⁵ Gauc nem bu aö ðauñ oc wasôm mac nem giso asê yêc Damañ anjô-nga dom. Mba! Mac akêñ batam bu yomsu nañ Moses to, nañ oc ti mac nem señ andöc tamli ñapañ-nga, tigeñ yomsu dau oc tôc nem giso asê. ⁴⁶ Ñahu bu Moses dau to yom pi aö, ma mac bu akêñ whinj inj, dec oc akêñ whinj aö. ⁴⁷ Tigeñ mac akêñ whinj yom nañ inj to, nañ dom, ma bocdinañ mac oc akêñ whinj aneñ yom ñalêñ nde? Oc tôm dom!”

Yisu gôlôm lau 5,000

(Mat 14:13-21; Mak 6:30-44; Luk 9:10-17)

¹ Tinjambu Yisu kôc ndê ngac-sêṅomi sa ma sic Bugicton Galili-nga kic ma sêpi danḡa si. (Bugicton dau sêsam ṅaê danḡ bu Taibirias.) ² Ma lau daêsam sêṅkuc inḡ si, ṅahu bu ṅac sêlic gêṅ dalô nanḡ inḡ kôm têṅ ndoc inḡ kôm lau gêmbac ṅayham sa. ³⁻⁴ Têṅ têm dinaṅ lau Israel si om atu Mwasinḡ Pasowa-nga meṅ kêpinḡ tiyham. Yêc bugicton ṅadanḡa, Yisu pi lôc danḡ gi ma ndôc sic whinḡ inḡ ndê ṅgacsêṅomi. ⁵ Ma inḡ hôc tandô sa ma gêlic lau daêsam nanḡ sêwê sêmeṅ, goc sôm têṅ Pilip, “Danemlhi gêṅ daneṅ-nga yêc nde, bu dakêṅ têṅ lau daêsam dindéc sêneṅ?” ⁶ Inḡ dau kêyalê gêṅ nanḡ inḡ bu kôm, nanḡ su, magoc sôm yom dinaṅ bu êṅsahê Pilip. ⁷ Ma Pilip ô yom ma sôm, “Oc tôm dom andô! Mone atu gitôm †denarii 200 bu ndôc, ma dakôc mone dau ma danemlhi gêṅ daneṅ-nga, tigeṅ oc tôm dom bu lau daêsam dindéc sêneṅ ṅagec-ṅagec.” ⁸ Têṅ dinaṅ Yisu ndê ṅgacsêṅom danḡ, Saimon Pita ndê asi Andru, sôm têṅ Yisu, ⁹ “Balê danḡ mbo, nanḡ kôc bolom amanḡdanḡ ma i lu. Tigeṅ gêṅ dinaṅ oc nditôm lau hoṅ dindéc dom andô!” ¹⁰ Goc Yisu sôm, “Mac asôm têṅ lau bu sêndôc sic.” Kwanḡ daêsam yêc gameṅ dinaṅ, ma lau hoṅ sêndôc sic sêndôc kwanḡ. Lau tonḡ dinaṅ si launḡac gitôm 5,000.

¹¹ Ma Yisu kôc bolom ma gêm danḡe, goc kêṅ têṅ lau nanḡ sêndôc dinaṅ, bu sêndic sam têṅ dandi. Ma inḡ gêm mbec i lu ma kêṅ têṅ ṅac bocdinaṅ, ma ṅac seṅ tôm si atac whinḡ. ¹² ṅac seṅ e hôc ṅac dônḡ, goc inḡ sôm têṅ ṅgacsêṅomi,

“Mac andic ñadêlê hon sa, bu tanyain gên dan dom.” ¹³ Bolom amañdan ma i lu dinan, lau sen e gitôm, ma ñgacsênomi sic ñadêlê sa sip gatop 12 e menhu.

¹⁴ Lau sêlic gên dalô atu nan Yisu kôm, goc sêsôm têt dau, “Yomandô! Propet atu nan dakên batan bu sip nom men, nan ñgac dau dindéc, me?” ¹⁵ Têt dinan Yisu kêyalê bu ñac gauc gêm bu sêkôm ñanga bu sêkôc in sa ma sêkên in ti ñac si kin. Dec in kédahin dau su, ma kôlhô tawasê pi lôc dan gi.

*Yisu kêsêlên mbo bu ñahô
(Mat 14:22-33; Mak 6:47-51)*

¹⁶ Têt ac gi sip, Yisu ndê ñgacsênomi sêmbu sêtên bugicton si. ¹⁷ ñac bu sêndic bu kic ma sêmbu sêtên malac Kapenaom sêndi, dec sêpi wan dan ma sêsa si. Ñasec sa su, magoc Yisu men hôc asê ñac su dom. ¹⁸⁻¹⁹ ñac sêhêc wan sêsa ñasawa balin gitôm 5 kilometa, ma mbu puc ñadinda e gêli bu ñampon sa. Têt dinan sêlic Yisu kêsêlên mbo bu ñahô men kêpin wan, dec sêtôc dau atu. ²⁰ Magoc in sôm têt ñac, “Atôc daôm dom! Bu aô daun dindéc.” ²¹ Goc sêkôc in pi wan ti atac ñayham, ma ñagahô sêhêc asê baô yêc Kapenaom.

²²⁻²³ Têt ñagalañsê, lau daêsam nan sêmbo sêwhin Pômdau têt ndoc in gêm danje bolom ma kên têt ñac sen, nan gacgen sêmbo bugicton ñadanga. ñac sênjalê bu wan tigen dinan ñgacsênomi sêpi ma sêlhô si, ma bu Yisu pi wan dau whin ñac dom. Malô goc wan ñatô akên malac Taibirias sêmen sêsôc baô yêc dinan.

24 Nac sêlic su bu Yisu ti in ndê ngacsêngomi sêmbô dom, dec sêpi wan dau, ma sêtêng malac Kapenaom si bu sêngsalê Yisu.

Yisu in bolom kêng namalac sêndöc tali-nga

25 Nac sic bugictoŋ kic, ma sêtap Yisu sa, goc sêsôm, “Kêdôhôngwaga, am mwen têng nde?”

26 Ma Yisu ô yom ma sôm, “Yom ngandô aô wasôm têng mac. Aô gakôm gêng dalô nan tôm bu whê mac nem gauc sa pi aô neŋ nahu. Magoc mac aŋsalê aô ma atac whin bu ambo awhin aô tu gêng dinaŋ-nga dom. Mba. Mac atac whin bu ambo awhin aô, nahu bu aô gakêng bolom têng mac aŋ e hôc mac dôŋ. 27 Akôm mwasac bu atap gêng daneŋ-nga nan gic waê bu niŋga, nan sa lec dom. Mba! Akôm mwasac tu bu atap gêng daneŋ-nga nan oc kêng mac ambo tamli napan, nan sa. Ma gêng dau Namalac ndê Atu oc kêng têng mac, bu Damba Anötö kêyalin in sa su, ma kêng naci lai têng in bu kôm gêng dau.”

28 Goc nac sêndac in, “Gitôm bu am whê sa têng yac, gêng nan Anötö atac whin bu yac akôm?”

29 Ma Yisu sôm, “Anötö ndê atac whin ngandô bu mac akôm gêng bocdec. Akêng whin ngac nan in kêkin in meŋ.” 30-31 Goc nac sêsôm, “Muŋ-nga yac mba abani sêmbô gameŋ sawa ma seŋ mana ti nac si gêng daneŋ-nga, tôm yom nan sêto yêc bocdec, *‘In kêng bolom undambê-nga têng nac seŋ.’* Kwahic dec yac bu andac am bu kôm gêng dalô kain tigen. Yac bu alic, dec yac oc akêng whin am.” 32 Goc Yisu sôm, “Mac gauc gêm bu Moses kêng bolom undambê-nga têng mac. Magoc aô wasôm yom ngandô têng mac bu aneŋ

Damañ oc kêñ bolom ñandô undambê-nga têt mac. ³³ Ma Anötö ndê bolom dau dec, in nañ sip akêt undambê meñ ma kêñ lau nom-nga sêndöc tali ñapañ.” ³⁴ Lau sêngô Yisu ndê yom dau, goc sêsôm têt in, “Pômdau, kwahic dec ma ndi, yac atac whiñ bu am kêñ bolom dau dinañ têt yac.”

³⁵ Goc Yisu sôm, “Bolom nañ kêñ ñamalac sêndöc tali, nañ aö dauñ dec. Lau nañ sêtêt aö sêmeñ, nañ gêt oc yô ñac tiyham dom. Ma lau nañ sêkêt whiñ aö, nañ bu oc yô ñac tiyham dom. ³⁶ Tigeñ tôm aö gasôm têt mac su, mac alic aö su, magoc akêt whiñ aö dom. ³⁷ Lau bocke nañ Damañ kêñ têt aö, nañ hoñ oc sêtêt aö sêmeñ. Ma lau nañ sêtêt aö sêmeñ, nañ oc tôm dom bu wasoc ñac si dañ su. ³⁸ Aö gasip akêt undambê gameñ, bu wakôm gêt tôm aö dauñ neñ atac whiñ dom. Mba! Aö gasip gameñ, bu wakôm gêt tôm Damañ nañ kêkin aö gameñ, nañ ndê atac whiñ. ³⁹ Ma Damañ atac whiñ bu aö wayob ñamalac hoñ nañ in kêñ têt aö, bu ñac si dañ niñga dom. Aö waun ñac hoñ sa têt bêt ñambu-nga. ⁴⁰ Damañ ndê atac whiñ bocdec bu, lau hoñ nañ sêtetalê in ndê Atu, ma sêkêt whiñ in, nañ oc sêtap señ sêndöc tali-nga sa, ma aö waun ñac sa têt bêt ñambu-nga.”

⁴¹ Têt ndoc nañ lau bata Israel-nga sêngô Yisu sôm bu in bolom nañ sip akêt undambê meñ, nañ sêli awha sa pi in. ⁴² Ñac sêsôm têt dandi, “Ñgac dindec in Yisu, Josep ndê atungac. Yac tañyalê in dinda lu damba. Bocke ma kwahic dec in sôm têt yac bu in sip akêt undambê meñ?” ⁴³ Dec Yisu sôm, “Ali awham sa têt daôm

dom! ⁴⁴ Lau danj gitôm dom bu sêtêñ aö sêmenj ñambwa. Damanj nanj kêkinj aö gameñ, nanj bu kac ñac si gauc kwi, dec oc tôm bu sêtêñ aö sêmenj. Ma aö oc wauñ ñac sêtisa têtj bêc ñambu-ñga. ⁴⁵ Sêto propet akwa danj ndê yom yêc bocdec bu, ‘*Anötö oc êndôhônj ñamalac hoñ.*’ Bocdinañ dec añgô. Lau hoñ nanj sêkêñ danja Damanj ndê yom ma inj kêdôhônj ñac, nanj oc sêtêñ aö sêmenj. ⁴⁶ Yom dau sôm bu Anötö oc êndôhônj lau, magoc ñamalac danj gêlic Damanj su dom. Anötö ndê Atu nanj mbo whinj inj ma sip nom meñ, inj tigenj gêlic inj. ⁴⁷ Ma aö wasôm yom ñandô. Asa nanj kêñ whinj Atu, nanj tap señ ndöc tali ñapañ-ñga sa su. ⁴⁸ Bolom kêñ ñamalac sêndöc tali-ñga, nanj aö dauñ dindec. ⁴⁹ Mac nem apami señ mana yêc gameñ sawa, magoc tiñambu ñac hoñ sêmbac ndu. ⁵⁰ Tigenj bolom nanj sip akêñ undambê meñ, inj bolom kainj danj. Ñamalac danj bu neñ, dec oc niñga dom. ⁵¹ Ma bolom tali-ñga nanj sip akêñ undambê meñ, nanj aö dauñ dec. Ñamalac danj bu neñ bolom dindec, dec oc ndöc tali ñapañ. Ma bolom dau dinañ aö neñ ñamsôm, nanj aö oc wakêñ bu lau hoñ nanj sêkêñ whinj aö, nanj oc sêndöc tali ñapañ.”

⁵² Têtj dinañ lau bata Israel-ñga sêseñ dandi ñandô, ma sêsôm têtj dau, “Bocke ma ñgac dindec sôm bu kêñ inj ndê ñamsôm têtj yac danej?” ⁵³ Ma Yisu sôm têtj ñac, “Yomandô aö wasôm têtj mac. Mac bu anej Ñamalac ndê Atu ndê ñamsôm ti anôm inj ndê dac dom, dec oc tôm dom bu mac atap señ andöc tamli-ñga sa. ⁵⁴ Asa nanj bu neñ aö neñ ñamsôm, ma nôñ anej dac,

nañ tap señ ndöc tali ñapañ-nga sa su.* Ma aö oc waun in sa têtj bêc ñambu-nga. ⁵⁵ Bu aö neñ ñamsôm ti gêtj aneñ-nga ñandô, ma aö neñ dac ti gêtj anôm-nga ñandô. ⁵⁶ Asa nañ bu neñ aö neñ ñamsôm, ma nôm aö neñ dac, nañ gêtj dau oc piñ alu dôñ anem damiñ dauñ. In oc mbo aö ñalôm, ma aö wambo in ndê ñalôm. ⁵⁷ Tali ñahu yêc Damañ nañ kêkiñ aö gameñ, ma aö dauñ gambo tañli tu in-nga. Bocdinañ asa nañ kôc aö sa ti in ndê gêtj daneñ-nga ñandô, nañ oc mbo tali tu aö-nga. ⁵⁸ Mac damami señ mana, magoc tiñambu sêmbac ndu. Bolom nañ sip akêtj u ndambê meñ, nañ aö dauñ dindec. Ma asa nañ bu neñ bolom dindec, nañ oc mbo tali ñapañ.” ⁵⁹ Yisu sôm yom hoñ dinañ têtj ndoc in kêdôhôn lau mbo lôm wê-nga yêc malac Kapenaom.

Yisu ndê sêñomi ñatô sêhu in sin

⁶⁰ Têtj ndoc sêñgô Yisu ndê yom dinañ, goc in ndê †sêñomi daêsam sêsôm, “Aluê! Yom dinañ ñawapac ñandô! Asa gitôm bu oc kôc sa ma êñyalê?” ⁶¹ Yisu kêyalê bu in ndê sêñomi sêtucdiñ tu in ndê yom-nga, dec sôm, “Yom

* **6:54** Lau ñatô gauc gêm bu yom pi Yisu ndê ñamsôm ti dac hêganôn Mwasin Dabuñ. Tigeñ ñabatiñ 53 whê sa bu asa nañ neñ Yisu ndê ñamsôm ma nôm in ndê dac dom, nañ oc tôm dom bu tap señ ndöc tali-nga sa. Bocdinañ yom dau bu hêganôn Mwasin Dabuñ, dec lau nañ señ dom, nañ oc sêtôm dom bu sêtap Anötö ndê mwasin sêndöc tali-nga sa bocdinañ. Gauc dinañ in so. Pômdau kêtj in ndê Mwasin Dabuñ bu puc yac dôñ, ma ti señ datap undambê sa-nga dom. Ñamalac nañ gêtj Mwasin Dabuñ dom, magoc kêtj whiñ Yisu, nañ oc ndöc tali. Ñalêtj tigeñ yêc bu datap señ dambo tañli ñapañ-nga sa, nañ dakêtj whiñ Yisu.

dindec kêñ wapac mac, a? ⁶² Bocdinañ, têtñ ndoc mac alic Ñamalac ndê Atu mbu pi gameñ nañ in mbo têtñ ñamata-nga ndi, nañ mac oc akêtñ whiñ, me oc kêñ wapac mac êñlêc? ⁶³ Ñamalac si gauc me licwalô oc tôm dom bu kêñ ñac sêndôc tali. Ñalau tigenê kêñ ñamalac sêndôc tali ñapañ. Ma yom nañ aô gasôm têtñ mac, nañ Ñalau tigenê oc whê mac nem gauc sa e anyalê, ma bocdinañ atap señ andôc tamli ñapañ-nga sa. ⁶⁴ Magoc mac nem lau ñatô sêkêtñ whiñ aô dom.” (Yisu sôm yom dinañ bu in kêyalê gwananê lau ñatô nañ sêkêtñ whiñ in dom, ma ñgac nañ oc hoc in asê.) ⁶⁵ Ma in gic têtñ yom ma sôm, “Tu dinañ-nga dec aô gasôm bu lau ñac sêtôm dom bu sêtêtñ aô sêmeñ ñambwa. Damanê bu kêñ ñaclai têtñ ñac, dec oc tôm.”

⁶⁶ Têtñ dinañ Yisu ndê sêñomi daêsam sêhu in siñ ma sêñkuc in tiyham dom. ⁶⁷ Goc in ndac in ndê ñ gacsêñomi 12 bu, “Ma bocke? Mac bu ahu aô siñ awhiñ, a?” ⁶⁸ Ma Saimon Pita sôm, “Pômdau, yac oc atêtñ asa andi? Am tamwasêm sôm yom nañ tôm bu kêñ yac andôc tanli ñapañ. ⁶⁹ Yac anyalê ma akêtñ whiñ bu am Anötô ndê ñgac dabuñ am.” ⁷⁰ Goc Yisu ô yom ma sôm, “Aô ñac kayaliñ mac lau 12 sa. Magoc aô kayalê su bu mac nem ñgac ñac ti Sadañ ndê su.” ⁷¹ In sôm yom dinañ pi Judas, Saimon Iskeriot ndê atungac. Bu Judas in ñgacsêñomi 12 si ñac, nañ tiñambu hoc Yisu asê.

7

Yisu ndê asii sêkêtñ whiñ in dom

¹ Tinjambu Yisu kêsêlêṅ golom-golom malac naṅ sêyêc gameṅ Galili-ṅga. Inṅ mbo ahê gameṅ Judia-ṅga, bu inṅ kêyalê bu lau bata Israel-ṅga naṅ sêmbo gameṅ dinaṅ, naṅ atac whiṅ bu sêndic inṅ ndu. ² Têṅ ndoc lau Israel si †Mwasinṅ atu Lôm Bac-ṅga meṅ kêpinṅ, naṅ ³ Yisu ndê asii sêsôm, “Yac gauc gêm bu ṅayham bu am sip têtṅ gameṅ Judia-ṅga ndi. Bu am nem sêṅomi ṅatô sêmbo dindê, dec kôm gêṅ dalô bu ṅac sêlic. ⁴ ṅamalac daṅ bu kôm dau ti ṅgac tiwaê, naṅ siṅ dau dom. Am kôm gêṅ dalô daêsam, bocdinaṅ tôc daôm asê têtṅ ṅamalac hoṅ.” ⁵ Yisu ndê asii sêsôm yom dinaṅ, ṅahu bu sêkêṅ whiṅ inṅ dom.

⁶⁻⁸ Dec Yisu sôm têtṅ inṅ ndê asii, “Aö oc wasip gameṅ Judia-ṅga wandi dom, bu aneṅ ndoc yêc dônṅ yêc. Lau sac nom-ṅga sêtec aö, bu aö êlêmê gahoc yom asê pi gêṅ giso hoṅ naṅ ṅac sêkôm. Magoc lau nom-ṅga sêtec mac dom, ma bocdinaṅ mac api Jerusalem andi, tu Mwasinṅ dinaṅ-ṅga. Mac atôm bu akôm gêṅ têtṅ têtṅ bocke naṅ mac atac whiṅ, magoc aneṅ têtṅ hôc asê su dom.”

⁹ Yisu sôm yom dinaṅ su, ma gacgeṅ mbo Galili. ¹⁰ Tigeṅ têtṅ ndoc inṅ ndê asii sêpi Jerusalem si bu sêlic om atu Lôm Bac-ṅga, naṅ inṅ kêkuc ṅac gi. Magoc inṅ siṅ dau bu lau sêlic inṅ dom. ¹¹ Lau bata Israel-ṅga naṅ sêmbo Jerusalem tu Mwasinṅ dinaṅ-ṅga, naṅ taso inṅ ma sêndac, “ṅgac dinaṅ mbo nde?” ¹² Ma lau daêsam naṅ sêmbo malac dinaṅ, naṅ sic yom sec têtṅ dandi pi Yisu. ṅatô sêsôm, “Inṅ ṅgac ṅayham.” Ma ṅatô sêsôm, “Mba! Inṅ kêsau lau.” ¹³ Magoc ṅamalac daṅ

sôm yom pi Yisu yêc awê dom, bu sêtöc lau bata Israel-nga.

Yisu kêdôhôn lau

¹⁴ Bêc ñatô giŋga su ma Mwasiŋ Lôm Bac-nga gi sa ñalhu. Ma têtŋ dinaŋ, Yisu sôc lôm dabuŋ ñabatêmndö gi, ma gic hu kêdôhôn lau. ¹⁵ Iŋ ndê yom kôm lau bata Israel-nga sêhêdaê ma sêsôm, “Ngac dindec sôc lôm dom, ma bocke dec iŋ kêdôhôn lau ña yom ti gauc atu-tu?” ¹⁶ Ma Yisu sôm, “Aö kadôhôn aö dauŋ neŋ yom dom, magoc iŋ naŋ kêkiŋ aö gameŋ, naŋ ndê yom. ¹⁷ Lau naŋ atac whiŋ bu daŋga wambu Anötö, naŋ oc sêŋyalê bu yom hoŋ naŋ aö kadôhôn, naŋ meŋ akêŋ Anötö ndê, ma aö neŋ yom dom. ¹⁸ Asa naŋ sôm dau ndê yom, naŋ bu po dau ndê waê sa. Magoc aö bu wapo iŋ naŋ kêkiŋ aö gameŋ, naŋ ndê waê sa. Aö kasau dom, aö gasôm yom ñandô. ¹⁹ Moses kêŋ yomsu têtŋ mac, magoc mac ne m daŋ daŋga wambu ñapep dom. Tu sake-nga mac asôm bu aö kagilì yomsu, dec atac whiŋ bu andic aö ndu?”

²⁰ Goc lau ñatô sêsôm, “Asa tac whiŋ bu ndic am ndu? Ñalau sac daŋ oc sip am nem ñalôm su!” ²¹ Ma Yisu sôm têtŋ ñac, “Aö gakôm gêtŋ dalô daŋ têtŋ bêc Sabat-nga, ma mac hoŋ asö. ²² Mac aŋgôliŋ yom pi aö ma asôm bu aö kagilì y omsu Sabat-nga, magoc mac daôm akôm gwelen têtŋ bêc Sabat-nga. Mac aŋkuc †pwac asê balêi si ñamlic ñatô su-nga, tôm Moses to ma gic dulu têtŋ mac. (Pwac dau Anötö kêŋ têtŋ Moses dom, magoc kêmwatiŋ têtŋ abañi muŋ su.) Mac asê balêi si ñamlic têtŋ ñac si bêc ti-8-nga, ma

bocdinaŋ balêi ŋatô mac asê ŋac têtj bêc Sabat-ŋga. ²³ Mac alic ŋayham bu akôm gêtj dau têtj Sabat tu bu aŋgili Moses ndê yomsu dom. Aö dec gakôm ŋamalac daŋ ndê ŋamlic sambuc ŋayham sa têtj bêc Sabat-ŋga, ma bocdinaŋ tu sake-ŋga mac atac ŋandê têtj aö? ²⁴ Alic gêtj awê-ŋga ŋambwa tu amatôc yom-ŋga dom! Akôc gauc ŋapep pi gêtj ŋalôm-ŋga whiŋ.”

Lau sêndac bata Yisu

²⁵ T êŋ ndoc dinaŋ lau Jerusalem-ŋga ŋatô sêsôm, “Ŋgac dindec iŋ ŋgac naŋ lau bata sêŋsalê lêtj tu bu sêndic iŋ ndu-ŋga. ²⁶ Tigeŋ alic! Iŋ sôm yom mbo awê, magoc lau bata sêsôm yom daŋ têtj iŋ dom. Bocke? M boe ŋac sêkêtj whiŋ bu iŋ Mesaya dau, me? ²⁷ Tigeŋ yac aŋyalê ŋgac dindec ndê malachu. Ma têtj ndoc Mesaya oc meŋ, naŋ lau daŋ oc sêŋyalê gameŋ naŋ iŋ meŋ akêtj, naŋ dom.” ²⁸ Yisu kêtjôhêtj lau mbo lôm dabuŋ ŋabatêmndö têtj têtj dinaŋ, ma iŋ ta yom bocdec bu, “Mac lau dinaŋ gauc gêm bu mac aŋyalê aö, ma bu mac aŋyalê a ö neŋ malachu, a? Aö gameŋ ŋa aö dauŋ neŋ ŋaclai dom. Aö Damaŋ kêtj iŋ aö gameŋ, ma iŋ Anötö ŋandô, magoc mac aŋyalê iŋ dom. ²⁹ Aö dec kayalê iŋ, bu muŋ-ŋga aö gambo gawhiŋ iŋ, ma kwahic dec iŋ kêtj iŋ aö gameŋ.”

³⁰ Têtj dinaŋ ŋac sêŋsahê bu sêkôc iŋ dêtj, tigeŋ iŋ ndê ndoc yêc dêtj yêc, dec lau daŋ gitôm dom bu sêkêtj amba pi iŋ. ³¹ Magoc lau daêsam yêc toŋ atu dinaŋ sêkêtj whiŋ iŋ ma sêsôm, “Yac akêtj batanaŋ Mesaya, ma akêtj whiŋ bu têtj ndoc iŋ meŋ, naŋ iŋ oc kôm gêtj dalô daêsam. Tigeŋ asa

gitôm bu kôm gêŋ dalô atu-tu naŋ sêhôc gêlêc gêŋ dalô daêsam naŋ ŋgac dindêc kôm, naŋ su?”

Lau Palêsai ti dabuŋsiga atu-tu sêkôm bu sêkôc Yisu dôn

³² Lau Palêsai sêŋgô bu lau sem yomgalôm pi Yisu ma sêkôc gauc kainŋ dinaŋ pi iŋ. Goc ðabuŋsiga atu-tu ti lau Palêsai sêŋkinŋ lau sinŋga ŋatô naŋ sêyob lôm dabuŋ, bu sêkôc iŋ dôn.

³³ Têŋ dinaŋ Yisu sôm, “Aö wambo wawhinŋ mac ŋasawa sauŋ, goc walhö wambu watêŋ iŋ naŋ kêkinŋ aö gameŋ, naŋ wandi. ³⁴ Mac oc aŋsalê aö, magoc oc atap aö sa dom, ma mac atôm dom bu aŋkuc aö atêŋ gameŋ naŋ aö oc wambo.” ³⁵ Goc lau Israel-ŋga sêsôm têŋ dandi, “Ŋgac dindêc oc mbo nde, dec yac oc datôm dom bu datap iŋ sa? Mboe iŋ oc ndi mbo whiŋ yac neŋ lau Israel-ŋga ŋatô, naŋ sêndöc lau Grik si gameŋ ma êndôhôn lau Grik yêc dindê? ³⁶ Iŋ sôm bu yac oc taŋsalê iŋ, magoc oc datap iŋ sa dom, ma bu yac datôm dom bu datêŋ gameŋ naŋ iŋ oc mbo, naŋ dandi. Yom dau ŋahu bocke?”

Yisu sôm yom pi Nalau Dabuŋ

³⁷ Têŋ Mwasinŋ Lôm Bac-ŋga ŋabêc atu ŋambu-ŋga, naŋ Yisu tisa kalhac ma mbwêc awha atu bocdec bu, “Am asa naŋ bu yô am, naŋ têŋ aö mweŋ, ma nôm. ³⁸ Tôm Anötö ndê yom naŋ sêto yêc, naŋ sôm, asa naŋ kêŋ whiŋ aö, naŋ bu tali-ŋga oc êmbulup pi iŋ ndê ŋalôm.” ³⁹ Yisu ndê yom dinaŋ hêganônŋ Nalau Dabuŋ, naŋ tiŋambu Anötö oc kêŋ têŋ lau naŋ sêkêŋ whiŋ Yisu. (Têŋ têm dinaŋ, Anötö kêŋ Nalau Dabuŋ têŋ lau su

dom, n̄ahu bu Yisu ndê tēm tu tap in̄ ndê n̄awasi sa-n̄ga yêc dôn̄ yêc.)

Lau sêseŋ dau pi Yisu

⁴⁰ Têŋ ndoc Yisu sôm yom dau, naŋ lau n̄atô sêsôm, “Yomandô! N̄gac dindec in̄ propet atu gitôm Moses, naŋ Anötö gic bata bu êŋkin̄ meŋ.”
⁴¹ Ma n̄atô sêsôm, “Mba! In̄ Mesaya dau!” Magoc lau n̄atô sêsôm, “Mba! Bu Mesaya oc meŋ akêŋ gameŋ Galili-n̄ga dom. ⁴² Anötö ndê yom naŋ sêto yêc, naŋ sôm bu Mesaya oc meŋ sa yêc Kin̄ Dawid ndê wakuc, ma yêc Dawid ndê malac Betlehem.”
⁴³ Bocdinaŋ lau sêseŋ dau pi Yisu.
⁴⁴ Lau n̄atô tac whin̄ bu sêkôc in̄ dôn̄, magoc n̄amalac daŋ gitôm dom bu kêŋ amba pi in̄.

Lau bata Israel-n̄ga sêkêŋ whin̄ Yisu dom

⁴⁵ Tin̄ambu lau siŋ lôm dabuŋ-n̄ga sêmbu sêtêŋ dabuŋsiga atu-tu ti lau Palêsai si. Ma n̄ac sêndac lau siŋ-n̄ga dau bocdec bu, “Bocke ma mac akôc Yisu dôn̄ dom?”
⁴⁶ Goc lau siŋ-n̄ga sêo yom ma sêsôm, “N̄amalac naŋ sôm yom gitôm n̄gac dinaŋ, naŋ yac aŋgô daŋ su dom.”
⁴⁷ Goc lau Palêsai sêsôm, “Mboe in̄ kêsau mac awhin̄, a? ⁴⁸ Alic bu yac lau Palêsai ma lau bata mba daŋ kêŋ whin̄ bu in̄ Mesaya dau dom. Mba andô!
⁴⁹ Tigen̄ lau n̄ambwa-n̄ambwa, naŋ si gauc sa dom pi Anötö ndê yom naŋ sêto yêc, naŋ sêkêŋ whin̄ in̄. Anötö ndê atac n̄andê pi n̄ac!”

⁵⁰ Lau bata dinaŋ si daŋ in̄ Nikodemas, n̄gac naŋ muŋ-n̄ga gi gêlic Yisu. Têŋ ndoc in̄ n̄gô n̄ac si yom dinaŋ, dec sôm têŋ n̄ac bu, ⁵¹ “Yac neŋ yomsu gic yao bu dakic yom tu tamatôc n̄amalac

daŋ-ŋga ɲambwa dom! Gêŋ ɲamata-ŋga daŋgô inɲ dau ndê yom, ma dakip yom sa pi gêŋ naŋ inɲ kôm.”⁵² Magoc ɲac sêsôm, “Mboe am bu ti inɲ ndê ɲgacsêŋom daŋ whiŋ ɲac lau Galili-ŋga dinaŋ, a? Am ndi ma kip ɲahu sa yêc Anötö ndê yom, ma am oc tap sa bu propet daŋ oc meŋ akêŋ gamenɲ Galili-ŋga dom.”

[Yisu tawalô awhê sac daŋ]*

⁵³ Dinaŋ su, ma lau hoŋ sêlhö têtŋtêŋ ma sêmbu sêtêŋ ɲac si andu si.

8

¹ Goc Yisu hu malac Jerusalem siŋ ma sa gi mbo Lôc Olib. ² Têŋ ɲagalaŋsê bêbêc, inɲ mbu sôc Jerusalem gi, ma mbo lôm dabuŋ ɲabatêmdö. Ma lau daêsam sêwê sêtêŋ inɲ sêmeŋ, dec inɲ ndöc sic ma kêdôhônɲ ɲac. ³ Ma lau naŋ sêndôhônɲ yomsu ti lau Palêsai sêwê awhê daŋ sêtêŋ inɲ sêmeŋ, naŋ sêtap inɲ sa têtŋ ndoc inɲ kôm mêtê mockaiŋ-ŋga. Ma sêkêŋ a whê dau kalhac lau hoŋ aŋgô-ŋga. ⁴ Ma sêsôm têtŋ Yisu, “Kêdôhônɲwaga, sêtap awhê dindéc sa kôm mêtê mockaiŋ-ŋga. ⁵ Moses to yomsu bu datuc lauwhê kaiŋ dindéc ɲa hoc ndu. Bocdinaŋ sôm bu yac oc dakôm sake?” ⁶ ɲac bu sêtim inɲ ɲa gêndac dinaŋ, sêŋsalê yom daŋ bu sêŋgôliŋ pi inɲ. Magoc Yisu pôn sic gi ndöc, ma gic hu to yom yêc nom ɲa amba-atu. ⁷ Goc ɲac sêŋsu inɲ e inɲ tisa ma sôm têtŋ ɲac, “Mac nem asa bu ndê sac mbasi, naŋ ti ɲgac ɲamata-ŋga bu kôc hoc ma tuc pi awhê

* **7:52** Yom naŋ yêc 7:53–8:11 naŋ yêc bapia akwa ɲatô dom.

dindec.” ⁸ Goc in pôn sic tiyham ma to yom yêc nom. ⁹ Têñ dinañ lau nañ sêñgô Yisu ndê yom sic hu sêlhô tigen-tigen. Lau atu-tu sêlhô sêmun, goc lau ñatô sêñkuc e Yisu tawasê mbo, ma awê dau kalhac in añgô-nga. ¹⁰ Dec Yisu tisa ma ndac in, “O awê! Ma lau dau nde? Asa dec mbo bu êngôlin yom pi am ma êmatôc am?” ¹¹ Ma in sôm, “O ñadau, lau mba!” Goc Yisu sôm, “Ma bocdinañ aô wamatôc am dom whin. Magoc am lhô ndi, ma hu nem mêtê sac sin.”]

Yisu in Nawê Nom-nga

¹² Tinambu Yisu sôm yom têt lau bocdec bu, “Aô ñawê nom-nga. Asa nañ bu êñkuc aô, nañ oc sa señ ñasec-nga tiyham dom. In oc êñsêlêñ mbo ñawê nañ tôc señ ndôc tali-nga asê.”

¹³ Magoc lau Palêsai sêsôm têt in, “Am tamwasêm hoc yom asê pi daôm. Tu dinañ-nga dec yac oc akôc am nem yom sa dom.”

¹⁴ Ma Yisu ô yom ma sôm, “Aô bu wahoc daun neñ yom asê, dec aneñ yom dau in yom ñandô. Nahu bu aô kayalê gameñ nañ aô gameñ akêñ nañ, ma gameñ nde nañ wambu wandi. Tigen mac anyalê gameñ dinañ dom. ¹⁵ Mac anjahê ti amatôc lau añkuc ñamalac si gauc. Magoc aô dec wamatôc ñamalac dañ gitôm mac akôm, nañ dom. ¹⁶ Aô bu wamatôc lau, dec aneñ yom hoñ in yom ñandô, nahu bu aô tañwasêñ dom. Damañ nañ kêkin aô, nañ mbo whin aô. ¹⁷ Mac daôm nem yomsu sôm bu ñgac lu bu sêpuc si yom dôñ bu yom ñandô, dec mac oc akôc yom dau sa. ¹⁸ Kwahic dec aô gahoc yom asê tu daun-nga, ma Damañ nañ kêkin aô, nañ dec puc aneñ yom dôñ.

Bocdinaŋ tu sake-ŋga mac akôc aneŋ yom sa dom?” ¹⁹ Goc sêndac iŋ, “Am Damam nde?” Ma Yisu sôm, “Mac aŋyalê aô dom, ma mac aŋyalê Damaŋ dom bocdinaŋ. Mac bu aŋyalê aô, dec oc tôm bu mac aŋyalê Damaŋ whiŋ.”

²⁰ Yisu sôm yom dinaŋ têtŋ ndoc iŋ kêdôhônŋ lau mbo kêpiŋ apa naŋ lau sêkêŋ si da sip-ŋga yêc lôm dabuŋ ŋamakê. Magoc lau daŋ sêkôc iŋ dônŋ dom, bu iŋ ndê ndoc hôc asê su dom.

Yisu ndê ŋahu yêc nom dom

²¹ Ma Yisu sôm tiyham têtŋ lau Palêsai, “Aô oc wahu mac siŋ, ma mac oc aŋsalê aô. Magoc gameŋ naŋ aô bu wandi, naŋ mac atôm dom bu andi. Mac oc ambac ndu ti nem sac tôhônŋ.”

²² Goc lau bata dinaŋ sêsôm têtŋ dandi, “Iŋ dau sôm bu gameŋ naŋ iŋ oc ndi, naŋ yac datôm dom bu dandi. Bocke? Iŋ oc ndic dau ndu, a?” ²³ Ma Yisu gic têku yom ma sôm, “Aneŋ ŋahu yêc lôlôc. Mac lau nom dindec-ŋga, magoc aô neŋ ŋahu yêc nom dindec dom. ²⁴ Aô gasôm têtŋ mac su, bu mac oc ambac ndu ti nem sac tôhônŋ. Aô wasôm yom ŋandô têtŋ mac, bu mac bu akêŋ whiŋ yom naŋ aô gawhê sa pi daŋ, naŋ dom, dec mac oc ambac ndu ti mac nem sac.” ²⁵ Goc ŋac sêndac, “Am asa?” Ma iŋ sôm, “Oc tôm bu mac aŋyalê su, bu têtŋ ŋamata-ŋga e meŋ, aô gawhê daŋ sa têtŋ mac. ²⁶ Yom daêsam yêc bu wasôm pi mac bu watôc nem giso asê. Magoc yom hoŋ naŋ aô gaŋgô yêc iŋ naŋ kêkiŋ aô gameŋ, naŋ dec wasôm asê têtŋ lau nom-ŋga. Ma iŋ ndê yom iŋ yom ŋandô eŋ.”

²⁷ Nac sênyalê dom bu inj sôm yom dau pi inj Damba. ²⁸ Goc inj sôm, “Têj ndoc mac asuŋ Njamalac ndê Atu sa yêc nom, naŋ mac oc aŋyalê bu aö dauŋ dec Mesaya dau, ma aö gakôm gêŋ daŋ kakuc aö taŋwasêŋ neŋ gauc dom. Mba. Yom hoŋ naŋ aö gasôm, naŋ Damaŋ dau kêŋ têj aö. ²⁹ Inj dau kêkiŋ aö gameŋ, ma inj oc tec aö bu wambo taŋwasêŋ dom. Inj mbo whiŋ aö ŋapaŋ. Nahu bu aö gakôm gêŋ hoŋ tôm inj atac whiŋ.” ³⁰ Yisu sôm yom dinaŋ, ma lau daêsam naŋ sêŋgô, naŋ sêkêŋ whiŋ inj.

Yom ŋandô oc êŋgapwêc yac su

³¹ Ma Yisu sôm têj lau Israel-ŋga naŋ sêkêŋ whiŋ inj, “Mac bu asap aneŋ yom dôn ma danam wambu, dec mac ati aneŋ sêŋjomi ŋandô. ³² Ma mac oc aŋyalê yom ŋandô, ma yom ŋandô dau oc êŋgapwêc mac su bu ambo atôm lau akiŋ ŋambwa tiyham dom.” ³³ Goc ŋac sêsôm, “Abraham ndê wakuc yac. Ma yac am akiŋ lau daŋ dom. Bocdinaŋ am sôm bu êŋgapwêc yac su yêc sakiŋ bocke?” ³⁴ Goc Yisu ô yom bocdec bu, “Aö wasôm yom ŋandô. Asa naŋ sap mêtê sac dôn, naŋ ŋgac me awhê akiŋ mêtê sac-ŋga. ³⁵ Ma ŋgac akiŋ ŋambwa oc wêkaiŋ ŋadau ndê gêŋ daŋ, me mbo inj ndê andu ŋapaŋ dom. Mba! Nadau ndê atu solop oc wêkaiŋ gêŋ ma mbo ŋapaŋ. ³⁶ Magoc Anötö ndê Atu bu êŋgapwêc mac su, dec mac oc ambo atôm lau akiŋ ŋambwa tiyham dom andô.

³⁷ “Aö kayalê su, bu Abraham ndê wakuc mac. Tigeŋ mac akôm bu andic aö ndu, ŋahu bu mac akôc aneŋ yom sa sip nem ŋalôm su dom. ³⁸ Aö

gasôm yom asê pi gêñ nañ Damañ tôc asê têtñ aö, magoc mac akôm mêtê ankcuc yom nañ mac daôm damam sôm têtñ mac.” ³⁹ Ma ñac sêsôm tiyham, “Yac damañ in Abraham.” Magoc Yisu sôm, “Mac bu Abraham atui mac, dec mac oc asa lêtñ gitêtñ gitôm in dau ndê. ⁴⁰ Tigenñ aö gasôm yom ñandô gitôm aö ganğô yêc Anötö, ma mac akôm bu andic aö ndu. Abraham oc kôm gêñ kainñ dinañ dom. ⁴¹ Mac ankcuc Abraham ndê lêtñ dom, dec tôc asê bu mac nem damam in ñgac dañ dau-ñga dañ.” Magoc ñac sêsôm, “Yac lau ñasawa-ñga dom. Yac mba damañ tigenñ in Anötö dau.”

⁴² Têtñ dinañ Yisu sôm, “Anötö bu ti mac nem damam, dec mac oc atac whinñ aö. Nahu bu aö gameñ akêtñ Anötö, dec gambo lec. Aö gameñ tu dauñ-ñga dom, magoc Anötö dau kêtñ aö gameñ. ⁴³ Mac atôm dom bu anğô aneñ yom, ma bocdinañ mac anyalê aneñ yom nahu dom. ⁴⁴ Mac nem damam in Sadañ, ma mac akôm tôm in atac whinñ. Têtñ têtñ ñamata-ñga e meñ, in sa lêtñ ndic ñamalac ndu-ñga. In sap yom ñandô dôtñ dom, bu yom ñandô dañ yêc in ndê ñalôm dom. In tasanñ-nda, ma yom tasanñ ñadamba in. In sôm yom kêtñ in dau ndê awha solop, ma yom honñ nañ in sôm, nañ yom tasanñ. ⁴⁵ Tigenñ aö dec gasôm yom ñandô eñ, ma tu dinañ-ñga mac akêtñ whinñ aneñ yom dom. ⁴⁶ Mac nem asa gitôm bu tôc aneñ giso dañ asê? Aö gasôm yom ñandô, ma tu sake-ñga mac akêtñ whinñ aö dom? ⁴⁷ Anötö ndê atui ñandô sênğô in ndê yom ma dañga wambu. Magoc mac anğô in ndê yom dom, dec tôc asê bu mac ati in ndê atui ñandô

dom.”

Yisu sôm yom asê pi dau

⁴⁸ Têḅ dinaḅ lau bata Israel-ḅga sêsôm, “Yac asôm solop bu am gitôm lau Samaria-ḅga naḅ si gauc sa pi Anötö dom, ma bu ḅalau sac daḅ mbo am nem ḅalôm.” ⁴⁹ Magoc Yisu sôm, “Mba! ḅalau sac mbo aö neḅ ḅalôm dom. Mac atoc aneḅ waêḅ sa dom, magoc aö bu wapo Damaḅ ndê waê sa. ⁵⁰ Aö kasalê daḅ neḅ waêḅ dom, magoc Anötö oc po aneḅ waêḅ sa. Ma iḅ oc êmatôc gêḅ hoḅ. ⁵¹ Aö wasôm yom ḅandô têḅ mac, bu asa naḅ ḅgô aneḅ yom ma daḅga wambu, naḅ oc niḅga dom, magoc iḅ oc mbo tali ḅapaḅ.”

⁵² Goc lau bata Israel-ḅga sêsôm têḅ iḅ, “Kwahic dec yac aḅyalê pi ḅandô bu ḅalau sac daḅ mbo am nem ḅalôm. Abraham ma lau propet sêmbac ndu, tigeḅ am sôm bu asa naḅ ḅgô am nem yom ma daḅga wambu, naḅ oc niḅga dom. ⁵³ Am asa dec toc daôm sa? Am gauc gêm bu am hóc gêlêc damaḅ Abraham su, a? Yac aḅyalê bu iḅ mbac ndu su, ma lau propet boc-dinaḅ.” ⁵⁴ Ma Yisu ô yom ma sôm, “Aö daḅ bu wapo daḅ neḅ waêḅ sa, dec waêḅ dau ti gêḅ ḅambwa-ḅga. Magoc aö Damaḅ, naḅ mac asam bu mac nem Anötö, naḅ po aneḅ waêḅ sa. ⁵⁵ M agoc mac aḅyalê iḅ dom. Aö dec kayalê iḅ, ma daḅḅaḅ wambu iḅ ndê yom. Aö bu wasôm bu kayalê iḅ dom, dec aö ḅgac tasaḅ gitôm mac lau tasaḅ. ⁵⁶ Mac nem damam Abraham atac ḅayham sa kêlêc, bu iḅ kêḅ bata bu lic aneḅ bêc wahôc asê-ḅga. Ma iḅ gêlic su ma tisambuc.”

⁵⁷ Goc lau bata Israel-nga sêsôm têtj inj, “Am nem yala tap 50 sa su dom. Ma bocke dec am sôm bu am gêlic Abraham su?” ⁵⁸ Ma Yisu sôm, “Yomandô! Ndoc nan Abraham dinda kôc inj su dom, nan aö gambo.” ⁵⁹ Têtj têtj ñac sêngô yom d inañ, goc sêkôc hoc sa bu sêtuc inj, magoc Yisu sinj dau, ma kêdahinj dau su yêc lôm dabun ñagamenj.

9

Yisu kôm ñgac tapec danj tandô po asê

¹ Yisu kêsêlêtj gi, ma gêlic ñgac tapec danj. Ñgac dau inj tandô pec têtj ndoc inj dinda kôc inj ma menj. ² Ma Yisu ndê ñgacsêñomi sêndac inj bocdec bu, “Kêdôhônj-waga, ñgac dinanj tapec tu inj dau ndê sac-nga, me tu dinda lu damba si sac-nga?” ³ Goc Yisu sôm, “Inj tapec tu inj dau ndê sac-nga, me tu dinda lu damba si sac-nga dom. Magoc dinda kôc inj ti tapec tu bu kwahic dec lau sêlic Anötö ndê gwelenj ti ñaclai nem inj sa-nga. ⁴⁻⁵ Aö gambo nom gatôm lau nom-nga si ñawê, ma kwahic dec ti têtj ñawê-nga. Ma bocdinañ kwahic dec yac oc dakôm Anötö nanj kêkinj aö gamenj, nanj ndê gwelenj. Têtj ñasec-nga oc menj hôc asê, ma têtj dinanj lau danj oc sêtôm dom bu sêkôm gwelenj.”

⁶ Inj sôm yom dinanj su, goc hê gasôp sip nom, kêyalinj whinj nom, ma sê pi ñgac tapec tandô. ⁷ Ma inj sôm têtj inj, “Am ndi êmgwasinj anôm sip bu gaponj Siloam.” (Ñaê Siloam dau danem kwi bu ‘Kêkinj.’) Goc inj kôlhö gi kêgwasiñ angô, ma inj tandô ñayham sa. Ma inj mbu têtj ndê

andu gi. ⁸ Ma in ndê lau menpan in-nga, ti lau nan senyalê bu mun-nga in ngac ten ghen-nga, n an sêsö ma sendac dandi, “In ngac nan mun-nga ndöc ma ten ghen, a?” ⁹ Ma lau natô sêsôm, “In ngac dau dinañ.” Magoc natô sêsôm, “Mba! In ngac dan dau-nga, nan ango gi tap ngac ten ghen-nga dinañ ndê ango sa.” Magoc ngac dau sôm, “Aö ngac daun dec.” ¹⁰ Goc sendac in, “Ma bocke dec am nem tanôm nayham sa?” ¹¹ Ma in sôm, “Ngac nan sêsam in bu Yisu, nan keyalin sachalê, ma kên pi aö tanôn, goc kêkin aö bu wangwasin anôn andô sip bu Siloam. Bocdinañ aö ga kagwasin daun, dec tanôn nayham sa.” ¹² Ma sendac, “Ngac dinañ mbo nde?” Goc in sôm, “Aö kayalê dom.”

Lau Palêsai sêkip yom sa pi ngac nan tandô po asê

¹³⁻¹⁴ Yisu keyalin sachalê ma kôm ngac tapec dinañ tandô po asê têt bêt Sabat-nga dan. Ma tinambu l au sêwê ngac dau sêtêt lau Palêsai si. ¹⁵ Têt ndoc lau Palêsai sêlic in, nan sendac in bu, “Am tanôm po asê nalên bocke?” Ma in ô yom ma sôm, “Ngac dinañ kên sachalê pi aö tanôn, ma aö kagwasin dec tanôn po asê.” ¹⁶ Goc Palêsai natô sêsôm yom pi Yisu bocdec bu, “Ngac dinañ kégili yomsu Sabat-nga, dec tanyalê bu in men akên Anötö dom.” Magoc Palêsai natô sêsôm, “Ngac sac oc tôm dom bu kôm ghen dalô kain dinañ.” ¹⁷ Boc-dinañ nac si yom so dau, ma sendac ngac dau tiyham, “Am ngac daôm, am ngac nan in kôm am nem tanôm po asê, ma bocdinañ am sôm sake pi in?” Ma in sôm, “In propet dan.”

18 Magoc lau bata Israel-nga dinan̄j sêkên̄j whin̄j dom bu muŋ-nga in̄j tapec ma kwahic dec tandô ñayham sa. Bocdinan̄j sêkên̄j yom têt̄j in̄j dinda lu damba bu sêmeŋ. 19 Ma sêndac in̄jlu, “Ngac dindec in̄j amlu atômngac nan̄j amlu asôm bu dinda kôc in̄j ti tapec, a? Bocke ma kwahic dec in̄j tandô ñayham sa?” 20 Ma in̄jlu sêsôm, “Aêc! Alu aňyalê bu in̄j alu mba balê, ma bu alu akôc in̄j ti tapec. 21 Magoc in̄j tandô po asê ñalêŋ bocke ma asa kôm in̄j tandô ñayham sa, nan̄j alu aňyalê dom. Mac andac in̄j dau. In̄j ti ngac atu su, ma gitôm bu sôm dau ndê yom.” 22 In̄jlu sên̄yalê bu lau bata Israel-nga sêkic yom bu ñac oc sêtin̄j lau nan̄j sêkên̄j whin̄j bu Yisu in̄j Mesaya, nan̄j su yêc gôlôwac Israel-nga, ma bocdinan̄j in̄jlu sêtôc ñac. 23 Tu dinan̄j-nga sêsôm yom bocdec, “In̄j ti ngac atu su. Mac andac in̄j dau!”

24 Goc ñac sêmbwêc ngac dau tiyham, ma sêsôm, “Toc Anötö sa ma sôm yom ñandô. Yac aňyalê bu ngac dinan̄j in̄j ngac sac.” 25 Ma in̄j ô yom bocdec bu, “In̄j bu ngac sac me in̄j ngac gitên̄j, aö kayalê dom. Gêŋ tigen̄j aö kayalê. Muŋ-nga aö ngac tapec, ma kwahic dec aö tanôŋ po asê.” 26 Goc sêndac in̄j, “In̄j kôm gêŋ sake têt̄j am? In̄j kôm am tanôm ñayham sa ñalêŋ bocke? Sôm asê têt̄j yac.” 27 Ma in̄j sôm, “Aö gasôm têt̄j mac su, magoc mac akôc aneŋ yom sa dom. Tu sake-nga mac bu aňgô tiyham? Mboe mac atac whin̄j bu ati in̄j ndê sên̄jomi awhin̄j, a?” 28 Têt̄j dinan̄j sêpu in̄j ma sêsôm, “Mba! Am daôm ti ngac dinan̄j ndê ngacsên̄jom! Moses ndê sên̄jomi yac. 29 Yac aňyalê bu Anötö kên̄j in̄j ndê yom têt̄j

Moses, magoc ngac dinan ti in ndê nahu, yac anyalê dom.” ³⁰ Goc ngac dau sôm, “Gên kain dan solop! Mac asôm bu mac anyalê in ndê nahu dom. Tigen alic su nan! In kôm aö tanôn po asê. ³¹ Yac tanyalê bu Anötö oc kên danğa tên lau sac dom. Mba! In kên danğa lau gitên nan sênkuc in ndê yom. ³² Yac danğô dan mun su dom, bu namalac dan kôm ngac nan dinda kôc in ti tapec, nan tandô po asê. Mba sambuc! ³³ Ngac dinan bu meñ akên Anötö dom, dec oc tôm dom bu in kôm gên dan.”

³⁴ Nac sênğô in ndê yom dinan, dec gêli nac si nalôm sa nandô. Ma sêsôm, “Am bu êmdôhôn yac, a? Sac gêm am ahuc tên ndoc dinam kôc am!” Goc sêti in sa awê gi.

Lau nan sêkên whiñ Yisu dom, nan sêtôm lau tapec

³⁵ Tên ndoc Yisu ngô nawae bu lau Palêsai sêti ngac dau su, nan in kêsâlê in e tap in sa, ma ndac in, “Am kên whiñ Namalac ndê Atu, me mba?” ³⁶ Ma in ô yom ma sôm, “O natau! Namalac ndê Atu in asa? Sôm tên aö, goc aö wakên whiñ in.” ³⁷ Goc Yisu sôm, “Am gêlic in su. Aö ngac dau dec, nan gasôm yom tên am.” ³⁸ Ma in sôm, “Pômdau, aö gakên whiñ am.” Goc in pôn haduc tên Yisu. ³⁹ Ma Yisu sôm, “Aö gasip nom gameñ ma lau oc sêtap matôc sa tu aö-nga. Lau tapec oc sêti lau tandô nayham, ma lau nan gauc gêm bu nac lau tandô nayham, nan oc sêtôm lau tapec.” ⁴⁰ Lau Palêsai natô sêmbo sêwhiñ, ma sênğô Yisu ndê yom dinan ma sêndac, “Bocke? Am sôm bu yac tanpec

awhiŋ, a?” ⁴¹ Ma iŋ sôm, “Mac bu lau tampec, dec mac nem giso mba. Mac asôm bu mac lau tanôm ŋayham, magoc mac akêŋ whiŋ aö dom. Tu dinaŋ-ŋga dec mac nem giso gacgeŋ yêc mac-ŋga.”

10

Yom gôliŋ pi ŋgac yob domba-ŋga

¹ Ma Yisu sôm, “Yom ŋandô aö wasôm têŋ mac, bu ŋgac naŋ sôc domba si tunlôm yêc gatam dom, magoc kêgili tun bambaliŋ bu sôc ndi, naŋ ŋgac kaŋ-nda. ² Magoc ŋgac naŋ sôc domba si tunlôm yêc gatam solop, naŋ ŋgac yob domba-ŋga ŋandô. ³ Ŋgac naŋ yob gatam oc lêc gatam su têŋ iŋ, ma domba sêŋyalê iŋ awha. Iŋ oc ta domba tigeŋ-tigeŋ si ŋaê, ma wê ŋac sêsa sêndi. ⁴ Têŋ ndoc iŋ kôc iŋ ndê domba hoŋ sêsa si, naŋ iŋ kêsêlêŋ muŋ ma ŋac sêŋkuc iŋ, bu ŋac sêŋyalê iŋ awha. ⁵ Tigeŋ ŋac oc sêŋkuc ŋgac apa daŋ dom. Mba! Ŋac oc sêlhö bambaliŋ yêc iŋ, bu sêŋyalê iŋ awha dom!” ⁶ Yisu sôm yom gôliŋ dinaŋ, magoc ŋac sêŋyalê iŋ ndê yom ŋahu dom.

Yisu iŋ gatam domba-ŋga

⁷ Bocdinaŋ Yisu sôm tiyham, “Yom ŋandô aö wasôm têŋ mac! Aö gatôm gatam tu domba sêsôc si tunlôm sêndi-ŋga. ⁸ Kêdôhônwaga tasan hoŋ naŋ sêhóc asê sêmuŋ aö, naŋ lau kaŋ. Magoc domba sêkêŋ danŋa ŋac dom. ⁹ Aö gatam, ma domba naŋ sêsôc yêc aö, naŋ oc sêtap Anötö ndê mwasiŋ nem ŋac si-ŋga sa. Ŋac oc sêsôc sêsa, ma sêtap gêŋ sêneŋ-ŋga ŋayham sa. ¹⁰ Ŋgac kaŋ meŋ bu nem kaŋ ti ndic ndu ma

senj popoc. Inj ndê gwelenj dau dinanj. Tigenj aö gamenj bu wamasanj lênj bu lau sêtap Anötö ndê mwasiñj sêndöc tali-nga sa, ma mwasiñj dau oc êñsalê ñac ahuc.”

Yisu inj Nadau yob domba-nga ñayham

¹¹ “Aö ñgac wayob domba-nga ñayham. Ngac yob domba-nga ñayham oc kêñj dau sambuc e nditôm inj mbac ndu bu nem inj ndê domba sa.

¹² Magoc ñgac nanj yob domba tu tap ñaôli sa-nga, nanj gitôm ñgac nanj yob dau ndê domba, nanj dom. Inj bu lic giam sac danj menj, dec inj oc hu domba siñj ma lhö ndi. Goc giam sac oc senj domba ma sêlhö bambalinj. ¹³ Ngac dinanj oc lhö ndi, bu inj gêm gwelenj tu awa-nga ñambwa, ma hêgo dau tu domba-nga dom.

¹⁴⁻¹⁵ “Aö ñgac wayob domba-nga ñayham. Gitôm Damanj kêyalê aö, ma aö kayalê Damanj, bocdinaanj aö kayalê anenj domba, ma anenj domba sêñyalê aö. Ma wakêñj daun sambuc e nditôm wambac ndu bu wanem ñac sa. ¹⁶ Ma anenj domba ñatô sêmbo, nanj sêmbo sêwhinj domba tonj dindéc dom. Aö wandic ñac sa sêmenj sêmbo sêwhinj domba dindéc, ma ñac oc sêti tonj tigenj. Ñac si ñadau tigenj aö dec wayob ñac, ma ñac honj oc sêkêñj danja aö awhanj.

¹⁷ “Damanj tac whinj aö, bu aö wakêñj daun gacgenj wambac ndu, ma tinambu aö watisa tiyham. ¹⁸ Ñamalac danj oc kôc tanji ñahu su yêc aö dom. Aö daunj oc wahu tanji ñahu siñj tôm aö daunj atac whinj. Anötö kêñj ñaclai têtj aö bu aö daunj wahu siñj, ma bu aö daunj wakôc sa tiyham. Damanj gic atu yom dau dinanj.”

19 Lau bata Israel-nga sêngô yom dinan ma sêwhê dau kôc ti sêsenj dandi tiyham. 20 Lau daêsam sêsôm, “Nalau sac dan mbo inj ndê ñalôm ma kôm inj ndê gauc timboloc. Anğô inj ndê yom dom!” 21 Magoc lau ñatô sêsôm, “Ngac ti ñalau sac oc sôm yom kainj dinan dom. Ma ñalau sac oc kôm ngac tapec tandô po asê dom!”

Lau bata Israel-nga sêtiñ Yisu su

22 Têñ ndoc uhô-nga, lau Israel-nga si †Mwasinj Sic Gawi Lôm-nga hóc asê Jerusalem. 23 Yisu kêsêlêñ mbo lôm dabuj ñabatêmdö, mbo gameñ nanj sêsam bu Solomon ndê Batêm. 24 Ma lau bata Israel-nga sêkac sa sêngihi inj ahuc, ma sêsôm, “Ñasawa baliñ lec yac atac lu-lu tu an-nga. Bocdinañ dec sôm yom yêc awê têñ yac. Am Mesaya dau, me mba?” 25 Ma Yisu sôm, “Aö gasôm têñ mac su, magoc mac akêñ whiñ aö dom. Ma aö gakôm gêñ dalô gam Damañ anğô. Gêñ dau puñ yom ñandô pi aö dôn, ma whê aneñ ñahu sa tiawê. 26 Magoc mac akêñ whiñ aö dom, ñahu bu mac ati aö neñ domba dom. 27 Aneñ domba sêkêñ danğa aö awħan. Aö kayalê ñac, ma ñac sêñkuc aö. 28 Aö oc wakêñ ñac sêndöc tali ñapanj ma oc tôm dom bu ñac sêniñga têñ têm ñambu-nga dom. Ma lau danj sêtôm dom bu sêñgaho ñac su yêc aö amanj. 29 Damañ kên aneñ domba têñ aö, ma gêñ danj hóc gêlêc inj su dom. Bocdinañ lau danj sêtôm dom bu sêñgaho ñac su yêc Damañ amba. 30 Alu Damañ ati gêñ tigeñ.”

31 Têñ dinan lau bata sêkôc hoc sa tiyham bu sêtuc inj. 32 Magoc inj sôm têñ ñac, “Mac bu atuc

aö ña hoc tu gêñ dalô bocke-ña? Bu aö gatôc gêñ ñayham ðaêsam têt mac, tôm ñañ Damañ kêt têt aö.” ³³ Ma ñac sêô yom ma sêsôm, “Yac bu atuc am tu gêñ ðañ ñañ am kôm-ña dom. Mba! Am ñamalac ðañ, magoc toc ðaôm sa bu nditôm Anötö ðau. Am nem yom ðinañ sac sambuc, ma tu ðinañ-ña yac bu atuc am ña hoc.”

³⁴ Goc Yisu ô yom ma sôm, “Mac aňyalê yom ñañ Anötö ðau sôm pi lau bata Israel-ña ñatô, ñañ sêto yêc mac nem Buku Yomsu-ña* bocdec bu, ‘Aö gasam mac bu anötöi.’ ³⁵ Aňgô su ñañ! Anötö kêt in ñê yom têt lau nom-ña ðinañ, ma sam ñac bu anötöi. Ma gitôm dom bu ðaseñ Anötö ñê yom ðañ su. ³⁶ Ma aö bocke? Damañ ðau kêyalin aö sa ma kêkin aö gasip nom gameñ. Bocðinañ tu sake-ña mac asôm bu aneñ yom sac sambuc, têt ndoc aö gasôm bu aö Anötö ñê Atu? ³⁷ Aö bu wakôm Damañ ñê gwelen ñañ kêt sip aö aman, ñañ dom, ñañ akêt whin aö dom. ³⁸ Tigeñ aö gakôm Damañ ñê gwelen, ma bocðinañ dec mac bu akêt whin aneñ yom dom, tigeñ akêt whin tu gêñ ñañ aö gakôm-ña. Ma bocðinañ mac oc aňyalê pi ñandô bu Damañ mbo aö ñalôm, ma aö gambo in ñalôm.”

³⁹ Têt ðinañ sêñsahê tiyham bu sêkôc in ðôn, magoc ñac gitôm dom, ma in kölhö gi. ⁴⁰ Ma in pi Bu Jordan ñaðaňga gi, ma mbo gameñ ñañ muñ-

* **10:34** Yom ðau yêc Buku Wê-ña 82:6 (alic footnote yêc Jon 15:25). Anötö ðau kêt ñaclai têt kin ti gôlinwaga bu sênem gôlin sêmbô nom, ma bocðinañ in sam ñac bu anötöi. Ma têt ñatô in sam ñac bu Anötö atui - alic BW 2:7 ma 82:6.

nga Jon kêku lau mbo. ⁴¹ Lau daêsam sêsa sêtên inj si, ma sêsôm têtj dau, “Jon kôm gêñ dalô dan dom. Magoc yom honj nanj inj sôm pi ngac dindec, nanj yom ñandô.” ⁴² Ma lau daêsam sêkêñ whinj Yisu yêc gameñ dinanj.

11

Lasarus mbac ndu

¹⁻² Ngac danj ñaê Lasarus mbo malac Betani. Ma inj ndê lhuwê lu sêmbo, danj ndê ñaê Mata, ma danj ñaê Maria, awhê nanj tiñambu tac bu ñamalu ñayham pi Pômdau gahi, ma puñ ña inj kêclauñ. Têtj bêc danj Lasarus gêm bac. ³ Goc Maria lu Mata sêkêñ yom têtj Yisu bocdec bu, “Pômdau, ngac nanj am atac whinj dec gêm bac.” ⁴ Yisu ngô yom dau ma sôm, “Inj gêm bac tu bu mbac ndu ñambwa-nga dom. Inj gêm bac bu tôc Anötö ndê ñaclai ti waê asê, ma bu Anötö ndê Atu tap waê sa whinj.”

⁵ Yisu tac whinj Maria lu Mata ma Lasarus. ⁶ Tigenj têtj ndoc inj ngô ñawaê bu Lasarus gêm bac, nanj inj têtj inj gi ñagahô dom. Inj gacgenj mbo gameñ dinanj gitôm bêc lu. ⁷ Goc inj sôm têtj inj ndê ngacsêñomi, “Dalhō dambu datênj gameñ Judia-nga dandi.” ⁸ Magoc ñac sêsôm, “Kêdôhônwaga, mba! Ñasawa apê lec lau bata Israel-nga nanj sêmbo dindê, nanj tac whinj bu sêtuc am ña hoc. Bocke dec am bu mbu ndi tiyham?” ⁹ Ma Yisu ô yom ña yom gôlinj danj, ma sôm, “Têtj bêc honj ac pô gameñ gitôm acgatu ñasawa 12, ma tiñambu ñasec sa. Ñamalac danj bu êñsêlênj têtj ndoc ac-nga, dec inj oc tiñ gahi

dom, bu inġ gêlic nġawê nom dindec-nġa. ¹⁰ Magoc inġ bu ênġsêlêġ têtġ ôbwêc, dec inġ oc tinġ gahi, bu inġ ndê nġawê mba.” ¹¹ Goc Yisu gic têtġu yom ma sôm, “Yac neġ silip Lasarus yêc bêc. Aô watêġ inġ wandi bu wauġ inġ sa.” ¹² Ma nġacsêġnômi sêsôm, “Pômġdau, inġ bu yêc bêc yêc, dec inġ dau oc nġayham sa.” ¹³ Nac gauc gêm bu Yisu sôm bu Lasarus mbo tali ma yêc bêc, magoc inġ ndê yom dau nġahu bu Lasarus mbac ndu su. ¹⁴ Goc Yisu sôm yom yêc awê têtġ nġac bu, “Lasarus mbac ndu. ¹⁵ Tu mac-nġa dec aô atac nġayham bu aô gambo g awġinġ inġ dom, bu kwahic dec mac oc akêġ whinġ tu gêtġ naġ aô bu wakôm-nġa. Bocġinaġ yac datêġ inġ dandi.” ¹⁶ Ma Tomas, nġacsêġnom naġ sêsam bu Lômġpôn, naġ sôm têtġ nġacsêġnômi nġatô, “Ayôc! Dawġinġ inġ dandi, ma dambac ndu dawġinġ inġ.”

Yisu inġ yac neġ datisa ti dambo tanġli nġahu

¹⁷ Yisu hôc asê gamenġ Judia-nġa ma tap sa bu sêkêġ Lasarus ndê nġamlanġ yêc hocsuġ danġ gitôm bêc hale su. ¹⁸ Malac Betani yêc suġ sa têtġ Jerusalem, seġ nġasawa gitôm kilometa tô. ¹⁹ Ma lau Israel-nġa daêsam sêsa akêġ Jerusalem sêmenġ, ma sêndôc sêwhinġ Mata lu Maria, bu sênem malô inġlu tu lġunġac hu inġlu sinġ-nġa. ²⁰ Mata nġô bu Yisu kêsêlêġ menġ, goc sa gi bu lic inġ, magoc Maria ndôc andu. ²¹ Têtġ ndoc Mata hôc asê Yisu, naġ inġ sôm têtġ inġ, “O Pômġdau, am bu mbo, dec aô lġunġac oc mbac ndu dom. ²² Magoc kwahic dec am mwenġ hôc asê su, ma aô kayalê bu gêtġ bocke naġ am bu ndac têtġ Anôtô, naġ inġ oc kôm.” ²³ Ma Yisu sôm, “Am

lhômngac oc tisa ma mbo tali tiyham.” ²⁴ Dec Mata ô yom ma sôm, “Aêc! Aö kayalê bu in oc tisa têtj bêc nambu-nga nan lau batê honj oc sêtisa.” ²⁵ Goc Yisu sôm, “Namalac si sêtisa ma sêmbo tali nahu, nan aö dauj. Asa nan kêtj whinj aö ma mbac ndu su, nan oc mbo tali tiyham. ²⁶ Ma asa nan mbo tali ma kêtj whinj aö, nan oc ninja têtj têtj nambu-nga dom, in oc gacgej mbo tali. Am kêtj whinj yom dindec, me mba?” ²⁷ Ma Mata sôm, “Aêc Pômdau! Aö gakêtj whinj bu am Mesaya, ma Anötö ndê Atu nan in gic bata bu ênkinj sip nom mej.”

²⁸ Mata sôm yom dinaj su, goc mbu gi ma ta Maria têtj in mej. Ma in sôm têtj in, “Kêdôhônwaga mej su, ma in ndac am.” ²⁹ Maria ngô su, goc tisa ngagahô bu sa têtj Yisu ndi. ³⁰ Têtj ndoc dinaj Yisu hôc asê Betani su dom, in gacgej mbo gamej nan Mata hôc pi in. ³¹ Lau Israel-nga nan sêmbo andu sêwhinj Maria tu bu sênem malô in, nan sêlic in tisa ngagahô ma kölhö gi. Nac gauc gêm bu in oc têtj sêhôn di bu tanj lhungac mbo dindê, ma bocdinaj sêsa si ma sênkuc in.

³² Têtj ndoc Maria hôc asê gamej nan Yisu mbo ma gêlic in, nan in hu dau sip nom yêc in gahin-nga, ma sôm, “O Pômdau, am bu mbo, dec aö lhungac oc mbac ndu dom.” ³³ Yisu gêlic Maria tanj, ma gêlic lau Israel-nga nan sêwhinj in, nan sêtanj bocdinaj, dec kêsahê nawapac atu yêc ndê nalôm. ³⁴ Ma in ndac, “Mac anjuhuj in yêc nde?” Ma sêsôm, “Mwej Pômdau, ma lic.” ³⁵ Têtj dinaj Yisu tasulu sa. ³⁶ Ma lau Israel-nga dinaj

sêsôm, “Alic, in̄ atac whin̄ Lasarus ndu andô.”
³⁷ Magoc n̄atô sêsôm, “In̄ kôm ngac tapec tandô po asê. Bocke dec in̄ kôm Lasarus n̄ayham sa dom, ma in̄ mbac ndu?”

Yisu un̄ Lasarus sa

³⁸ Têḅ dinaḅ Yisu ndê ḅalôm ḅawapac atu tiyham, ma in̄ kêsêlêḅ têḅ sêhô gi. N̄ac sêkêḅ ngac batê dau ndê ḅamlan̄ yêc hocsun̄ dan̄, ma sêm̄pi hoc dan̄ gi ndöc sê awha ahuc. ³⁹ Têḅ ndoc Yisu hôc asê, nan̄ in̄ sôm têḅ lau nan̄ sêwhin̄ in̄ bu, “Mac ampi hoc dau sa.” Magoc ngac batê ndê lhuwê Mata sôm, “Pôm̄dau! In̄ yêc gitôm bêc hale su. Oc ḅamaniḅ sa su.” ⁴⁰ Dec Yisu sôm, “Aö gasôm têḅ am su, bu kêḅ whin̄, dec am oc lic Anötö ndê ḅaclai ti ḅawasi.” ⁴¹ In̄ sôm yom dinaḅ su, goc lau sêm̄pi hoc dau sa. Ma Yisu tatak undambê ma sôm, “Daman̄, aö wanem dan̄ge am, bu am ngô aneḅ yom. ⁴² Aö kayalê bu am kêḅ dan̄am aö n̄apan̄, magoc kwahic dec aö bu wanem dan̄ge am, bu lau nan̄ sêlhac dec oc sêḅgô aneḅ yom, ma sêkêḅ whin̄ bu am kêkin̄ aö gamen̄.” ⁴³ Goc in̄ mbwêc awha atu, “Lasarus! Sa mweḅ!” ⁴⁴ Dec Lasarus sa meḅ, ma po nan̄ sêm̄pan̄ in̄ gahi ti amba, ma po dan̄ nan̄ sêhi pi in̄ ḅagôlôn̄, nan̄ gacgeḅ sêyêc in̄. Ma Yisu sôm têḅ ḅac, “Akôc po su yêc in̄, ma akêḅ in̄ lhö ndi.”

Lau bata sêkic yom bu sêndic Yisu ndu

⁴⁵ Tu gêḅ atu dinaḅ-ḅga dec lau Israel-ḅga daêsam nan̄ sêm̄bo sêwhin̄ Maria ma sêlic gêḅ nan̄ Yisu kôm, nan̄ sêkêḅ whin̄ in̄. ⁴⁶ Magoc n̄atô sêtêḅ lau Palêsai si, ma sic min̄ pi gêḅ

nañ Yisu kôm. ⁴⁷ Goc dabuñsiga atu-tu ti lau Palêσαι sêmbwêc lau †Sanedrin-nga sêpitigen, ma sêndac ñac, “Yac oc dakôm gêñ sake? Ngac dinañ kôm gêñ dalô daêsam. ⁴⁸ Yac bu dalhac in ahuc dom, dec lau hoñ oc sêkêñ whin bu in Mesaya dau. Ma lau Rom-nga oc sêmeñ ma sêseñ yac neñ gameñ danem akin Anötö-nga ti yac lau Israel-nga hoñ su.”

⁴⁹ Têñ yala dinañ Kayapas in †dabuñsiga ñamata-nga. Ma in sôm têñ lau Sanedrin-nga, “Mac nem gauc sa dom! ⁵⁰ In mbac ndu mañ! Yham dom bu lau Israel-nga hoñ sêninga. Ngac tigen bu mbac ndu ô lau hoñ, nañ oc ñayham hóc gêlêc su.” ⁵¹ Kayapas sôm yom dinañ ña in dau ndê gauc dom. Magoc têñ yala dinañ in dabuñsiga ñamata-nga, dec in sôm yom dau gitôm propet dañ. Ma yom dau ñahu bocdec bu. Yisu oc mbac ndu tu lau Israel-nga hoñ. ⁵² Ma tu ñac tawasê-nga dom. In oc mbac ndu tu Anötö ndê lau hoñ nañ sêmbo gameñ nom-nga tidau-tidau, tu bu ndic ñac hoñ sa sêpitigen.

⁵³ Bocdinañ têñ bêc dinañ lau bata Israel-nga dinañ sic hu sêñsalê lêñ bu sêndic Yisu ndu. ⁵⁴ Ma tu dinañ-nga Yisu kêsêlêñ mbo awê yêc lau Israel-nga ñalôm dom. In kôlhö gi mbo malac Eprayim, nañ yêc gameñ sawa ñamakê. Ma in ndê ñgacsêñomi sêmbo gameñ dinañ sêwhin in.

⁵⁵ Têñ ndoc lau Israel si om atu Mwasin Pasowa-nga meñ kêpin, n añ lau daêsam yêc gameñ ñamakê-nga sêpi Jerusalem si. Ñac bu sêñkuc lau Israel si lêñ sêmasañ dau ñawasi sa yêc Anötö añgô-nga muñ su nañ goc Pasowa

ɲabêc hôc asê. ⁵⁶ Ma ɲac sêɲsalê Yisu ɲapaɲ. Têɲ ndoc sêkac sa sêmbo lôm dabuɲ, naɲ sêndac dandi, “Mac gauc gêm bocke? In ɔc meɲ tu Mwasiɲ Pasowa-ɲga, me mba?” ⁵⁷ Tigeɲ dabuɲsiga atu-tu ti lau Palêsai sic atu lau bu asa bu tap gameɲ naɲ Yisu mbo, naɲ sa, naɲ kêɲ ɲawaê têɲ ɲac, ma ɲac ɔc sêkôc in dôɲ.

12

Maria gêm oso Yisu

(Mat 26:6-13; Mak 14:3-9; Luk 7:37-38)

¹ Bêc 6 yêc dôɲ yêc bu Mwasiɲ Pasowa-ɲga hôc asê, ma Yisu têɲ malac Betani gi. Lasarus, ɲgac naɲ in uɲ sa akêɲ lau batê-ɲga, naɲ mbo malac dinaɲ. ² Ma yêc Lasarus ndê andu, ɲac sêndê mwasiɲ tu Yisu-ɲga. Lasarus ti lau ɲatô seɲ gêɲ sêndôc sêwhiɲ in, ma Mata gêm akiɲ ɲac mbo. ³ Goc Maria meɲ, kôc a ɲakwi ɲamalu ɲayham naɲ ɲaôli atu sip kac daɲ, ma kêc pi Yisu gahi. Goc in puɲ in gahi ɲa in dau kêclaun. Ma gêɲ dau ɲamalu hôɲ dau sa ma gêm andu ɲalôm ahuc.

⁴ Têɲ dinaɲ Judas Iskeriot, ɲgacsêɲom naɲ tiɲambu hoc Yisu asê, naɲ sôm, ⁵ “Bu ɲamalu ɲayham dindec ɲaôli atu, gitôm denarii 300 naɲ dakôc ti ɲaôli tu gwelen yala sambuc-ɲga. Tu sake-ɲga awê dec kêyaiɲ? Gitôm bu dakêɲ têɲ lau sênemlhi, ma dakêɲ ɲa-awa tu danem lau ɲalôm sawa sa-ɲga.” ⁶ Judas sôm yom dinaɲ, magoc in gauc gêm lau ɲalôm sawa dom. In sôm yom dinaɲ ɲahu bu in ɲgac kaɲ-nda. In yob ɲgac-sêɲomi si talhi mone-ɲga, ma gêm kaɲ

mone ñatô bu nem dau sa. ⁷ Magoc Yisu ô in ndê yom ma sôm, “Mac alhac awhê dindec ahuc dom. In yob gêñ dau ñapañ e kwahic dec, gic waê bêc sêñsuhun aö-nga. ⁸ Lau ñalôm sawa oc sêmbo sêwhin mac ñapañ. Tigen aö oc wambo wawhin mac ñapañ dom.”

Lau dabuñsiga sêkic yom pi Lasarus

⁹ Têñ ndoc dinañ lau Jerusalem-nga daêsam sêngô ñawaê bu Yisu mbo malac Betani, dec sêsa si bu sêlic in. Ma ñac bu sêlic Lasarus, ñgac nañ Yisu un sa yêc lau batê-nga, nañ whin. ¹⁰ Tu dinañ-nga dabuñsiga atu-tu Israel-nga sêkic yom bu sêndic Lasarus ndu whin. ¹¹ Ñahu bu lau Israel-nga daêsam sêhu ñac sin ma sêkêñ whin Yisu tu Lasarus-nga.

Yisu sôc malac Jerusalem gi

(Mat 21:4-9; Mak 11:7-10; Luk 19:35-38)

¹² Têñ ñagalañsê lau daêsam nañ sêmbo Jerusalem tu Mwasin Pasowa-nga sêngô ñawaê bu Yisu kêsêlêñ mbo señ bu têtñ Jerusalem meñ. ¹³ Bocdinañ ñac sêsa si bu sêkôc in sa. Sêhóc tômtôm ñalauñ ma sêmbwêc, “Hosana! Tampin in nañ meñ gêm Pômdau añgô. Tampin lau Israel-nga si Kin.” ¹⁴ Yisu kêsêlêñ meñ ndöc donki ñatu dan ñahô, ma ñalêñ dinañ propet akwa dan ndê yom ñandô sa. Yom dau yêc bocdec bu:

¹⁵ O mac lau †Sayon-nga, atöc daôm dom. Alic mac nem Kin têtñ mac meñ, ndöc donki ñatu ñahô. *[Sek 9:9]*

¹⁶ Yisu ndê ñgacsêñomi sêlic gêñ hon dinañ, magoc ñac sêñyalê ñahu dom. Tigen tinambu,

têḅ ndoc Yisu tisa ti ḅawasi atu, naḅ sêḅyalê bu yom dau, naḅ sêto muḅ su, naḅ hêganôḅ Yisu, ma tu dinaḅ-ḅga lau sêkôm gêḅ dinaḅ têḅ iḅ.

¹⁷ L au daêsam naḅ sêmbo sêwhiḅ Yisu têḅ ndoc iḅ mbwêc Lasarus ma uḅ iḅ sa akêḅ lau batê-ḅga, naḅ sic miḅ pi iḅ ḅapaḅ. ¹⁸ Bocdinaḅ lau daêsam sêḅgô ḅawaê bu Yisu kôm gêḅ dalô atu dinaḅ, ma sêsa si bu sêlic iḅ têḅ bêc dinaḅ. ¹⁹ Ma têḅ têm lau Palêsai sêlic gêḅ dau, naḅ sêsôm têḅ dandi, “Alic, yac neḅ yom hoḅ ḅandô mbasi. Yac oc dalhac iḅ ahuc ḅalêḅ bocke? Lau hoḅ oc sêḅkuc iḅ!”

Yisu sôm gwananḅ bu iḅ oc mbac ndu

²⁰ Lau Grik ḅatô sêmbo sêwhiḅ lau naḅ sêpi malac Jerusalem tu sênem akiḅ Anötö-ḅga têḅ om atu Pasowa-ḅga. ²¹ Lau Grik dinaḅ sêtêḅ Pilip, ḅgacsêḅom naḅ meḅ akêḅ malac Betsaida yêc gameḅ Galili-ḅga, ma sêsôm têḅ iḅ bu, “O ḅgac atu, yac bu alic Yisu.” ²² Dec Pilip gi sôm yom dau têḅ Andru, ma iḅlu si sêsôm têḅ Yisu. ²³ Yisu ḅgô yom dau goc sôm yom gôliḅ daḅ bocdec bu, “Ndoc meḅ sa bu ḅamalac ndê Atu tap iḅ ndê waê atu sa. ²⁴ Aô wasôm yomandô têḅ mac. Gêḅ ḅawhê daḅ bu sêsô sip nom ndi dom, dec gêḅ tigeḅ dau oc gacgeḅ yêc. Magoc gêḅ dau bu dasô sip nom ḅalôm ndi, dec oc tibalê ma niḅga, magoc tiḅambu oc po pi meḅ ma nem ḅandô daêsam tiyham. ²⁵ Asa naḅ tac whiḅ bu sap gêḅ nom-ḅga dôḅ ḅapaḅ tu mbo tali-ḅga, naḅ oc niḅga. Magoc asa naḅ bu hu gêḅ nom dindec-ḅga siḅ tu êḅkuc aô-ḅga, naḅ tap seḅ ndöc tali têḅ têm ḅambu-ḅga-ḅga sa. ²⁶ Asa naḅ

gauc gêm bu nem akiñ aö, nañ meñ êñkuc aö. Ma gameñ nañ aö oc wambo, nañ inñ nañ gêm akiñ aö, nañ oc mbo bocdinañ. Lau hoñ nañ sem akiñ aö, nañ Damañ oc toc ñac sa.

²⁷ “Kwahic dec aö neñ ñalôm kedehe aö ñandô. Tigeñ aö wandac Damañ bu êñgaho aö su yêc ndoc ñawapac-ñga dindec dom. Mba! Tu gêñ dau dindec-ñga dec aö gameñ. ²⁸ Damañ, aö wasa lêñ dindec tu bu wapo nem waêm sa.”

Yisu sôm yom dinañ, ma awha dañ sa akêñ undambê bocdec bu, “Aö gatap waêñ sa tu am-ñga su, ma watap sa tiyham.” ²⁹ Lau daêsam nañ sêmbo gameñ dinañ sêñgô ñakêcsia dau, ma ñatô sêsôm bu wapap gic. Ma ñatô sêsôm bu añela dañ sôm yom têtñ Yisu. ³⁰ Magoc Yisu sôm, “Awha dinañ sa tu aö-ñga dom, magoc sa tu mac-ñga. ³¹ Kwahic dec ti ndoc Anötö êmatôc lau nom dindec-ñga. Ma inñ oc êmasuc nom dindec ñadau su.* ³² Magoc têtñ ndoc sêndic aö pi a ma sêsunñ aö sa yêc nom, nañ aö oc wahê ñamalac akêñ gameñ hoñ sêtêtñ aö sêmeñ.” ³³ Yisu sôm yom dinañ bu tôc ñalêñ nañ inñ oc mbac ndu, nañ asê.

* **12:31** Yisu sôm bu Anötö oc êmasuc nom dindec ñadau su. Têtñ ndoc Yisu mbac ndu ma tisa tiyham, inñ ku Sadañ ndê ñaclai dulu-alic Jon 16:33; Kol 2:15; Hib 2:15; ma 1 Jon 3:8. Yisu ku inñ dulu su yomandô, magoc Anötö kêtñ ñasawa têtñ Sadañ ma inñ kôm inñ ndê gwelenñ yêc nom - alic Epe 2:2; 2 Kor 4:4; ma 1 Jon 5:19. Bocdinañ lau nañ sêkêñ whiñ sic waê bu sêlhac ñaŋga ma sêndic siñ têtñ Sadañ, (Jon 17:15; Epe 6:10-18) ma Anötö kêtñ ñaclai têtñ ñac bu sêku inñ dulu (Rom 16:20). Têtñ bêc ñambu-ñga, Anötö oc señ Sadañ ti inñ ndê añela ti lau sac su ma inñ ndê ñaclai oc pacndê sambuc (Rev 20:2-3, 10).

³⁴ Ma lau dinaŋ sêo iŋ awha ma sêsôm, “Sêto yom yêc buku yomsu-ŋga, naŋ sôm bu Mesaya oc mbo ŋapaŋ. Ma bocke dec am sôm bu ŋac oc sêsunŋ Ŋamalac ndê Atu sa? Ŋamalac ndê Atu dau iŋ asa?” ³⁵ Goc Yisu sôm, “Ya ŋawê oc mbo whiŋ mac ŋasawa saunŋ, ma boc-dinaŋ aŋsêlêŋ ambo ŋawê dau ŋalôm, bu ŋasec nem mac ahuc dom. Lau naŋ sêŋsêlêŋ sêmbo ŋasec ŋalôm, naŋ sem gauc gameŋ naŋ oc sêndi naŋ. ³⁶ Akêŋ whiŋ Ŋawê dau naŋ kwahic dec mbo whiŋ mac, ma mac oc ati lau ŋawê-ŋga.” Yisu sôm yom dau su, goc hu ŋac siŋ, ma siŋ dau têŋ ŋac.

Lau daêsam sêkêŋ whiŋ Yisu dom

³⁷ Yisu kôm gêŋ dalô daêsam yêc lau Israel aŋgô-ŋga, magoc daêsam sêkêŋ whiŋ dom bu iŋ Mesaya dau. ³⁸ Ma bocdinaŋ yom naŋ propet Aisaya to muŋ su, naŋ ŋandô sa. Yom dau yêc bocdec:

Pômdau, ŋac si asa kêŋ whiŋ yom naŋ yac ahoc asê?

Ma ŋac si asa ndê gauc sa pi am nem ŋaclai atu, naŋ am tôc tiawê? *[Ais 53:1]*

³⁹ Bocdinaŋ Anötö ndê propet Aisaya tôc asê gwananŋ bu lau dinaŋ sêtôm dom bu sêkêŋ whiŋ. Ma iŋ to yom daŋ tiyham bocdec bu:

⁴⁰ Pômdau kôm ŋac si tandô tipec, ma ŋac si ŋalôm ŋadandi. Bocdinaŋ gitôm dom bu sêlic ŋa tandô, ma sêŋyalê yêc ŋac si ŋalôm. Ma gitôm dom bu ŋac sênem dau kwi, ma wakôm ŋac ŋayham sa tiyham. *[Ais 6:10]*

⁴¹ Aisaya to yom dau, ŋahu bu iŋ gêlic Yisu ndê ŋawasi su, ma bocdinaŋ dec sôm yom asê pi iŋ.

⁴² Yom dau yêc bocdinaŋ, magoc lau Israel-ŋga daêsam sêkêŋ whiŋ Yisu, ma ŋac si lau bata ŋatô sêwhiŋ. Tigen ŋac sêtôc si sêkêŋ whiŋ iŋ tiawê dom, ŋahu bu ŋac sêtôc bu lau Palêsai oc sêtiŋ ŋac su yêc gôlôwac Israel-ŋga. ⁴³ Ŋac atac whiŋ bu ŋamalac sêlic ŋac ŋayham ma sêkenŋ waê têŋ ŋac, hôc gêlêc bu sêtap waê sa yêc Anötö.

⁴⁴ Ma Yisu sôm yom awha atu, “Asa naŋ kêŋ whiŋ aö, naŋ kêŋ whiŋ aö taŋwasêŋ dom. Iŋ kêŋ whiŋ iŋ naŋ kêkiŋ aö gameŋ, naŋ whiŋ. ⁴⁵ Ma asa naŋ gêlic aö, naŋ gêlic iŋ naŋ kêkiŋ aö gameŋ, naŋ bocdinaŋ. ⁴⁶ Aö gahôc asê nom gitôm ya ŋawê, bu lau hoŋ naŋ sêkêŋ whiŋ aö, naŋ oc sêmbo ŋasec dom. ⁴⁷ Asa naŋ ŋgô aneŋ yom magoc daŋga wambu dom, naŋ aö dauŋ oc wamatôc iŋ dom. Bu aö gameŋ bu wamatôc lau nom-ŋga dom, magoc bu wanem ŋac si. ⁴⁸ Lau hoŋ naŋ sêkôc aö ti aneŋ yom sa dom, naŋ oc sêtap matôc sa têŋ bêc ŋambu-ŋga. Ma ŋac si matôc ŋahu sip ŋac sêkôc aneŋ yom sa dom. ⁴⁹ Bu aö gasôm dauŋ neŋ yom dom. Damaŋ naŋ kêkiŋ aö gameŋ, naŋ gic atu yom hoŋ tu wasôm asê-ŋga. ⁵⁰ Ma aö kayalê bu yom naŋ iŋ gic atu, naŋ ti ŋamalac si seŋ sêndöc tali ŋapaŋ-ŋga. Bocdinaŋ aŋyalê bu yom hoŋ naŋ aö gasôm, naŋ kêkuc yom naŋ Damaŋ dau kêŋ têŋ aö.”

13

Yisu kêgwasiŋ ŋgacsêŋomi gahi

¹ Lau Israel-ŋga si om atu mwasiŋ Pasowa-ŋga meŋ kêpiŋ, ma Yisu kêyalê bu ndoc meŋ hôc asê su, bu iŋ hu nom dindec siŋ ma mbu têŋ Damba

ndi. Inj atac whinj inj dau ndê lau nanj sêmbô nom, ma inj bu tôc asê tiawê, ñalêñ nanj inj atac whinj ñac ndu andô. ² Inj ti ndê ñgacsêñomi sêndöc sêwhinj dau bu sêneñ gêñ, ma Judas Iskeriot, Saimon ndê atungac, mbo whinj ñac. Sadañ sip inj ndê ñalôm muñ su, ma kêñ gauc têtñ inj bu hoc Yisu asê. ³ Yisu kêyalê bu Damba kêñ gêñ honj sip inj amba, ma bu inj meñ akêñ Anötö, ma oc mbu têtñ inj ndi. ⁴ Bocdinañ inj tisa yêc tebo, kac inj ndê ñakwê awê-ñga su, ma kic po dapuñ dauñ-ñga danj pi inj ñampê. ⁵ Goc inj tac bu sip suc danj, ma gic hu kêgwasiñ ñgacsêñomi gahi, ma puñ ña po nanj inj kic pi ñampêbalê. ⁶ Inj têtñ Saimon Pita meñ, ma Pita ndac, “Pômdau, am bu êmgwasiñ aö gahinj whinj, a?” ⁷ Ma Yisu ô yom ma sôm, “Kwahic dec am nem gauc sa dom pi gêñ nanj aö gakôm gambo, tigenj tinjambu am oc êmyalê.” ⁸ Magoc Pita sôm, “Mba! Am êmgwasiñ aö gahinj dom andô!” Ma Yisu ô yom ma sôm, “Aö bu wanğwasiñ am dom, dec am oc ti aneñ danj dom.” ⁹ Dec Pita sôm, “Bocdinañ Pômdau, êmgwasiñ aö gahinj ñambwa dom, magoc amanj ti ñagôlônj whinj!” ¹⁰ Magoc Yisu ô yom ma sôm, “Ñamalac nanj gêlinj bu su, nanj tinjambu êngwasiñ gahi ñambwa, dec inj ndê ñamlic sambuc ñawasi sa. Aö wasôm têtñ mac lau dinañ bu mac ñawasi sa su, magoc mac honj dom.” ¹¹ Yisu kêyalê ñgac nanj oc hoc inj asê, ma tu dinañ-ñga sôm bu ñac honj ñawasi dom.

¹² Yisu kêgwasiñ ñac honj gahi pacndê, dec sôc inj ndê ñakwê awê-ñga sa tiyham, ma mbu gi ndöc ndê mala. Ma inj ndac, “Mac anjyalê gêñ

nañ aö gakôm têt mac, nañ ñahu, me mba? ¹³ In solop bu mac asam aö bu ‘Kêdôhônwaga,’ ma ‘Pômdau,’ bu aö dauñ dindéc. ¹⁴ Ma kwahic dec aö, mac nem kêdôhônwaga ma Pômdau, kagwasin mac gahim. Ma aö wasôm têt mac, bu anğwasin nem asidôwai si gahi bocdinañ. ¹⁵ Aö gatôc ñadôn têt mac, bu mac alic ma akôm tôm aö gakôm têt mac. ¹⁶ Aö wasôm yom ñandô, bu ñgac akin dañ hóc gêlêc in ndê ñadau dom, ma ñgac aheñ-nga hóc gêlêc in nañ kêkin in, nañ dom. ¹⁷ Kwahic dec aö gawhê gêt dindéc sa ma mac anyalê, ma mac bu akôm ñandô sa, dec oc atap Anötö ndê mwasin sa.”

Yisu sôm ñgac hoc in asê-nga asê

¹⁸ Ma Yisu sôm, “Aö gasôm yom dindéc pi mac hon dom, bu aö kayalê lau nañ aö kayalin ñac sa. Tigen yom dañ nañ sêto yêc, nañ oc ñandô sa. Yom dau sêto yêc bocdec bu, ‘*Ngac nañ gêt gêt whin aö, nañ kêkin kisa aö.*’ ¹⁹ Aö gasôm yom asê gwanan pi gêt dau, bu têt têt gêt dau hóc asê, nañ mac oc akên whin bu aö Mesaya dau. ²⁰ Aö wasôm yom ñandô têt mac, bu asa nañ kôc ñamalac nañ aö kakin in, nañ sa, nañ kôc aö dauñ sa. Ma asa nañ kôc aö sa, nañ kôc in nañ kêkin aö gameñ, nañ sa.”

²¹ Yisu sôm yom dinañ su, ma in ndê ñalôm ñawapac ñandô, dec sôm, “Yomandô aö wasôm têt mac, bu ñgac dañ mbo dec, nañ oc hoc aö asê.” ²² Yisu ndê ñgacsênomi sênğô yom dinañ ma tahê dandi, bu ñac sem gauc bu ñgac nañ in sôm yom pi, in asa. ²³ Ngacsênom nañ Yisu tac whin ndu andô, nañ ndöc gi pañ Yisu. ²⁴ Dec

Saimon Pita gic amba têt in, ma sôm, “Am ndac in bu in sôm yom pi asa.” ²⁵ Goc ngacsênom dau têt sac Yisu, ma ndac, “Pômdau, asa?” ²⁶ Ma Yisu ô yom ma sôm, “Ngac nan aô wapuc bolom dindec sip sulu ma wakêt têt in.” Goc in puc bolom sip sulu ma kêt têt Judas Iskeriot, Saimon atungac. ²⁷ Judas kôc bolom dau su, ma ngahô Sadañ sip in ndê ñalôm. Ma Yisu sôm têt in, “Sa ndi, ma gêt nan am gauc gêm bu kôm, nan kôm ngahô.” ²⁸ Lau hon nan sêndôc tebo, nan sêngô yom nan Yisu sôm têt Judas, magoc sênyalê ñahu dom. ²⁹ Judas in ngac nan yob ñac si talhi mone-nga, ma bocdinañ dec ngacsênomi ñatô gauc gêm bu Yisu kêkin in sa gi bu nemlhi gêt tu Mwasin Pasowa-nga, me bu kêt gêt têt lau ñalôm sawa. ³⁰ Judas gêt bolom nan Yisu kêt têt in, ma sa awê gi. Ma gameñ ñasec sa.

Yomsu wakuc

³¹ Judas sa gi su, ma Yisu sôm, “Kwahic dec Ñamalac ndê Atu oc tap in ndê waê sa, ma in oc po Anötö ndê waê sa whin. ³² Ma Anötö oc kêt dau ndê ñawasi têt ndê Atungac bu po Atu ndê waê sa. Ma in oc po ndê waê sa ngahô eñ.

³³ “O aneñ lau hac. Aô wambo wawhin mac ñasawa sauñ eñ. Tinambu mac oc anjalê aô, tigeñ tôm aô gasôm têt lau bata Israel-nga su, dec wasôm têt mac bu gameñ nan aô bu wandi, nan mac atôm dom bu amen. ³⁴ Kwahic dec aô wakêt yomsu wakuc têt mac bocdec bu. Akêt nem atac whin lom daôm. Tôm aô atac whin mac, dec mac atac whin nem asidôwai bocdinañ.

³⁵ Ma têt ndoc lau hon sêlic mac nem mêtê atac

whiņ daôm-ņga, dec ņac oc sêņyalê pi ņandô bu aneņ ņgacsêņomi mac.”

Yisu sôm asê bu Pita oc sêc iņ ahuc

(Mat 26:31-35; Mak 14:27-31; Luk 22:31-34)

³⁶ Goc Saimon Pita ndac iņ bu, “Pômdau, am oc mbo nde?” Ma Yisu ô yom ma sôm, “Gamen ņaņ aö oc wandi, ņaņ am gitôm dom bu êmkuc aö kwahic dec. Magoc tiņambu am oc êmkuc aö mweņ.” ³⁷ Goc Pita ndac, “Pômdau, tu sake-ņga am sôm bu kwahic dec aö gatôm dom bu waņkuc am? Aö wakêņ dauņ sambuc e nditôm wambac ndu tu am-ņga.” ³⁸ Ma Yisu ô yom ma sôm, “Am gauc gêm bu am gitôm bu mbwac ndu tu aö-ņga, a? Aö wasôm yomandô têņ am, bu ôbwêc dau dindec am oc sêc aö ahuc tidim tō muņ, goc dalec oc taņ.”

14

Yisu ti seņ datêņ iņ Damba-ņga

¹ Ma Yisu sôm têņ ndê ņgacsêņomi, “Ambo ti nem ņalôm ņawapac dom. Akêņ whiņ Anötö, ma akêņ whiņ aö bocdinaņ. ² Ñalôm daêsam yêc Damaņ ndê andu. Bu mba, oc wasôm yom dindec asê têņ mac dom. Aö watêņ Damaņ ndê andu dau wandi, bu wamasañ mac nem malam. ³ Aêc, aö oc wandi, ma wamasañ nem malam, ma tiņambu aö wambu wameņ ma wakôc mac sa bu ameņ andöc gameņ dinaņ awhiņ aö. ⁴ Mac aņyalê seņ têņ gameņ ņaņ aö oc wandi.” ⁵ Magoc Tomas sôm têņ iņ, “Pômdau, yac am gauc gameņ ņaņ am oc ndi, ma bocdinaņ ņalêņ bocke dec yac oc aņyalê seņ bu atêņ gameņ dau andi?” ⁶ Ma

Yisu sôm, “Aö daun gati sen, ma yom nandô ti mac andöc tamli nahu yêc aö. Aö tanwasên gati sen bu namalac sêtên Daman sêndi, ma sen dan yêc dom. ⁷ Mac bu anyalê aö napep, dec oc anyalê Daman whin. Ma kwahic dec ma ndi, mac anyalê in, ma mac alic in su.” ⁸ Goc Pilip sôm, “Pômdau, tôc Damam tên yac, nan goc nditôm.” ⁹ Ma Yisu ô in ndê yom ma sôm, “O Pilip, aö gambo gawhin mac nasawa balin su, ma bocke am kêyalê aö dom? Tu sake-nga am sôm tên aö bu watôc Daman tên mac? Aö wasôm tên am, bu asa nan gêlic aö su, nan gêlic Daman su bocdina. ¹⁰ Aö gasôm su, bu aö gambo Daman nalôm, ma in mbo aö nalôm. Mac akên whin yom dau, me mba? Yom nan aö gasôm, nan aö tanwasên ney yom dom. Daman nan mbo aö nalôm, nan kôm in ndê gwelen na aö. ¹¹ Aö gasôm bu aö gambo Daman nalôm, ma in mbo aö nalôm. Akên whin aney yom dina. Magoc mac bu akên whin aney yom dom, dec gauc nem gên atu-tu nan aö gakôm na Daman ndê naclai, ma akên whin tu gên dina-nga. ¹² Aö wasôm yom nandô tên mac, bu asa nan kên whin aö, nan oc kôm gên atu-tu gitôm aö gakôm. Ma in oc kôm gên atu-tu nan hôc gêlêc in dina su. Nahu bu kwahic dec aö watên Daman wandi. ¹³ Ma aö wakôm gên bocke nan mac aten tu aney naê-nga, ma nalên dina aö wapo Daman ndê waê sa. ¹⁴ Aten gên tu aney naê-nga, ma aö wakôm gên dau nandô sa.”

Yisu gic bata bu ênkin Nalau Dabu

15 Ma Yisu sôm, “Mac bu atac whiñ aö, dec danjam wambu aneñ yom. 16-17 Ma aö wandac Damañ, ma iñ oc kêñ Nalau Yom Nandô-nga bu meñ mbo whiñ mac napañ eñ. Iñ oc puc mac dôñ ti nem mac awham ô aö. Lau sac nom-nga oc sêkôc iñ sa dom, bu ñac sêtôm dom bu sêlic iñ me sêñyalê iñ. Tigenñ mac anyalê iñ, bu iñ mbo whiñ mac, ma oc mbo mac nem ñalôm. 18 Aö wahu mac siñ bu ambo atôm mosibu dom. Mba! Aö dauñ watêñ mac waloc.

19 “Ñasawa saunñ ma lau nom-nga oc sêlic aö tiyham dom, tigenñ mac oc alic aö. Nahu bu aö oc watisa tiyham ma wambo tañli, ma tu dinañ-nga dec oc nditôm bu mac ambo tamli napañ awhiñ. 20 Têñ têm dinañ, mac oc anyalê bu aö gambo Damañ ñalôm, ma mac ambo aö ñalôm, ma aö gambo mac ñalôm. 21 Asa nañ kôc aneñ yomsu sa yêc iñ ndê ñalôm ma danğa wambu, nañ tôc asê bu iñ atac whiñ aö ñandô, ma Damañ oc atac whiñ iñ bocdinañ. Ma aö dauñ oc atac whiñ iñ, ma watôc dauñ asê têt iñ.”

22 Goc ñgacsêñom danñ ñaê Judas sôm, “Pômdau, tu sake-nga am sôm bu tôc daôm asê têt yac, magoc têt lau nom-nga hoñ dom?” (Ñgacsêñom dinañ iñ Judas Iskeriot dom.) 23 Ma Yisu ô yom ma sôm, “Asa nañ atac whiñ aö, nañ oc danğa wambu aneñ yom. Ma Damañ oc atac whiñ iñ ma alu oc atêt iñ aloc ma ambo awhiñ iñ. 24 Yom nañ aö gasôm asê têt mac, nañ aö dauñ neñ yom dom. Damañ nañ kêkiñ aö gameñ, nañ ndê yom. Tigenñ lau nom-nga nañ atac whiñ aö dom, nañ danğa wambu aneñ yom dau dom.

²⁵ “K wahic dec aö gambo gawhiṅ mac ma gasôm yom hoṅ dindéc têtṅ mac. ²⁶ Magoc tiṅambu, Damaṅ oc êṅkiṅ Njalau Dabuṅ nem aö aṅôṅ têtṅ mac loc bu nem mac sa. Inṅ oc êndôhôn mac pi gêtṅ hoṅ, ma kêtṅ mac gauc nem yom hoṅ naṅ aö gasôm têtṅ mac su. ²⁷ Aö wakêtṅ aneṅ yom malô têtṅ mac bu yêc mac ṅapaṅ, dec ambo ti atac malô. Bu yom malô naṅ aö oc wakêtṅ têtṅ mac, naṅ hóc gêlêc lau nom-ṅga si su. Bocdinaṅ ahêgo daôm dom, ma atôc daôm dom.

²⁸ “Aö gasôm têtṅ mac bu aö oc wahu mac siṅ, ma tiṅambu oc wambu wameṅ tiyham. Ma mac bu atac whiṅ aö, dec mac oc atac ṅayham bu aö watêtṅ Damaṅ wandi, bu Damaṅ hóc gêlêc aö su. ²⁹ Kwahic dec aö gasôm yom dindéc têtṅ mac gwananṅ, bu tiṅambu têtṅ ndoc aneṅ yom dau ṅandô sa, naṅ goc mac oc akêtṅ whiṅ aö.

³⁰ “Ndoc tiapê, dec gitôm dom bu wasôm yom daêsam têtṅ mac. Nahu bu nom dindéc ṅadau kêpiṅ bu meṅ. Inṅ dau ndê ṅaclai mba bu kôm gêtṅ daṅ têtṅ aö. ³¹ Magoc aö wakôm gêtṅ hoṅ nditôm Damaṅ gic atu aö, ma ṅalêṅ dinaṅ dec lau nom-ṅga oc sêṅyalê bu aö atac whiṅ Damaṅ. Bocdinaṅ atisa ma dalhō.”

15

Yisu gêm dôhônṅ dau pi a wain

¹ Ma Yisu sôm, “Aö a wain ṅandô,* ma Damaṅ

* **15:1** Yêc Yom Lêṅsêm Akwa Anötô gêm dôhônṅ lau Israel-ṅga pi a wain - alic BW 80:8-16, Ais 5:1-7; ma Jer 2:21. Magoc ndoc daêsam lau Israel sêso Anötô ndê mêtê. Yisu gêm dôhônṅ dau pi a wain, ma sôm bu inṅ a wain ṅandô.

ti ôm wain-nga ñadau. ² A wain ñasaŋgac hoŋ naŋ sêlhac wain ñahu aö dauŋ ma sem ñandô dom, naŋ Damaŋ oc so kic. Ma ñasaŋgac naŋ sem ñandô, naŋ iŋ oc ndic sêli bu kôm ñawasi sa ma nem ñandô daêsam. ³ Ma ñalêŋ tigeŋ, yom naŋ aö gasôm têt mac su, naŋ kôm mac nem ñalôm ñawasi sa su. ⁴ Asap aö dôŋ, ma aö wasap mac dôŋ bocdinaŋ. A wain ñasaŋgac daŋ bu sap ñahu dôŋ dom, dec oc tôm dom bu nem ñandô yêc dau-nga. Ma mac bocdinaŋ. Mac bu asap aö dôŋ dom, dec oc tôm dom bu mac anem ñandô. ⁵ Aö gatôm a w ain ñahu, ma mac atôm ñasaŋgac. Asa naŋ sap aö dôŋ, ma aö wasap iŋ dôŋ, naŋ oc nem ñandô daêsam. Mac bu asap aö dôŋ dom, dec oc atôm bu akôm gêŋ ñayham daŋ dom. ⁶ Asa naŋ sap aö dôŋ dom, naŋ gitôm ñasaŋgac naŋ kegwelec sip nom ma tibasô. Ma ñasaŋgac kaiŋ dinaŋ oc sêhoŋ sa ma sêkêŋ pi ya ndi ma ya neŋ su.

⁷ “Mac bu asap aö dôŋ, ma bu akôc aneŋ yom sa tidôŋ yêc nem ñalôm, dec gêŋ bocke naŋ mac bu atac whiŋ, naŋ atêŋ têt Anötö, ma iŋ oc kêŋ têt mac. ⁸ Asap aö dôŋ ma anem ñandô daêsam, dec oc whê mac sa bu aneŋ ñgacsêŋomi ñandô, ma ñalêŋ dinaŋ mac oc apo Damaŋ ndê waê sa. ⁹ Aö atac whiŋ mac, gitôm Damaŋ atac whiŋ aö. Kwahic dec ambo aneŋ atac whiŋ ñalôm. ¹⁰ Aö daŋaŋ wambu yom hoŋ naŋ Damaŋ gic atu aö, ma aö gambo iŋ ndê atac whiŋ ñalôm. Ma mac bu daŋam wambu yom naŋ aö gac atu mac, dec mac oc ambo aneŋ atac whiŋ ñalôm.

¹¹ “Aö gasôm yom dindêc têt mac, tu bu aneŋ

atac ñayham nem mac nem ñalôm ahuc. Ma aneñ atac ñayham oc êñsalê mac ahuc. ¹² Aneñ yomsu dau dec, bu mac atac whiñ nem asidôwai, gitôm aö atac whiñ mac. ¹³ Ñamalac nañ kênñ dau sambuc ma mbac ndu ô inñ ndê asidôwa, nañ ndê mêtê atac whiñ-ñga hóc gêlêc lau hoñ si su.

¹⁴ “Mac bu añkuc aö neñ yomsu ma akênñ nem atac whiñ lom daôm, nañ mac ati aneñ lau atac whiñ-ñga. ¹⁵ Ñadau dañ oc sôm gêñ hoñ asê têtñ inñ ndê lau akiñ dom. Magoc gêñ hoñ nañ aö ganğô yêc Damañ, nañ aö gawhê sa têtñ mac su. Tu dinañ-ñga aö wasam mac bu lau akiñ tiyham dom, magoc aö wasam mac bu aö neñ lau atac whiñ-ñga. ¹⁶ Mac añkuc aö tu daôm nem gauc-ñga dom. Mba! Aö dauñ kayaliñ mac sa, ma kakiñ mac bu asa andi ma anem ñandô daêsam, nañ oc yêc ñapañ. Ma têtñ ndoc dinañ, gêñ sake nañ mac atetñ têtñ Damañ anem aö añônñ, nañ inñ oc kênñ têtñ mac. ¹⁷ Aö neñ yomsu dau bocdec bu, atac whiñ mac nem asidôwai andic ñawaê.”

Lau nom-ñga atac tec Yisu ndê lau

¹⁸ Ma Yisu sôm, “Têtñ ndoc lau sac nom-ñga atac tec mac, nañ gauc nem bu ñac sêtec aö muñ su. ¹⁹ Mac bu añkuc lau nom-ñga si mêtê, dec lau nom-ñga oc atac whiñ mac, ñahu bu ñac atac whiñ ñac dau si lau. Magoc mac ambo atôm lau nom-ñga dom, bu aö kayaliñ mac sa su yêc ñac, ma tu dinañ-ñga dec ñac oc sêtec mac.

²⁰ Gauc nem yom nañ aö gasôm têtñ mac bocdec bu, ‘Ñgac akiñ dañ oc hóc gêlêc inñ ndê ñadau dom.’ Lau nom-ñga sêkênñ kisa aö, ma oc sêkênñ kisa mac bocdinañ. Ñac sêkôc aneñ yom sa dom,

ma bocdinaŋ ɲac oc sêkôc mac nem yom sa dom.
²¹ ɲac oc sêkôm gêŋ hoŋ dinaŋ têtŋ mac tu mac akêtŋ whiŋ aö-ŋga, ɲahu bu ɲac sêŋyalê iŋ naŋ kêkiŋ aö gameŋ, naŋ dom.

²² “Aö bu wameŋ ma wahoc neŋ yom asê têtŋ ɲac dom, dec ɲac si giso mba. Magoc ɲac sêŋgô aneŋ yom hoŋ su ma sêkêtŋ whiŋ dom, dec ɲalêtŋ mba bu sêmasaŋ yom têtŋ Anötö tu ɲac si giso-ŋga. ²³ Asa naŋ atac tec aö, naŋ atac tec Damaŋ whiŋ. ²⁴ Aö gakôm gêŋ dalô yêc ɲac si aŋgô-ŋga, naŋ ɲamalac daŋ gitôm dom bu kôm. Aö bu watôc têtŋ ɲac dom, dec ɲac si giso mba. Magoc ɲac sêlic su, ma sêkêtŋ whiŋ aö dom. Mba! ɲac sêtec aö, ma sêtec Damaŋ whiŋ. ²⁵ Ma bocdinaŋ Anötö ndê yom naŋ sêto yêc ɲac si buku yomsu-ŋga,† naŋ dec ɲandô sa. Yom dau sôm bu, ‘*ɲac atac tec aö ɲambwa.*’

²⁶ “Tiŋambu, aö waŋkiŋ ɲalau meŋ bu puc mac dônŋ ma nem mac awham sa. Iŋ ɲalau naŋ sa akêtŋ Damaŋ, ma sôm yom ɲandô eŋ. Ma têtŋ ndoc iŋ meŋ, naŋ iŋ oc hoc yom ɲandô asê pi aö. ²⁷ Ma mac oc ahoc yom ɲandô asê pi aö bocdinaŋ, b u mac ambo awhiŋ aö têtŋ ɲamata-ŋga e meŋ têtŋ dec.

16

¹ “Aö gasôm yom hoŋ dindêc têtŋ mac bu wapuc mac dônŋ, bu ahu nem akêtŋ whiŋ aö siŋ dom

† **15:25** Yom dau yêc BW 35:19, 69:4. Têm ɲatô lau Israel sêsam Anötö ndê yom naŋ kwahic dec dasam bu Yom Lêŋsêm Akwa naŋ bu ‘Buku Yomsu-ŋga.’ Magoc ɲaê ‘Buku Yomsu-ŋga’ dau hêganônŋ buku amaŋdaŋ naŋ Moses to (Genesis, Eksodas, Levitikas, Namba ma Diuteronomi).

têñ ndoc mac atap kisa sa. ² Lau Israel-nga oc sêmasuc mac su yêc gôlôwac Israel-nga. Ndoc oc meñ, nañ lau oc sêndic mac nem lau ñatô ndu, ma ñac oc gauc nem bu sêkôm gêñ ñayham tu sênem akinñ Anötö-nga. ³ Ñac sêñyalê Damañ dom, ma sêñyalê aö dom, ma tu dinañ-nga dec ñac oc sêkôm bocdinañ têñ mac. ⁴ Magoc kwahic dec aö gasôm yom dindec têñ mac, bu têñ ndoc gêñ dau hóc asê mac, nañ gauc nem bu aö gakêñ puc mac gwanañ su.”

Ñalau Dabuñ ndê gwelen

“Aö gasôm yom dinañ asê têñ mac muñ su dom, ñahu bu aö gambo gawhiñ mac. ⁵ Magoc kwahic dec aö oc wahu mac siñ, ma wambu watêñ inñ nañ kêkinñ aö gameñ, nañ wandi. Ma bocke dec mac nem dañ ndac aö pi gameñ wandi-nga dom? ⁶ Tigeñ tu aö gasôm bu wahu mac siñ-nga, dec kayalê bu mac nem ñalôm ñawapac ñandô. ⁷ Aö wasôm yom ñandô têñ mac, bu aö bu wahu mac siñ dec oc wanem mac sa. Aö bu wahu mac siñ dom, goc Ñalau Nem Mac Sa-nga oc têñ mac meñ dom. Magoc aö bu wandi, dec aö wañkinñ inñ têñ mac meñ. ⁸ Ma têñ ndoc inñ meñ, nañ inñ oc tôc lau nom-nga si giso asê tiawé pi sac, ma pi lêtñ gitêñ, ma pi Anötö ndê matôc. ⁹ Inñ oc tôc ñac si sac ñahu asê, nañ sip ñac sêkêñ whiñ aö dom. ¹⁰ Ma inñ oc tôc asê bu lau nom-nga sêñyalê Anötö ndê lêtñ gitêñ dom, bu aö oc watêñ

Damañ wandi, ma mac oc alic aö tiyham dom.*

¹¹ Ma inç oc tôc asê bu Anötö oc êmatôc sac hoñ, tôc kwahic dec inç oc êmatôc nom dindec ñadau.

¹² “Yom daêsam yêc bu wasôm têt mac, magoc mac atôm dom bu akôc sa. ¹³ Magoc têt ndoc Nalau Yom Nandô-nga meñ su, nañ inç oc nem mac sa bu anyalê yom ñandô hoñ. Nahu bu inç oc sôm dau ndê yom asê dom, magoc yom hoñ nañ inç ngô yêc alu Damañ, nañ dec inç oc hoc asê. Ma inç oc kêñ puc mac pi gêt nañ oc hôc asê tiñambu. ¹⁴ Nalau Dabuñ oc po aneñ waêt sa, nahu bu inç oc kôc aö dauñ neñ yom, ma hoc asê têt mac. ¹⁵ Damañ ndê gêt hoñ ti aö neñ, ma tu dinañ-nga dec gasôm têt mac bu gêt hoñ nañ Nalau oc hoc asê têt mac, nañ meñ akêt aö neñ.”

Nalôm ñawapac oc nem dau kwi ti atac ñayham

¹⁶ Goc Yisu sôm, “Ñasawa sauñ mac oc alic aö dom, ma ñasawa sauñ mac oc alic aö tiyham.”

¹⁷ Yisu sôm yom dinañ, goc inç ndê ngacsêñomi sem yomgalôm, ma ñatô sêsôm têt dandi, “Yom bocke dec inç sôm bu ñasawa sauñ yac oc dalic

* **16:10** Yom dau nahu yêc awê dom. Lau ñatô gauc gêm bu yom dau nahu bocdec bu. Lau nom-nga sêtec Yisu ma sêkic yom bu sêndic inç ndu. Nac si gauc sa dom, ma sêlic inç gitôm ngac sac dan. Magoc Anötö unç inç sa, ma kôc inç sa pi undambê gi, dec tôc asê bu Yisu inç ngac gitêt. Bocdinañ Nalau Dabuñ oc tôc asê bu lau nom-nga si gauc sa pi Yisu dom. Ma lau ñatô gauc gêm bu yom dau nahu bocdec. Yisu oc pi undambê ndi ma gitôm dom bu êndôhông lau nom-nga pi lêt gitêt tiyham, dec Nalau oc meñ bu whê ñac si gauc sa pi mêtê sac ma mêtê gitêt.

in dom, ma nasawa sauŋ yac oc dalic in tiyham? Ma in sôm bu in oc têt Damba ndi.” ¹⁸ Goc sêndac dandi napaŋ bu, “In ndê yom dinaŋ pi nasawa sauŋ, naŋ nahu bocke? Yac taŋyalê in ndê yom nahu dom.”

¹⁹ Yisu kêyalê bu nac bu sêndac in pi yom dau, dec sôm têt nac, “Aö gasôm bu nasawa sauŋ mac oc alic aö dom, ma nasawa sauŋ mac oc alic aö tiyham. Tu sake-nga mac am yomgalôm pi yom dau? ²⁰ Yomandô aö wasôm têt mac, bu têt ndoc aö wahu mac siŋ, naŋ mac oc ahu daŋgibo asê ma ataŋ, magoc lau sac nom-nga oc atac nayham sa. Mac oc ambo ti nem nalôm nawapac, magoc tiŋambu mac nem nalôm nawapac oc nem dau kwi ti atac nayham.

²¹ Oc nditôm awê tidaê naŋ ndê ndoc meŋ sa bu kôc balêkoc-nga. In nalôm nawapac bu in kêsahê nandê atu. Tigeŋ têt ndoc in kôc balêkoc dau su, naŋ in oc gauc nem nandê dau tiyham dom, bu in atac nayham sa bu in ndê balêkoc hôc asê su. ²² Ma mac bocdinaŋ, kwahic dec mac ambo ti nalôm nawapac, magoc tiŋambu aö walic mac tiyham, ma têt ndoc dinaŋ, mac oc atac nayham atu. Ma lau daŋ oc sêkôc atac nayham su yêc mac dom. ²³ Têt têt dinaŋ mac oc andac aö pi gêt daŋ tiyham dom. Yomandô aö wasôm têt mac, bu gêt sake naŋ mac atêŋ têt Damaŋ tu anêŋ naê-nga, naŋ in oc kêŋ têt mac.

²⁴ Têt namata-nga e meŋ têt kwahic dec, mac atêŋ gêt daŋ tu anêŋ naê-nga dom. Kwahic dec ma ndi, naŋ atêŋ gêt tu anêŋ naê-nga. Ma Anötö oc kêŋ têt mac, ma mac oc atisambuc nandô.”

Yisu ku ɲaclai nom-ɲga dulu

²⁵ “Gêɲ hoɲ dinaɲ aõ gasôm têtɲ mac ɲa yom gôliɲ. Magoc têtɲ oc meɲ sa, naɲ aõ oc wasôm yom têtɲ mac ɲa yom gôliɲ dom. Aõ oc wasôm yom yêc awê têtɲ mac pi Damaɲ. ²⁶ Têtɲ ndoc dinaɲ mac oc atetɲ gêɲ tu anetɲ ɲaê-ɲga. Aõ wasôm têtɲ mac, bu aõ daɲɲ oc wanem mac awham têtɲ Damaɲ lec dom. Mac daôm atetɲ nem mbec solop têtɲ iɲ, ²⁷ bu iɲ atac whiɲ mac. Aêc! Damaɲ Anötö atac whiɲ mac, ɲahu bu mac atac whiɲ aõ, ma akêtɲ whiɲ bu iɲ kêkiɲ aõ gameɲ. ²⁸ Aõ gambo gawhiɲ Damaɲ muɲ su, dec gasip nom gameɲ. Ma kwahic dec aõ bu wahu nom siɲ ma wambu watêtɲ iɲ wandi.”

²⁹ Têtɲ dinaɲ Yisu ndê ɲgac-sêtɲomi sêsôm têtɲ iɲ, “Kwahic dec am sôm yom yêc awê, ma sôm ɲa yom gôliɲ dom. ³⁰ Ma kwahic dec yac aɲyalê bu am kêyalê gêtɲ hoɲ. Ma lau sêkêtɲ gêndac têtɲ am dom magoc am kêyalê ɲac si gauc ti yom hoɲ muɲ. Tu dinaɲ-ɲga dec yac akêtɲ whiɲ bu am mweɲ akêtɲ Anötö ndê.” ³¹ Goc Yisu sôm têtɲ ɲac, “Kwahic dec mac akêtɲ whiɲ, a? ³² Aõ wasôm têtɲ mac, bu ndoc oc meɲ sa, ma kwahic dec meɲ kêpiɲ su, naɲ mac hoɲ oc ahu aõ siɲ ma alhõ têtɲtêtɲ. Magoc aõ oc wambo taɲwasêtɲ dom, bu Damaɲ oc mbo whiɲ aõ. ³³ Aõ gasôm yom hoɲ dindac têtɲ mac bu wapuc mac dôtɲ bu ambo ti atac malô tu aõ-ɲga. Yêc nom mac oc atap ɲawapac sa, magoc ambo ti nem ɲalôm pêtɲ dôtɲ, bu aõ gaku ɲaclai nom-ɲga dulu su.”

Yisu tenj mbec tu inj dau-nga

¹ Yisu sôm yom dinaŋ su, goc tatak undambê, ma tenj mbec bocdec bu, “Damaŋ, aneŋ ndoc hôc asê su. Po am Atôm, aö dec neŋ waêŋ sa, ma ŋalêŋ dinaŋ aö oc wapo am nem waêm sa.

² Am kêŋ ŋaclai têtŋ aö pi ŋamalac hoŋ, tu bu wakêŋ lau hoŋ naŋ am kêŋ têtŋ aö, naŋ sêmbo tali ŋapaŋ. ³ Ma ŋac si ŋahu sêmbo tali ŋapaŋ-nga dau bocdec bu, sêŋyalê am Anötö ŋandô tigeŋ, ma sêŋyalê aö, Yisu Kilisi naŋ am kêkiŋ aö gameŋ.

⁴ “Aö gac dabiŋ gwelenj naŋ am kêŋ sip aö amaŋ, ma tu dinaŋ-nga dec aö gapo nem waêm sa yêc nom. ⁵ Têtŋ ŋamata-nga nom dindec mbasi, naŋ aö dec gambo gawhiŋ am ma hêclu dawêkaiŋ ŋawasi atu dawhiŋ dauŋ. Kwahic dec Damaŋ, aö wandac am bu kôc aö sa bu wambo wawhiŋ am tiyham ti ŋawasi atu dau.”

Yisu tenj mbec tu inj ndê ngacsêŋomi-nga

⁶ Ma Yisu sôm, “O Damaŋ, am kêyaliŋ am nem lau sa yêc nom, ma kêŋ ŋac sêsip aö amaŋ. Aö gatôc am asê têtŋ ŋac su, ma ŋac danja wambu am nem yom. ⁷ Ma kwahic dec ŋac sêŋyalê bu gêŋ hoŋ naŋ aö gakôm, naŋ ŋahu am daôm, ma am kêŋ sip aö amaŋ bu wakôm-nga. ⁸ Bu yom naŋ am kêŋ têtŋ aö, naŋ aö gasôm asê têtŋ ŋac, ma sêkôc sa. Ma ŋac sêŋyalê pi ŋandô bu muŋ-nga aö gambo gawhiŋ am, ma sêkêŋ whiŋ bu am daôm kêkiŋ aö gameŋ. ⁹ Kwahic dec aö bu wateŋ mbec tu ŋac-nga. Aö wateŋ tu lau nom-nga hoŋ-nga dom, magoc aö wateŋ tu am nem lau hoŋ, naŋ am kêŋ sip aö amaŋ-nga. ¹⁰ Aneŋ lau hoŋ

sêti am nem, ma am nem lau hoj sêti aö neñ. Ma aö gatap waêñ sa tu ñac-ñga. ¹¹ Aneñ têm wambo nom-ñga pacndê, ma malô aö oc watêñ am waloc. Magoc ñac oc gacgeñ sêmbo nom. O Damañ dabuñ, aö bu waterñ am bu yob lau dinañ ña am nem ñaê ña-ñaclai atu nañ am gêlic ñayham bu kêñ têtñ aö. Yob ñac bu sêpiñ dau dônñ sêti gêtñ tigenñ, gitôm hêclu dati gêtñ tigenñ. ¹² Têtñ ndoc aö gambo gawhiñ ñac, nañ aö gayob ñ ac ñapep ña am nem ñaê ña-ñaclai nañ am kêñ têtñ aö. Ma bocdinañ ñac si dañ giñga dom. Ngac tigenñ nañ gic waê bu peñ, nañ tawasê oc niñga, bu kôm yom nañ sêto yêc, nañ ñandô sa.

¹³ “Malô aö oc watêñ am waloc. Tigenñ kwahic dec aö gambo nom ma gasôm yom hoj dinañ asê têtñ aneñ lau, tu bu aneñ atac ñayham nem ñac ahuc, ma kôm ñac sêtisambuc. ¹⁴ Aö gakêñ am nem yom têtñ ñac, ma lau sac nom-ñga atac tec ñac. Sêtec ñac ñahu bu ñac si mala ñandô yêc nom dom, gitôm aö dauñ neñ malañ ñandô yêc nom dom. ¹⁵ Aö waterñ am bu kôc ñac su yêc nom dom, magoc aö waterñ am bu yob ñac tu ñgac sac Sadañ-ñga. ¹⁶ Ñac si mala ñandô yêc nom dom, gitôm aö neñ malañ ñandô yêc nom dom. ¹⁷ Damañ, am nem yom inñ yom ñandô eñ. Kêñ nem yom ñandô sip ñac si ñalôm bu kôm ñac sêti lau dabuñ ñandô. ¹⁸ Tôm am kêkiñ aö gasip nom gameñ, dec aö wanñiñ ñac sêsa sêndi sêmbo lau nom-ñga ñalôm. ¹⁹ Kwahic dec aö gam dabuñ dauñ bu wandic bata am nem lêñ nem lau si-ñga, ma ñalêñ dau dinañ dec oc tôm bu ñac dau sêti am nem lau dabuñ.”

Yisu tenj mbec tu lau honj nanj oc sêkênj whinj inj-nga

²⁰ “Aö watenj mbec tu lau nanj kwahic dec sênyalê aö, nanj tawasê-nga dom. Aö watenj mbec tu lau honj nanj sêngô yom nanj nac oc sêhoc asê pi aö, ma sêkênj whinj aö-nga sêwhinj.

²¹ Kênj nac honj sêmbo ti njalôm ma gauc tigenj, gitôm hêclu dati gênj tigenj, am mbo aö njalôm, ma aö gambo am njalôm. Pwinj nac honj dônj sênem daminj hêclu, ma bocdinaj tênj ndoc lau nom-nga sêlic nac sêpinj dau dônj ti njalôm tigenj, dec nac honj oc sêkênj whinj bu am kêkinj aö gamej. ²² Am nem njac lai ti njawasi nanj am kênj tênj aö, nanj dec aö gakênj tênj nac, bu nac oc sêti gênj tigenj gitôm hêclu dati gênj tigenj. ²³ Am mbo aö njalôm, ma aö wambo nac njalôm, tu bu wapinj nac dônj bu sêmbo ti njalôm ma gauc tigenj. Ma bocdinaj lau nom-nga oc sênyalê bu am kêkinj aö gamej, ma bu am atac whinj nac gitôm am atac whinj aö.

²⁴ “Damanj, aö tac whinj bu lau honj nanj am kênj nac sêsip aö amanj, nanj sêwhinj aö sêmenj ma sêmbo gamej nanj aö oc wambo. Dec nac oc sêlic njawasi atu nanj am kênj tênj aö. Bu munj-nga, nom dindec mbasi, nanj am atac whinj aö ndu andô, dec kênj njawasi dau tênj aö. ²⁵ O Damanj gitênj, lau nom-nga sênyalê am dom. Tigenj aö kayalê am, ma lau dindec sênyalê bu am kêkinj aö gamej. ²⁶ Aö gatôc am asê tênj nac, ma watôc am asê njapanj. Ma tu dinaj-nga dec am nem atac whinj aö-nga oc yêc nac si njalôm. Ma aö dauj oc wambo nac si njalôm wawhinj.”

18

Sêkôc Yisu dôn

(Mat 26:47-56; Mak 14:43-50; Luk 22:47-53)

¹ Yisu tenj mbec dau pacndê, goc inj ti ndê ngacsênomi sêhu Jerusalem sinj, ma sêpi Busun Kidron-nga ndaŋga si. Ma sêsôc ôm †olib-nga dan nanj yêc dinan. ² Judas, ngac nanj hoc Yisu asê, nanj kêyalê ôm dinan, bu ndoc daêsam Yisu ti ngacsênomi sêkac sa sêmbo dindê. ³ Bocdinan têtj ôbwêc dinan inj kêkuc nac, ma sa têtj ôm dau gi. Inj wê lau sinj Rom-nga tonj danj ma lau sinj-nga lôm dabun-nga natô nanj dabunsga atu-tu ti lau Palêsai sêjkinj. Nac sêjnsêlênj ti sêhóc dawenj ti lam, ma wapa sinj-nga, ma sêhóc asê ôm dinan.

⁴ Yisu kêyalê gênj honj nanj oc hóc asê inj, goc sa gi ma ndac nac bu, “Mac anjalê asa?” ⁵ Ma nac sêsôm, “Yac anjalê Yisu Nasaret-nga.” Dec Yisu sôm, “Aô daunj dindec.” (Têtj ndoc dinan, Judas, ngac hoc inj asê-nga, kalhac whinj lau dinan.) ⁶ Têtj ndoc nac sêjngô Yisu ndê yom bu, “Aô daunj dindec,” goc nac honj sêyu dau su ma sêpej sêsip nom si. ⁷ Ma inj ndac tiyham, “Mac anjalê asa?” Ma sêsôm, “Yisu Nasaret-nga.” ⁸ Goc inj ô yom ma sôm, “Aô gasôm su, bu aô daunj dindec. Mac asôm bu mac anjalê aô, ma bocdinanj atec anenj lau dindec sêlhô sêndi.” ⁹ Yisu sôm yom dau tu bu nem inj ndê ngacsênomi si-nga. Ma tu dinan-nga yom nanj inj sôm munj su bocdec bu, “Aô oc wayob namalac honj nanj Damanj kênj têtj aô, bu nac si danj ninjga dom,” nanj dec nandô sa.

¹⁰ Saimon Pita kôc inj ndê bienj baliŋ sa, ma pa dabunsga namata-nga ndê ngac akinj ndê

daŋgalaun andô-nga su. Ngac akiŋ dau ndê ɲaê Malkus. ¹¹ Magoc Yisu sôm têtɲ Pita, “Kêŋ nem bien mbu sip ɲapaŋ ndi. Damaŋ kêŋ laclu ɲawapac-ɲga dindec têtɲ aö, ma aö gac waê bu wanôm.”

Sêwê Yisu sêtêŋ Anas si
(*Mat 26:57*)

¹² Goc ɲgac bata siŋ-ɲga ti ndê lau siŋ, ma lau siŋ sêyob lôm dabuŋ-ɲga naŋ lau bata Israel-ɲga sêŋkiŋ, naŋ sêkôc Yisu ma sêsô iŋ amba dôŋ. ¹³ Goc sêwê iŋ sêtêŋ Kayapas lawa Anas ndê andu si. Kayapas, iŋ lau Israel si dabuŋsiga ɲamata-ɲga têtɲ têtɲ dinaŋ. ¹⁴ Iŋ ɲgac naŋ muŋ-ɲga sôm asê têtɲ lau bata Israel-ɲga, bu oc ɲayham bu ɲgac tigeŋ mbac ndu ô lau hoŋ.

Pita sêc Yisu ahuc
(*Mat 26:69-70; Mak 14:66-68; Luk 22:55-57*)

¹⁵ Sêwê Yisu sêtêŋ dabuŋsiga ɲamata-ɲga ndê andu, ma sêsôc tuŋlôm naŋ kêtɲgihi andu dau, naŋ si. Ma Saimon Pita lu ɲgacsêŋom daŋ sêŋkuc. Ngacsêŋom dau dabuŋsiga ɲamata-ɲga kêyalê iŋ tidôŋ, ma bocdinaŋ dec iŋ kêkuc Yisu ma gacgeŋ sôc tuŋlôm dau gi. ¹⁶ Magoc Pita sôc gi dom, iŋ kalhac awê kêpiŋ gatam. Dec ɲgacsêŋom naŋ dabuŋsiga ɲamata-ɲga kêyalê, naŋ mbu gi ma sôm yom pi Pita whiŋ awê akiŋ naŋ yob gatam, goc kôc Pita sôc gi. ¹⁷ Ma awê akiŋ dinaŋ ndac Pita bocdec, “Ma bocke? Am Yisu ndê ɲgacsêŋom daŋ whiŋ, a?” Magoc Pita pa dau ma sôm, “Mba! Aö dom!”

¹⁸ Têtɲ ôbwêc dinaŋ gameŋ ɲalhuc sa, dec lau akiŋ ti lau siŋ lôm dabuŋ-ɲga sêkôm ya golom

asê goc sêlhac sênghi ma sênsulu. Ma Pita gi kalhac whiņ ņac ma kêsulu ya.

Dabuņsiga Anas kêsú Yisu

(Mat 26:59-68; Mak 14:55-65; Luk 22:63-71)

¹⁹ T êņ dinan, dabuņsiga ņamata-ņga Anas* kêsú Yisu pi iņ ndê sêņomi, ma pi yom nan iņ kêdôhôn têņ lau. ²⁰ Ma Yisu sôm, “Aö gasôm aneņ yom hoņ yêc awê. Aö kadôhôn lau gambo ņac si lôm wê-ņga ma yêc lôm dabuņ Jerusalem-ņga, gameņ nan lau Israel-ņga hoņ êlê mê sêkac dau sa sêmbó nan. Ma aö gasêc yom dan ahuc dom. ²¹ Bocdinan tu sake-ņga am kêsú aö? Ndac lau nan sêņgô aneņ yom. Ȋac hoņ sêņyalê yom nan aö gasôm.” ²² Têņ ndoc Yisu sôm yom dinan, goc ņgac siņ lôm dabuņ-ņga nan kalhac kêpiņ iņ, nan tap iņ sip ali andô ma sôm, “Toc dabuņsiga atu sa, ma ô iņ ndê yom bocdinan dom!” ²³ Dec Yisu sôm, “Yom nan aö gasôm, nan bu yom so, nan goc sôm têņ aö. Magoc aö gasôm yom so dan dom, ma tu sake-ņga dec am tap aö?” ²⁴ Têņ dinan Anas kêkiņ Yisu têņ dabuņsiga ņamata-ņga Kayapas gi. Ma wac nan sêsô iņ amba dôn, nan gacgeņ yêc.

Pita sêc Yisu ahuc tiyham

(Mat 26:71-75; Mak 14:69-72; Luk 22:58-62)

²⁵ Saimon Pita kêsulu ya mbo, ma ņamalac dan ndac iņ, “Am ņgac dau ndê ņgacsêņom

* **18:19** Anas - Muņ-ņga lau Israel-ņga sêņyalin Anas sa ti ņac si dabuņsiga ņamata-ņga. Têņ yala AD15 lau Rom-ņga sêkôc iņ su yêc gwelen dau. Tiņambu Kayapas iņ lau Israel si dabuņsiga ņamata-ņga, magoc lau Israel daêsam êlê mê sêsam Anas bu dabuņsiga ņamata-ņga whiņ.

dan, me?” Ma Pita pa dau ma sôm, “Mba!”
²⁶ Dabuñsiga ñamata-nga ndê ñgac akind dan mbo gameñ dinañ. In ñgac nañ Pita pa in ndê danjalaun su, nañ ndê têngac. Ma in sôm têng Pita, “Ma bocke? Aõ galic am kalhac whin ñgac dinañ yêc ôm olib-nga. Yomandô, me?”
²⁷ Magoc Pita pa dau tiyham, ma ñagahô eñ dalec dan gic hu tañ.

Pailot kêsahê Yisu

(*Mat 27:11-18, 20-23; Mak 15:2-15; Luk 23:2, 3, 18-25*)

²⁸ Ôbwêc pacndê, ma têng bêbêc ganduc lau bata Israel-nga sêhu Kayapas ndê andu sin ma sêwê Yisu sêtêng gôlinwaga Rom-nga ndê andu si. Lau bata Israel-nga dinañ sêsôc andu dau dom, sêtôc dau ma gauc gêm bu oc kôm ñac ñadômbwi sa yêc Anötö anğô-nga, dec oc tôm dom bu sêneñ Mwasin Pasowa-nga.†
²⁹ Bocdinañ Pailot, ñgac nañ gêm gôlin gameñ Judia-nga sa têng ñac gi, ma ndac ñac, “Mac asôm bu ñgac dindec kôm giso bocke?”
³⁰ Ma sê yom ma sêsôm, “In bu ndê giso mbasi, dec yac oc akôc in atêng am ameneñ lec dom.”
³¹ Dec Pailot sôm, “Mac daôm akôc in sa andi, ma amatôc in êñkuc mac daôm nem yomsu.” Magoc ñac

† **18:28** Lau Israel-nga si yomsu dan sôm bu ñac bu sênem dabun dau, dec ñac sêmbo ahê têng ñlau gameñ apa-nga. Nahu bu lau gameñ apa-nga sêñkuc Anötö ndê yomsu dom, ma lau Israel-nga bu sêmbo sêmpin ñac, dec oc kôm ñac ñadômbwi sa yêc Anötö anğô-nga. Pailot in ñgac Rom-nga dan, ma lau gameñ apa-nga daêsam sêmbo in ndê andu, ma tu dinañ-nga lau bata Israel-nga sêtec bu sêsôc in ndê andu.

sêsôm, “Mba! Bu mac lau Rom-nga akêñ yao bu yac lau Israel-nga andic ñamalac dañ ndu dom.”
³² Ñalêñ dinañ dec Yisu ndê yom pi lêñ nañ in oc mbac ndu, † nañ ñandô sa.

³³ Têñ dinañ Pailot hu ñac siñ ma sôc andu gi, goc ta Yisu sôc gi ma ndac in, “Am lau Israel-nga si Kiñ, a?” ³⁴ Ma Yisu ô yom bocdec bu, “Am sôm yom dinañ tôm am daôm nem gauc, me lau ñatô sêsôm yom dau pi aö?” ³⁵ Ma Pailot sôm, “Aö ñgac Israel-nga dom! Am daôm nem lau ti dabuñsiga atu-tu Israel-nga sêkêñ am têt aö mweñ. Am kôm gêt giso bocke?” ³⁶ Dec Yisu sôm, “Aneñ gôliñ kiñ-nga gitôm kiñ nom dindec-nga si gôliñ dom. Aö bu wanem gôliñ gameñ nom-nga dañ, dec oc tôm bu aneñ lau akiñ sêyob aö ma sêndic siñ bu lau bata Israel-nga sêkôc aö dôñ dom. Magoc aö neñ gôliñ ñahu yêc nom dindec dom.” ³⁷ Goc Pailot sôm, “Bocdinañ, am sôm bu am kiñ dañ, a?” Ma Yisu sôm, “Am daôm sôm bu aö kiñ dañ. Aneñ dinañ kôc aö, ma aö gahôc asê nom tu gêt tigen-nga, nañ tu wahoc yom ñandô asê-nga. Ma lau hoñ nañ atac whiñ yom ñandô, nañ sêkôc aneñ yom sa.” ³⁸ Pailot ñgô yom dau goc ndac, “Ma yom bocke in yom ñandô?”

In sôm yom dinañ su, goc sa têt lau bata Israel-nga gi, ma sôm tiyham têt ñac, “Aö gatap yom dañ bu tamatôc in pi-nga, nañ sa dom.” ³⁹ Magoc

† **18:32** Yisu sôm bu lau oc sêsun in sa yêc nom - alic Jon 12:32-33; 3:14; ma 8:28. Lau Israel-nga sêruc lau sac ña hoc ndu, magoc lau Rom-nga sêndic lau sac pi a gicso dau ma tu dinañ-nga Yisu sôm bu ñac oc sêsun in sa akêñ nom.

mac nem mêtê dan yêc, bu wahu gapocwalô dan sinj têtj mac têtj Mwasiñ Pasowa-nga ñandoc. Mac atac whiñ bu aö wahu ñgac dindec, nañ sêsam bu Kiñ Israel-nga, nañ sinj têtj mac, me mba?” ⁴⁰ Magoc sêmbwêc, “Mba! Inj dom! Hu Barabas sinj têtj yac.” Barabas inj lau nañ sêngilí sinj têtj lau Rom-nga, nañ si danj.

19

Sêsôm tidôñ bu sêndic Yisu ndu

(Mat 27:15-31; Mak 15:6-20; Luk 23:13-25)

¹ Goc Pailot kêñ Yisu têtj lau sinj-nga bu sêhi inj ña sö. ² Ma sêñsau bu sêtoc inj sa. Sêwhê wac kêma ma sêkêñ inj uñ gitôm sunsunj, ma sêkêñ inj sôc ñakwê kokoc gitôm kiñ si ñakwê. ³ Goc sêsôc sêsa sêlhac inj anjô-nga ma sêmbwêc, “Ei! Datoc lau Israel si Kiñ dindec sa manj!” Ma sêtap inj sip ali andô.

⁴ Ma Pailot sa meñ tiyham ma sôm têtj lau bata bu, “Anjô su nañ! Aö neñ lau sinj-nga oc sêkôc inj sa têtj mac meñ. Ma bocdinañ dec anyalê bu aö gatap yom danj sa pi inj dom.” ⁵ Goc sêkôc Yisu sa meñ, ti sunsunj wac kêma ma ñakwê kokoc. Ma Pailot sôm, “Alic ñgac dau dec.” ⁶ Têtj ndoc dabuñsiga atu-tu ma lau sinj lôm dabuñ-nga sêlic inj, nañ sêmbwêc, “Ndic inj pi a gicso dau! Ndic inj pi a!” Magoc Pailot sôm, “Mba! Aö gatap yom danj sa pi inj dom. Mac daôm akôc inj sa andi ma andic inj pi a.” ⁷ Ma lau bata Israel-nga sêsôm, “Inj toc dau sa ma sam dau bu Anötö ndê Atu! Ma tu yom sac dinañ-nga, yac mba yomsu sôm bu inj mbac ndu manj.”

⁸ Pailot ngô yom dinaŋ ma töc dau ŋandô.
⁹ Goc iŋ kôc Yisu mbu sôc andu ŋalôm gi, ma ndac iŋ, “Am mweŋ akêŋ nde?” Magoc Yisu gêm dôŋ. ¹⁰ Ma Pailot sôm têt iŋ, “Bocke am ô aneŋ yom dom? Aneŋ ŋaclai yêc bu waŋgapwêc am su, me bu wandic am pi a gicso dau ndi. Am kêyalê, a?” ¹¹ Dec Yisu ô yom ma sôm, “Anötö bu kêŋ têt am dom, dec am oc tôm dom bu kôm gêt daŋ têt aô. Bocdinaŋ dabuŋsiga naŋ kêŋ aô gasip am amam, naŋ kôm giso hôc gêlêc am nem su.”

¹² Pailot ngô yom dinaŋ, dec kêsalê lêt bu hu Yisu siŋ. Magoc lau bata Israel-ŋga sêmbwêc ŋapaŋ ma sêsôm, “Asa naŋ toc dau sa bu iŋ kiŋ daŋ, naŋ kôm bu hôc gêlêc Sisa, lau Rom-ŋga si kiŋ. Bocdinaŋ am bu hu ŋgac dindec siŋ, naŋ am Sisa ndê silip dom.”

¹³⁻¹⁴ Bêc dinaŋ iŋ bêc lau Israel-ŋga sêmasaŋ Mwasinŋ Pasowa-ŋga, ma ac kalhac lhu su. Têt ndoc Pailot ngô lau bata Israel-ŋga si yom dinaŋ, naŋ dec iŋ kôc Yisu sa awê têt gameŋ naŋ sêsam bu Senŋ Hoc naŋ gi. (Yêc Yom †Hibru sêsam gameŋ dau bu Gabata.) Yêc dinaŋ, Pailot ndöc sic ndöc iŋ ndê pêt êmatôc yom-ŋga, ma sôm têt lau bata Israel-ŋga bu, “Alic mac nem kiŋ dindec!” ¹⁵ Tigeŋ ŋac sêmbwêc, “Kôc iŋ sa ndi! Kôc iŋ sa ndi! Ndic iŋ pi a gicso dau!” Dec Pailot ndac, “Mac atac whiŋ bu aô wandic nem Kiŋ pi a gicso dau ndi, a?” Ma dabuŋsiga atu-tu sêô yom ma sêsôm, “Iŋ yac mba kiŋ dom! Sisa tigeŋ iŋ yac mba kiŋ.” ¹⁶ Têt dinaŋ Pailot sôc ŋac si yom ŋapu, ma kêŋ Yisu têt ŋac bu lau siŋ-ŋga sêndic iŋ pi a gicso dau ndi.

*Lau siŋ-nga sic Yisu pi a gicso dau
(Mat 27:32-44; Mak 15:21-32; Luk 23:26-43)*

¹⁷ Sêkêŋ Yisu hôc dau ndê a gicso dau, ma sêwê in sêsa gameŋ naŋ sêsam bu Gameŋ Njakêcyha-nga si. Yêc Yom Hibru sêsam gameŋ dau bu Golgota. ¹⁸ Ma yêc dinaŋ, ŋac sic in pi a gicso dau gi. Ma ŋac sic ŋgac lu sêpi a sêwhin, dan kêgalêŋ andô-nga ma dan kêgalêŋ gasê-nga.

¹⁹ Pailot sôm bu sêto yom pi bapia dan ma sêndic pi a gicso dau ŋahô-nga. Bapia dau sôm, “Yisu Nasaret-nga. Lau Israel-nga si Kiŋ.” ²⁰ Sêto yom dau ŋa lau Israel, ti lau Rom-nga ma lau Grik-nga si awha. Gameŋ dinaŋ yêc suŋ sa têt malac Jerusalem, dec lau Israel-nga daêsam sêlic bapia dau. ²¹ Boc-dinaŋ dabunŋiga atu-tu Israel-nga sêtucdin ma sêsôm têt Pailot, “Am to, ‘Lau Israel-nga si Kiŋ,’ ma yac alic yham dom! Am bu to, ‘Ŋgac dindêc sam dau bu lau Israel-nga si kiŋ,’ dec oc solop.” ²² Magoc in ô yom ma sôm, “Aô gato yom dinaŋ, ma oc yêc bocdinaŋ.”

²³ Têt ndoc lau siŋ-nga sic Yisu pi a gicso dau, naŋ sêkôc in ndê ŋakwê su. Ŋac lau hale, ma sêwhê ŋakwê awê-nga kôc gi ton hale, ma sêkôc sa tôm gi. Magoc ŋac sic sam in ndê ŋakwê ŋalôm-nga dom. Ŋakwê dau ŋayham andô, sêsê dom, sêwhê sambuc ti po balin yêc ŋasu ma sip têt gahi. ²⁴ Bocdinaŋ lau siŋ-nga sêsôm têt dandi, “Dakêc po dau kic dom. Dapuc gapoc ma yac neŋ dan kôc po sambuc.” Ŋac sêkôm bocdinaŋ, dec yom dan naŋ sêto yêc, naŋ ŋandô sa. Yom dau bocdec bu:

Ŋac sêwhê aneŋ ŋakwê kôc têt dandi, ma sêpuc gapoc tu aneŋ ŋakwê-nga. *[BW*

22:18]

²⁵ Têñ ndoc dinañ Yisu dinda lu asiwê dan, ma Klopas ndê awhê Maria lu Maria Magadala sêlhac sêmpin a gicso dau. ²⁶ Ma Yisu gêlic in dinda kalhac whin ngac-sêñom nan in atac whin ñandô, dec in sôm têñ dinda, “O dinañ. Lic nem atômngac dinañ.” ²⁷ Ma in sôm têñ ngacsêñom dau bu, “Lic am dinam dinañ.” Ma têñ bêc dinañ ma gi, ngacsêñom dau kôc Yisu dinda sa ndôc in ndê andu.

Yisu mbac ndu

(Mat 27:48, 50; Mak 15:36-37; Luk 23:36)

²⁸ Yisu kêyalê bu in gic dabin gêñ hon su. Ma tu yom dan nan sêto yêc, nan ñandô sa-nga, dec in sôm, “Aö bu yô aö.” ²⁹ Lôn wain ñamakic-nga dan kalhac gameñ dinañ, ma ngac sin-nga dan kôc sôwam dan ma kêñ sip wain. Goc in sô pi a balin dan, ma hôc sa pi têñ Yisu whasun gi. ³⁰ In nôm su ma sôm, “Aö neñ gwelen hon pacndê su.” Goc in wec, ma mbac ndu.

³¹ Têñ bêc dinañ lau Israel-nga sêmasañ dau tu bêc Sabat-nga, ma Sabat lanjê-nga in ñac si om atu dan. Ñac sêtec bu lau batê sêngalên a gicso dau têñ bêc atu dinañ, boc-dinañ dec lau bata sêndac Pailot bu lau sin-nga sêruc lau dau si gahi dulu tu bu sêmbac ndu ñagahô-nga, goc sêkôc ñac si ñamlan su ma sêñsuhun. ³² Pailot gôlôc su, dec lau sin-nga sêtên ngac dan nan sic pi a gicso dau whin Yisu nan si, ma sêruc in gahi dulu. Goc ñac sêruc ngac tilu-nga gahi dulu boc-dinañ. ³³ Tigeñ têñ têm sêtên Yisu si, nan sêlic bu in mbac ndu su, dec sic in gahi dulu dom.

³⁴ Magoc ñgac siñ-nga dañ kôc in ndê kêm ma kuñ Yisu sip ñabi, ma ñagahô dac ti bu kêc sa meñ. ³⁵ (Ñgac nañ gêlic gêñ hon dinañ su, nañ dec sôm asê, ma in ndê yom in yom ñandô. In dau kêyalê bu in ndê yom in yom ñandô, ma in sôm asê bu mac akêñ whiñ bocdinañ.) ³⁶ Gêñ dinañ hóc asê, dec yom lu nañ sêto yêc, nañ ñandô sa.

Yom dañ yêc bocdec bu:

Ñac oc sêtuc in ndê ñakwa dañ dulu dom. *[BW 34:20]*

³⁷ Ma yom dañ tiyham yêc bocdec:

Ñac oc sêlhac ma tahê ñgac nañ sêkuñ in nañ. *[Sek 12:10]*

*Sêkêñ Yisu ndê ñamlañ yêc hoc ñasun
(Mat 27:57-61; Mak 15:42-47; Luk 23:50-56)*

³⁸ Ñgac dañ mbo, nañ sêsam bu Josep, ma in meñ akêñ malac A rimatiya. In kêñ whiñ Yisu, magoc sêc dau ahuc, bu in töc lau bata Israel-nga. Têñ telha dinañ in têñ Pailot gi ma ndac Yisu ndê ñamlañ. Pailot gôlôc, dec Josep sa gi ma kôc Yisu ndê ñamlañ su yêc a gicso dau. ³⁹ Ma Nikodemas gêm in sa. Nikodemas in ñgac bata Israel-nga nañ muñ-nga gi gêlic Yisu têñ ôbwêc dañ. In kôc a ñakwi ti gêñ ñamalu nañ sêngaluñ whiñ dau su, nañ gitôm 30 kilogram, ma whiñ Josep gi. ⁴⁰ Inlu sêkôc Yisu ndê ñamlañ, ma sem oso ña gêñ ñamalu, goc sêhi ahuc ña po ñayham. Sêkôm gêñ dau kêkuc lau Israel-nga si gêbôm sêñsuhun lau batê-nga. ⁴¹ Ôm dañ yêc sun sa têñ gameñ nañ lau siñ-nga sic Yisu pi a gicso dau. Ma sêhê dañ yêc ôm dau ñalôm, nañ lau sêlêñ

gwanan̄ su yêc hoc ñalôm, ma sêkêñ ñgac batê ðan̄ yêc hoc ñasun̄ dau mun̄ su dom. ⁴² Bocdinañ sêñsuhun̄ Yisu ñamlañ yêc hocsun̄ dinañ, ñahu bu bêc dinañ in̄ bêc lau Israel-ña sêmasañ dau tu Sabat-ña, ma hocsun̄ dau yêc kêpin̄.

20

Yisu tisa

(Mat 28:1-8; Mak 16:1-8; Luk 24:1-10)

¹ Bêc Sabat-ña meñ gi su, ma têtñ wake ñabêc ñamata-ña Maria Magadala tisa têtñ bêbêc ganduc, ma sa têtñ sêhò gi. In̄ gêlic bu hoc atu nañ sêkêñ ndöc sê awha, nañ ndöc ñamala dom. ² Goc in̄ kêtì mbu têtñ Saimon Pita lu ñgacsêñom nañ Yisu atac whin̄ ñandô, nañ gi, ma sôm têtñ in̄lu, “Oyaê! Ñac sêkôc Pômdau ndê ñamlañ su yêc sêhò, ma yac am gauc gameñ nañ sêkêñ in̄ yêc.” ³ Goc Pita lu ñgacsêñom dinañ sêti bu sêtêñ sêhò sêndi. ⁴ In̄lu sênti si, ma ñgacsêñom dinañ hóc gêlêc Pita su ma hóc asê mun̄. ⁵ In̄ sôc gi dom, magoc in̄ wec ma tôc gwaniñ, ma gêlic po nañ sêhi pi Yisu ndê ñamlañ, nañ yêc ñamala. ⁶ Saimon Pita kêkuc meñ hóc asê ma gacgeñ sôc hocsun̄ dau ñalôm gi. In̄ gêlic po nañ yêc, ⁷ ma po nañ sêhi pi Yisu ñagólôn̄. Po dinañ yêc dau-ña, magoc yêc bambalin̄ dom, yêc gitôm sêtíp sa ñapep. ⁸ Goc ñgac-sêñom nañ hóc asê sêhò mun̄, nañ sôc gi whin̄. In̄ gêlic po ñambwa, dec kêñ whin̄ bu Yisu tisa su yomandô. ⁹ (Mun̄-ña e meñ têtñ têtñ dinañ, nañ ñac si gauc sa dom pi yom hon̄ nañ sêto yêc bu Yisu oc tisa akêñ lau batê-ña.)

Yisu hoc dau asê têtj Maria Magadala

¹⁰ Dinañ su ma ngacsêñom lu dinañ sêlhô sêmbu sêtêtj si andu si. ¹¹ Magoc Maria Magadala nañ mbu meñ su, nañ gacgeñ kalhac sêhò ñamakê ma tañ. Inj wec bu têt gwaniñ sêhò ñalôm, ¹² ma inj gêlic añela lu ti ñakwê sêsêp sêndôc gameñ nañ muñ-nga Yisu yêc, dañ ndôc ñagôlôñ-nga, ma dañ ndôc gahi-nga. ¹³ Ma sêndac inj, “O awê! Am tañ tu sake-nga?” Ma inj ô yom ma sôm, “Lau sêkôc aneñ Pômdau ndê ñamlañ su, ma aô gam gauc gameñ nañ sêkêñ inj yêc nañ.” ¹⁴ Inj sôm yom dinañ su, dec tagêlic ma gêlic Yisu, magoc kêyalê dom bu inj Yisu. ¹⁵ Ma Yisu sôm, “Awhê! Am tañ tu sake-nga? Am kêsalê asa?” Maria gauc gêm bu inj ngac nañ yob ôm dau, dec sôm, “O ñadau, am bu kôc inj ndê ñamlañ su, goc sôm asê têtj aô bu am kên inj yêc gameñ bocke, ma yac oc andi akôc inj sa.” ¹⁶ Têtj dinañ Yisu sôm têtj inj, “Maria.” Goc Maria kac dau kwi ma mbwêc ña Yom Hïbru, “Raboni!” (Yom dau danem kwi bu ‘Kêdôhônwaga.’) ¹⁷ Inj kêgape Yisu dôñ ñañga, magoc inj sôm, “Am êmasec aô ñapañ dom, bu aô gatêtj Damañ ga su dom. Magoc am mbu ndi, ma sôm têtj aneñ asidôwai bu aô oc wambu watêtj aneñ Damañ, ma mac nem Damam. Inj aô neñ Anôtô, ma mac nem Anôtô.”

¹⁸ G oc Maria Magadala kôlhô têtj Yisu ndê sêñomi gi, ma sôm têtj ñac bu, “Pômdau tisa ma aô galic inj su!” Ma yom hoñ nañ Yisu sôm têtj inj, nañ inj gic miñ têtj ñac.

Yisu hoc dau asê têtj ndê sêñomi

19 Têñ wake ñabêc ñamata-nga dinan ñaôbwêc, sêñomi sêmbo andu dan ñalôm sêwhin dau. Nac sic gatam ahuc ñanga, bu sêtôc lau bata Israel-nga. Sêmbo dinan, ma Yisu hoc dau asê kalhac ñac ñalhu, ma sôm, “Yom malô whin mac!” 20 In sôm yom dinan su, goc tôc in amba ma ñabi têt ñac sêlic. Ma ñac hon atac ñayham atu tu sêlic Pômdau-nga. 21 Ma in sôm tiyham, “Yom malô whin mac! Tôm Daman kêkin aô gasip nom gameñ, nan kwahic dec wan kin mac asa andi.” 22 Dec in yu wayahô pi ñac ma sôm, “Akôc Nalau Dabuñ sa loc. 23 Aô wakên ñaclai têt mac bu asuc ñamalac si sac kwi. Nac nan mac asuc ñac si sac kwi, nan Anötô suc ñac si sac kwi bocdinan. Ma ñac nan mac asuc si sac kwi dom, nan si sac oc gacgen yêc ñac-nga.”

Yisu hoc dau asê têt Tomas

24 Têt ndoc ñamata-nga nan Yisu hoc dau asê têt in ndê sêñomi, nan Tomas mbo whin ñac dom. In ñgacsêñomi 12 si dan nan sêsam bu Lôcmpôn. 25 Tinambu sêñomi ñatô sêsôm têt in bu, “Yac alic Pômdau su!” Magoc in sôm, “Aô gakên whin dom! Aô bu walic bôlêm ñamala yêc in amba, ma wakên aô amanatu sip ñamala dau, ma sôc kêk ñamala yêc in ñabi, dec aô oc wakên whin.”

26 Wake dan ginga su, ma Yisu ndê sêñomi sêmbo andu dau tiyham, ma Tomas mbo whin ñac. Nac sic gatam ahuc ñanga sa, magoc Yisu meñ kalhac ñac ñalhu. Ma in sôm, “Yom malô whin mac!” 27 Ma in sôm têt Tomas, “Lic aô

aman, ma kêñ amam-atu sip dec, ma kêñ amam-atu sôc aneñ ñabi. Hu nem atac lu-lu siñ, ma kêñ whiñ.” ²⁸ Dec Tomas sôm, “Aneñ Pômdau, ma aneñ Anötö am!” ²⁹ Goc Yisu sôm têt in, “Am gêlic aõ su, dec kêñ whiñ. Aõ awhañ hóc lau nañ sêlic pi tandô dom, magoc sêkêt whiñ, bu ñac oc sêtap Anötö ndê mwasin sa.”

Jon ndê bapia ñahu

³⁰ Yisu kôm gêt dalô daêsam yêc in ndê sêñomi aᅅgô-ᅅga, nañ ñamiñ yêc bapia dindéc dom. ³¹ Magoc yom pi gêt dalô nañ sêto sip bapia dindéc, nañ yêc tu bu mac asam ma akêt whiñ bu Yisu in Mesaya, Anötö ndê Atu. Ma tu mac akêt whiñ in ndê ñaê-ᅅga, dec mac oc atap señ ambo tamli-ᅅga sa.

21

Ngacsêñomi sêhê i daêsam

¹ Tiᅅambu Yisu hoc dau asê têt ñgacsêñomi tiyham, yêc Bugicton Taibirias* ñamakê. Ma ñamiñ dau dindéc. ² Saimon Pita, ma Tomas nañ sêsam bu Lôcmpôn, Natanael nañ meñ akêt malac Kana yêc Galili, Sebedi ndê atu lu, ma ñgacsêñom lu tiyham sêmbo sêwhiñ dau. ³ Ma Pita sôm têt ñac, “Aõ bu wasa wandi wakôc i.” Ma ñac sêsôm, “Ayôc, yac awhiñ am daloc.” Bocdinañ ñac hoñ sêpi wañ dañ ma sêsa si bu sêkêt wasañ. Magoc têt ôbwêc dinañ, sêkôc i dañ dom.

* **21:1** Taibirias - Bugicton Galili-ᅅga ndê ñaê dañ.

⁴ Têñ bêbêc ganduc Yisu kalhac baö, tigen ñac sênjalê dom bu in Yisu. ⁵ Ma in hê mwalêc ñac ma sôm, “Aê mac lau. Mac akôc i ñatô, me mba?” Ma sêsôm, “Mba!” ⁶ Dec in sôm têtñ ñac, “Akêtñ wasañ sip andô-nga, ma mac oc atap i ñatô sa.” Bocdinañ ñac sêkêtñ wasañ sip gi ma sêkôc i daêsam andô, dec gitôm dom bu sêhê sa. ⁷ Têtñ dinañ ngacsênôm nañ Yisu atac whin kêlêc, nañ sôm têtñ Pita bu, “Kec, Pômdau dau dê.” Saimon Pita ngô yom dau, goc ñagahô in kôc ndê ñakwê awê-nga sa, hi pi dau, ma pwê sip bu gi, ma bu têtñ Yisu ndi. ⁸ Wan dau poc kêpin baö, ñasawa gitôm 90 mita, ma ngacsênomi ñatô sêhêc wan ma sêhê wasañ ti i sênkuc Pita.

⁹ Ñac sêhêc asê baö, ma sêlic i sa ya ñanda, ma bolom ñatô. ¹⁰ Ma Yisu sôm têtñ ñac, “Akôc i ñatô sa yêc wasañ amenj.” ¹¹ Goc Saimon Pita têtñ wan gi, kêgapwêc wasañ su, goc sêhê pi baö gi. I atu-atu daêsam sêyêc wasañ, nañ sêsê sa gitôm 153, magoc wasañ dau kic dom. ¹² Ñac hon sêtôc bu sêndac in bu, “Am asa?” Magoc yêc ñac si ñalôm sênjalê bu in Pômdau. Ma Yisu sôm, “Amenj ma anej gêtñ bêbêc-nga.” ¹³ Dec in kêsêlêñ gi ma kôc i ti bolom sa, ma kêtñ têtñ ñac. ¹⁴ Dinañ ti têtñ titô-nga nañ Yisu hoc dau asê têtñ ndê ngacsênomi têtñ ndoc Anötö uñ in sa akêtñ lau batê-nga.

Yisu ndê yom têtñ Pita

¹⁵ Ñac señ gêtñ pacndê, goc Yisu sôm têtñ Saimon Pita, “Saimon, Jon ndê atu. Am tac whin aö ñandô, hêc gêlêc lau dindêc si atac whin aö su, me?” Ma in sôm, “Aêc Pômdau! Am kêyalê bu aö atac whin am.” Dec Yisu sôm, “Bocdinañ

lôm aneñ domba.” ¹⁶ Ma Yisu ndac inñ tiyham bu, “Saimon, Jon ndê atu, am tac whiñ aö ñandô, me?” Ma inñ ô yom ma sôm, “Aêc Pômdau, am kêyalê bu aö atac whiñ am.” Dec Yisu sôm, “Yob aneñ domba.” ¹⁷ Ma inñ ndac tidim titö-nga, “Saimon, Jon ndê atu, am tac whiñ aö ñandô, me?” Pita ndê ñalôm ñawapac bu Yisu ndac yom tigenñ dinañ têt inñ tidim tö, ma inñ sôm, “Pômdau, am kêyalê gêt hon. Am kêyalê bu aö atac whiñ am kêtêc.” Goc Yisu sôm, “Lôm aneñ domba. ¹⁸ Aö wasôm yom ñandô têt am. Têt ndoc am mbo balê, nañ am kêmasañ daôm, ma kêtêlêt têt gameñ bocke nañ am daôm atac whiñ bu ndi. Tigenñ tiñambu, têt ndoc am ti ñamalac andô, nañ am oc êmatôc amam, ma lau danñ oc sêsô am nem piñkap dôñ, ma sêwê am têt gameñ nañ am atac whiñ dom bu ndi-nga nañ.” ¹⁹ Yisu sôm yom dinañ gwanañ pi Pita ndê mbac ndu ñalêt, nañ oc po Anötö ndê waê sa. Ma Yisu gic têt ku yom ma sôm, “Êmkuc aö!”

Yisu lu ñgacsêñom nañ inñ atac whiñ

²⁰ Têt dinañ Pita kac dau kwi ma gêtêc ñgacsêñom nañ Yisu atac whiñ inñ ñandô, nañ kêtêc inñ. (Inñ ñgac dinañ têt ndoc ñac señ Pasowa, nañ ndöc gi pañ Pômdau, ma ndac inñ bu asa oc hoc inñ asê.) ²¹ Têt ndoc Pita gêtêc inñ, nañ goc inñ ndac Yisu, “Pômdau, ñgac dê oc bocke?” ²² Ma Yisu ô yom ma sôm, “Am êmkuc aö ma hêtêc daôm pi inñ dom. Aö bu wakêt inñ mbo tali e wambu wameñ, nañ aö neñ gêt.” ²³ Tiñambu sêtêmi ñatô sêtêgô yom dau ñawaê, ma ñatô gac gêt bu ñgacsêñom dinañ oc mbac ndu

dom. Magoc Yisu ndê yom hêganônê ngacsênom dau mbo tali-nga lec dom. Inj sôm bu, “Aö bu wakêñ inj mbo tali e wambu wameñ, nañ aö neñ gêñ.”

Yom ndic bata-nga

²⁴ Inj ngacsênom dau dinañ dec hoc yom hoñ dindec asê, ma to sip bapia dindec. Ma yac aňyalê bu inj ndê yom inj yom ñandô eñ. ²⁵ Yisu kôm gêñ daêsam ma daêsam andô nañ ñamiñ yêc bapia dindec dom. Yac bu aňsahê bu ato yom sip bapia, pi gêñ hoñ nañ Yisu kôm, mboe yom dau oc nem bapia nom-nga hoñ ahuc.

xcv

Anötö ndê Yom Lêñsêm Wakuc
Bugawac: Anötö ndê Yom Lêñsêm Wakuc New
Testament

copyright © 2013 Lutheran Bible Translators Australia

Language: Bugawac

Contributor: Wycliffe Bible Translators, Inc.

All rights reserved.

2020-11-11

PDF generated using Haiola and XeLaTeX on 29 Sep 2022 from source
files dated 17 May 2022

1dcc5a6c-3c1e-54e8-aa77-af18a3782048